

BÎN-SÒ·-KÌ (4)

1 Í-sek-liát lāng chhut Ai-kíp toē í-āu, tē-jī nī, jī-géh chhoe-it jīt, Iā-hō-hoa tī Se-nái ê không-iá tī hoē-bō·-tióng hoan-hù Mô·se kóng, ²Lín tiòh chiong Í-sek-liát choân-hoē ê chóng-sò·, chiàu in ê ke-kháu chong-chók, chiàu lāng-miā ê siàu-giáh, sng in ta-po· ê jîn-teng. ³Kìⁿ-nā Í-sek-liát tióng, tùi jī-cháp hē í-chiūⁿ, oē chhut khi kau-chiàn ê, lí kap A-lún tiòh chiàu in ê kun-tūi lâi tiám-sng i. ⁴Múi chi-phài-tióng, tiòh ū chít-lāng, choē in ê chók-tiúⁿ ê, lâi pang-chān lín. ⁵Kap lín khiā choē-tui ê lāng, in ê miā-jī kī tī ē-toé. Siók Liū-piān ê, ū Sī-tiu-jīⁿ ê kiáⁿ Í-lī-siok. ⁶Siók Se-biān ê, ū So·lī-sa-tāi ê kiáⁿ Sī-lō·biát. ⁷Siók Iū-tāi ê, ū A-bí-ná-tát ê kiáⁿ, Ná-sūn. ⁸Siók Í-sat-ka ê, ū So·ap ê kiáⁿ, Ná-thán-giáp. ⁹Siók Se-pò·lún ê, ū Hi-lún ê kiáⁿ, Í-lī-ap. ¹⁰Iok-sek ê kiáⁿ-sun siók Í-hoat-liân ê, ū A-bí-hut ê kiáⁿ, Í-lī-sa-má; siók Má-ná-se ê, ū Pí-tāi-siok ê kiáⁿ, Ka-má-liát. ¹¹Siók Piān-ngá-bín ê, ū Ki-to-nī ê kiáⁿ, A-pí-tàn. ¹²Siók Tàn ê, ū A-bí-sa-tāi ê kiáⁿ, A-hi-í-siā. ¹³Siók A-siat ê, ū Gô-lân ê kiáⁿ, Phāⁿ-kiat. ¹⁴Siók Ka-tek ê, ū Tiu-jīⁿ ê kiáⁿ, Í-lī-ngá-sat. ¹⁵Siók Ná-hut-tha-lí ê, ū Í-lâm ê kiáⁿ, A-hi-láh. ¹⁶Chiah-ê lóng sī tùi hoē-tióng kóng-soán ê, ták-ê choē in pún chi-phài ê siú-léng, lóng sī Í-sek-liát kun-tūi-tióng ê thóng-léng. ¹⁷Mô·se A-lún chiū chhoā hiah ê siū kī-miā ê lāng; tī jī-géh chhoe-it jīt, tiàu-chíp

hoē-chiòng; ¹⁸in chiū chiàu in ê jîn-teng, tùi jī-cháp hē í-siōng, chiàu in ê miā-giáh, chiàu in ê ke-kháu chong-chók, pài-liát in ê sè-hē. ¹⁹Iā-hō-hoa án-ni bēng-lēng Mô·se i chiū tī Se-nái ê không-iá tiám-sng in.

²⁰Í-sek-liát ê toā-kiáⁿ, Liū-piān kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miā ê siàu-giáh, chiàu in ê jîn-teng, tùi jī-cháp hē í-chiūⁿ ê ta-po·--ê, oē chhut-khi kau-chiàn--ê; ²¹siók Liū-piān ê chi-phài kè-sng-ê, sī-bān lāk-chheng gō·pah miā.

²²Se-biān kiáⁿ-sun ê sè-hē, chiàu in ê ke-kháu, in ê chong-chók, kè-sng-ê, chiàu lāng-miā ê siàu-giáh, chiàu in ê jîn-teng, tùi jī-cháp hē í-chiūⁿ ê ta-po·, oē chhut-khi kau-chiàn-ê; ²³siók Se-biān ê chi-phài kè-sng--ê, gō·bān káu-chheng saⁿ-pah miā.

²⁴Ka-tek kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miā ê siàu-giáh, tùi jī-cháp hē í-chiūⁿ, oē chhut-khi kau-chiàn-ê; ²⁵siók Ka-tek ê chi-phài, kè-sng-ê, sī-bān gō·chheng lāk-pah gō·cháp miā.

²⁶Iū-tāi kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miā ê siàu-giáh, tùi jī-cháp hē í-chiūⁿ, oē chhut-khi kau-chiàn-ê; ²⁷siók Iū-tāi ê chi-phài, kè-sng-ê, chhit-bān sī-chheng lāk-pah miā.

²⁸Í-sat-ka kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miā ê siàu-giáh, tùi jī-cháp hē í-chiūⁿ oē chhut-khi kau-

chiàn-ê; ²⁹siók Í-sat-ka ê chi-phài, kè-sng-ê, gō·bān sì-chheng sì-pah miâ.

³⁰Se-pò·lūn kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ³¹siók Se-pò·lūn ê chi-phài, kè-sng-ê, gō·bān chhit-chheng sì-pah miâ.

³²Iok-sek ê kiáⁿ-sun, siók Í-hoat-liân kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ³³siók Í-hoat-liân ê chi-phài, kè-sng-ê, sì-bān liân gō·pah miâ.

³⁴Má-ná-se kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ³⁵siók Má-ná-se ê chi-phài, kè-sng-ê, saⁿ-bān nng-chheng nng-pah miâ.

³⁶Piān-ngá-bín kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ³⁷siók Piān-ngá-bín ê chi-phài, kè-sng-ê, saⁿ-bān gō·chheng sì-pah miâ.

³⁸Tàn kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ³⁹siók Tàn ê chi-phài, kè-sng-ê, lāk-bān nng-chheng chhit-pah miâ.

⁴⁰A-siat kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ⁴¹siók A-siat ê chi-phài, kè-sng-ê, sì-bān chit-chheng gō·pah miâ.

⁴²Ná-hut-tha-lī kiáⁿ-sun ê sè-hē, chiàu in ê ke-kháu, in ê chong-chók, chiàu lāng-miâ ê siàu-giáh, tùi jī-cháp hē í-chiūⁿ, oē chhut-khì kau-chiàn-ê; ⁴³siók Ná-hut-tha-lī ê chi-phài, kè-sng-ê, gō·bān saⁿ-chheng sì-pah miâ.

⁴⁴Chiah-ê lóng sī kè-sng-ê, sī Mô·se A-lūn kap Í-sek-liát cháp-jī ê siú-léng só·sng-ê; in ták-ê tãi-piáu in ê chong-chók. ⁴⁵Án-ni Í-sek-liát lāng kè-sng-ê, chiàu i ê chong-chók, tùi jī-cháp hē í-chiūⁿ, kìⁿ-nā Í-sek-liát-tiong oē chhut-khì kau-chiàn ê lāng; ⁴⁶chiū-sī it-chhè kè-sng-ê kiōng lāk-cháp-bān liân saⁿ-chheng gō·cháp miâ.

⁴⁷Tók-tók Lī-bī lāng chiàu chók-chong ê chi-phài, bô sng chāi-lāi. ⁴⁸In-ūi Iā-hô-hoa bat hoan-hù Mô·se kóng, ⁴⁹Tók-tók Lī-bī chi-phài lí m̄-thang tiám-sng, iā m̄-thang tī Í-sek-liát-tiong sng in ê chong-giáh. ⁵⁰Tók-tók tiōh phài Lī-bī lāng koán-lí cheng-kù ê hoē-bō·, kap kī-tiong it-chhè ê khi-kū, kap it-chhè siók tī hí lāi-bīn-ê; in tiōh kng hoē-bō· kap kī-tiong it-chhè ê khi-kū, iā tiōh su-hāu hoē-bō·, tī i ê sì-ūi an-iāⁿ. ⁵¹Hoē-bō· beh khí-sin ê sí, tiōh Lī-bī lāng thiah i; hoē-bō· beh tah ê sí, tiōh Lī-bī lāng khiā i; í-goā ê lāng kūn-oá i, tek-khak tiōh siū sí. ⁵²Í-sek-liát lāng tah pò·pīⁿ, kok chiàu in ê kun-tūi, kok kui in ê pún-iāⁿ, kok kui in ê toā-kī. ⁵³Tók-tók Lī-bī lāng tiōh tī cheng-kù ê hoē-bō· sì-ūi an-iāⁿ, bián-tit toā siū-khì līm-kàu tī Í-sek-liát ê hoē-chiōng; Lī-bī lāng iā tiōh siú cheng-kù ê hoē-bō· ê chek-sêng. ⁵⁴Í-sek-liát lāng chiū án-ni kiāⁿ; kìⁿ-nā Iā-hô-hoa só· bēng-lēng Mô·se ê, in chiū chiàu án-ni kiāⁿ.

2 Iā-hô-hoa hoan-hù Mô·se A-lūn kóng, Í-sek-liát lāng tiōh ták-ê tah i ê pò·pīⁿ, tī ka-kī ê toā-kī-ē, tī pún-chók ê kī-hō hia, ūi-ūi ñg hoē-bō· chat-iāⁿ. ³Tī tang-sì ñg jīt-chhut ê só·chāi, chiàu in ê kun-tūi chat-iāⁿ ê, sī tiōh Iū-tāi iāⁿ ê toā-kī; ū A-bí-ná-tát ê kiáⁿ Ná-sūn choē Iū-tāi lāng ê siú-léng. ⁴I ê kun-tūi, chiū-sī kè-sng ê, kiōng ū chhit-bān sì-chheng lāk-pah miâ. ⁵Oá-kūn i chat-iāⁿ-ê sī tiōh Í-sat-ka

ê chi-phài, ũ So·ap ê kiáⁿ Ná-thán-giáp choè Í-sat-ka lăng ê siú-léng; ⁶i ê kun-tui, chiū-sī kè-sng-ê, kiōng ũ gō·băn sì-pah miâ. ⁷Koh ũ Se-pò·lun ê chi-phài; Hi-lun ê kiáⁿ Í-lī-ap choè Se-pò·lun lăng ê siú-léng; i ê kun-tui, chiū-sī kè-sng-ê, kiōng ũ gō·băn chhit-chheng sì-pah miâ. ⁹Siók Iú-tāi iâⁿ, chiàu i ê kun-tui lóng-chóng kè-sng-ê, kiōng ũ chấp-poeh-băn lăk-chheng sì-pah miâ; in tiōh choè-thâu khí-sin.

¹⁰Tī lâm-pêng, chiàu in ê kun-tui, sī Liū-piān iâⁿ ê toā-kī, ũ Sī-tiu-jīⁿ ê kiáⁿ Í-lī-siok choè Liū-piān lăng ê siú-léng; ¹¹i ê kun-tui, chiū-sī kè-sng-ê, kiōng ũ sì-băn lăk-chheng gō·pah miâ. ¹²Oá-kūn i chat-iâⁿ-ê sī Se-biān ê chi-phài; So·lí-sa-tāi ê kiáⁿ Sī-lō·biat choè Se-biān lăng ê siú-léng; ¹³i ê kun-tui, chiū-sī kè-sng-ê, kiōng ũ gō·băn káu-chheng saⁿ-pah miâ. ¹⁴Koh ũ Ka-tek ê chi-phài; Tiu-jīⁿ ê kiáⁿ Í-lī-ngá-sat choè Ka-tek lăng ê siú-léng; ¹⁵i ê kun-tui, chiū-sī kè-sng-ê, kiōng ũ sì-băn gō·chheng lăk-pah gō·cháp miâ. ¹⁶Siók Liū-piān iâⁿ, chiàu i ê kun-tui, lóng-chóng kè-sng-ê, kiōng ũ chấp-gō·băn chhit-chheng sì-pah gō·cháp miâ; in tiōh choè tē-jī tui khí-sin.

¹⁷Jiān-āu hoē-bō· tiōh khí-sin, ũ Lī-bī lăng ê iâⁿ tī chiah ê iâⁿ ê tiong-kan, in án-ni chat-iâⁿ, tiōh chiàu án-ni khí-sin, kok chiàu i ê toā-kī.

¹⁸Tī sai-pêng, chiàu in ê kun-tui, sī Í-hoat-liân iâⁿ ê toā-kī; A-bí-hut ê kiáⁿ Í-lī-sa-má choè Í-hoat-liân lăng ê siú-léng; ¹⁹i ê kun-tui, chiū-sī kè-sng-ê, kiōng ũ sì-băn liân gō·pah miâ. ²⁰Oá-kūn i ê, sī Má-ná-se ê chi-phài; Pí-tāi-siok ê kiáⁿ Ka-má-liat choè Má-ná-se lăng ê siú-léng; ²¹i ê kun-tui, chiū-sī kè-sng-ê, kiōng ũ saⁿ-băn nng-chheng nng-pah miâ. ²²Koh ũ Piān-ngá-bín ê chi-phài; Ki-to-ni ê

kiáⁿ A-pí-tàn choè Piān-ngá-bín lăng ê siú-léng; ²³i ê kun-tui, chiū-sī kè-sng-ê, kiōng ũ saⁿ-băn gō·chheng sì-pah miâ. ²⁴Siók Í-hoat-liân iâⁿ, chiàu i ê kun-tui, lóng-chóng kè-sng-ê, kiōng ũ chấp-băn liân poeh-chheng chit-pah miâ; in tiōh choè tē-saⁿ tui khí-sin.

²⁵Tī pak-pêng chiàu in ê kun-tui, sī Tàn ê iâⁿ ê toā-kī; A-bí-sa-tāi ê kiáⁿ A-hi-í-siā choè Tàn ê lăng ê siú-léng; ²⁶i ê kun-tui, chiū-sī kè-sng-ê, kiōng ũ lăk-băn nng-chheng chhit-pah miâ. ²⁷Oá-kūn i chat-iâⁿ-ê sī A-siat ê chi-phài; Gō-lân ê kiáⁿ Phāⁿ-kiat choè A-siat lăng ê siú-léng; ²⁸i ê kun-tui, chiū-sī kè-sng-ê, kiōng ũ sì-băn chit-chheng gō·pah miâ. ²⁹Koh ũ Ná-hut-tha-lī ê chi-phài, Í-lâm ê kiáⁿ A-hi-láh choè Ná-hut-tha-lī lăng ê siú-léng; ³⁰i ê kun-tui, chiū-sī kè-sng-ê, kiōng ũ gō·băn saⁿ-chheng sì-pah miâ. ³¹Siók Tàn ê iâⁿ, lóng-chóng kè-sng-ê, kiōng ũ chấp-gō·băn chhit-chheng lăk-pah miâ; tiōh kui in ê toā-kī, choè lō·bé tui khí-sin.

³²Chiah-ê sī Í-sek-liat lăng, chiàu in ê chong-chók kè-sng-ê, chiàu in ê kun-tui, tī chiah ê iâⁿ-tiong lóng-chóng kè-sng-ê, kiōng ũ lăk-cháp bân liân saⁿ-chheng gō·pah gō·cháp miâ. ³³Tók-tók Lī-bī lăng bô sng tī Í-sek-liat lăng ê lāi-bīn; sī chiàu Iâ-hô-hoa só· bēng-lēng Mō·se ê, Í-sek-liat lăng án-ni kiáⁿ; ³⁴ták-lâng chiàu in ê ke-kháu, in ê chong-chók, kui in ê toā-kī, án-ni chat-iâⁿ, án-ni khí-sin; lóng-sī chiàu Iâ-hô-hoa só· bēng-lēng Mō·se ê lāi kiáⁿ.

3 Iâ-hô-hoa tī Se-nái soaⁿ, tui Mō·se kóng ê jlt, A-lun kap Mō·se ê sè-hē chhin-chhiūⁿ ē-toé. ²A-lun ê kiáⁿ ê miâ sī chiah-ê; toā-kiáⁿ miâ-kiò Ná-tap, koh ũ A-pí-hō·, Í-lī-a-sat, Í-tha-má. ³Che sī A-lun ê kiáⁿ ê miâ, lóng sī siū boah-iū choè chē-si ê; bat kā in kiáⁿ siat-

lip ê lé, lâi tam-tng chè-si ê chit-hūn. ⁴Ná-tap A-pí-hō· tī Se-nái ê không-iá, tī Iâ-hô-hoa ê bīn-chêng, hiàn pát-hō hé ê sí, chiū sí tī Iâ-hô-hoa ê bīn-chêng; in iā bô kiáⁿ-jī. Í-lī-a-sat Í-tha-má tī in lâu-pē A-lūn ê bīn-chêng, tam-tng chè-si ê chit-hūn.

⁵Iâ-hô-hoa hoan-hù Mô·se kóng, ³Lí hō· Lī-bī ê chi-phài kūn-chêng lâi, khiā tī chè-si A-lūn ê bīn-chêng, thang hók-sāi i. ⁷In tiòh siú só· hoan-hù A-lūn ê, iā tiòh tī hoē-bō· chêng siú só· hoan-hù hoē-chiòng--ê, lâi pān-lí hoē-bō· ê sū. ⁸In tiòh kò·siú hoē-bō· it-chhè ê khi-kū; iā tiòh siú só· hoan-hù Í-sek-liát lāng ê, lâi pān-lí hoē-bō· ê sū. ⁹Lí tiòh chiong Lī-bī lāng hō· A-lūn kap i hiah ê kiáⁿ; in sī tui Í-sek-liát lāng ê tiòng-kan keng--chhut-lâi oân-choân hō· i ê. ¹⁰Lí tiòh hun-phài A-lūn kap i hiah ê kiáⁿ, in iā tiòh siú in chè-si ê chit-jīm; kūn-oá--lâi ê goā-lāng, tek-khak hō· i sí.

¹¹Iâ-hô-hoa hoan-hù Mô·se kóng, ¹²Khoàn ah, Goá pún-sin tui Í-sek-liát lāng ê tiòng-kan chhú Lī-bī lāng, thoè Í-sek-liát lāng it-chhè thâu-thai ê toā-kiáⁿ; Lī-bī lāng beh choè Goá-ê. ¹³In-tui it-chhè ê toā-kiáⁿ lóng sī Goá-ê; Goá tī Ai-kíp toē phah-sí it-chhè ê toā-kiáⁿ hit-jlt, chiū chiong Í-sek-liát-tiòng it-chhè ê toā-kiáⁿ, lāng kap cheng-siⁿ, lóng hun-piat in choè-seng, kui tī Goá; in beh choè Goá-ê; Goá sī Iâ-hô-hoa.

¹⁴Iâ-hô-hoa tī Se-nái ê không-iá hoan-hù Mô·se kóng, ¹⁵Lí tiòh chiàu Lī-bī lāng ê chong-chók, ke-kháu, tiám-sng in; kìⁿ-nā moá-gèh í-chiūⁿ ê ta-po· gín-ná, lí lóng tiòh tiám-sng. ¹⁶Mô·se chiū chiàu Iâ-hô-hoa ê oē lâi tiám-sng in, chiàu i só· siū ê bēng-lēng. ¹⁷Lī-bī chiah ê kiáⁿ ê miâ, chiū-sī Kek-sūn, Ko-hat, Bí-láh-lī. ¹⁸Kek-sūn ê kiáⁿ, chiàu in ê ke, sī Líp-nî, Sī-múi. ¹⁹Ko-hat ê kiáⁿ, chiàu

in ê ke, sī Àm-lân, Í-su-hap, Hi-pek-lūn, O·siat. ²⁰Bí-láh-lī ê kiáⁿ, chiàu in ê ke, sī Boát-lī, Bó·sī. Chiah-ê chiàu in ê chong-chók sī Lī-bī lāng ê ke-kháu.

²¹Siók Kek-sūn ê, ū Líp-nî chók ê ke, Sī-múi chók ê ke; chiah-ê sī Kek-sūn chók ê ke. ²²In kè-sng-ê, tui moá-gèh í-chiūⁿ, chiàu in hiah ê ta-po· gín-ná ê siàu-giáh, in só· kè-sng ê lāng, kiōng ū chhit-chheng gō·pah miâ. ²³Kek-sūn chók hiah ê ke-kháu, tiòh chat-iāⁿ tī hoē-bō·-âu ê sai--sì. ²⁴Láh-i-lék ê kiáⁿ Í-lī ngá-sat choè Kek-sūn lāng chong-chók ê siú-léng. ²⁵Kek-sūn ê kiáⁿ-sun, tī hoē-bō·-tiòng só· tiòh kò·siú--ê, chiū-sī hoē-bō·, kap Pò·pīⁿ, kap i ê koà, kap hoē-bō· ê mng-lí; ²⁶Tⁿ ê pò·ui, kap Tⁿ ê mng-lí, (Tⁿ chiū-sī ui hoē-bō· kap toāⁿ--ê), kap it-chhè só· ēng ê soh.

²⁷Siók Ko-hat ê, ū Àm-lân chók ê ke, Í-su-hap chók ê ke, Hi-pek-lūn chók ê ke, O·siat chók ê ke; chiah-ê sī Ko-hat chók ê ke. ²⁸Chiàu ta-po·-teng ê siàu-giáh, tui moá-gèh í-chiūⁿ, siú sèng-só· ê chek-seng-ê, kiōng ū poeh-chheng lák-pah miâ. ²⁹Ko-hat kiáⁿ-sun hiah ê ke tiòh chat-iāⁿ tī hoē-bō·-piⁿ ê lâm--sì. ³⁰O·siat ê kiáⁿ Í-lī-sat-hoàn choè Ko-hat chong-chók ke-kháu ê siú-léng. ³¹In só· tiòh siú--ê sī iok-kui, toh, teng-tâi, hiah ê toāⁿ, kap sèng-só· lâi in só· ēng ê khi-kū, í-kíp mng-lí, kap it-chhè choè lō·ēng ê mih. ³²Chè-si A-lūn ê kiáⁿ Í-lī-a-sat choè Lī-bī lāng chiah ê siú-léng ê siú-léng, tiòh kàm-chhat hiah ê kò·siú sèng-só· ê lāng.

³³Siók Bí-láh-lī ê, ū Boát-lī chók ê ke, Bó·sī chók ê ke, chiah-ê sī Bí-láh-lī hiah ê ke-kháu. ³⁴In kè-sng ê, chiàu in ta-po·-teng ê siàu-giáh; tui moá-gèh í-chiūⁿ ê, kiōng ū lák-chheng nng-pah miâ. ³⁵A-pí-hāi ê kiáⁿ So·liát choè Bí-láh-lī chong-chók chiah ê ke ê siú-

lêng; in tiòh chat-iâⁿ tī hoē-bō·-piⁿ ê pak--sì.
³⁶Bí-lâh-lī ê kiáⁿ-sun tiāⁿ-tiòh ê chit-hūn sī
 siú hoē-bō· ê pán, i ê kông, i ê thiāu, i ê chō,
 kap it-chhè ê khi-kū, it-chhè choē lō·-ēng ê
 mih; ³⁷Tī sī-ûi ê thiāu, i ê chō, i só· tēng ê
 teng kap soh.

³⁸Tī hoē-bō·-chēng ê tang--sì, chiū-sī tī pò·-
 pīⁿ-chēng òng jīt-chhut ê só·-chāi, chat-iâⁿ-ê sī
 Mô·-se A-lún, kap i hiah ê kiáⁿ; in siú sēng-só·
 ê chek-sēng, chiū-sī thoē Í-sek-liát kiáⁿ-sun ê
 chek-sēng; pát-lâng nā kūn-oá tek-khak tiòh
 hō· i sí. ³⁹Kìⁿ-nā kè-sng ê Lī-bī lāng, chiū-sī
 Mô·-se A-lún chiàu Iâ-hô-hoa ê bēng-lēng só·
 sng--ê, chiàu in ê ke, tui moá-gêh í-chiūⁿ ê ta-
 po·-teng, kiōng ū nng-bān nng-chheng miâ.

⁴⁰Iâ-hô-hoa ká Mô·-se kóng, Lí tiòh tī Í-sek-
 liát lāng ê tiong-kan tiám-sng tui moá-gêh í-
 chiūⁿ kìⁿ-nā thâu-thai ê ta-po·-teng, kì in ê
 miâ-giáh. ⁴¹Goá sī Iâ-hô-hoa, lí tiòh ká Goá
 chhú Lī-bī lāng, thoē Í-sek-liát lāng só· ū ê
 thâu-chiūⁿ-kiáⁿ; iā chhú Lī-bī lāng ê cheng-
 siⁿ, thoē Í-sek-liát lāng só· ū thâu-chú-siⁿ
 ê cheng-siⁿ. ⁴²Mô·-se chiū chiàu Iâ-hô-hoa
 só· bēng-lēng ê, sng Í-sek-liát lāng it-chhè
 ê thâu-chiūⁿ-kiáⁿ. ⁴³Chiàu lāng-miâ ê siâu-
 giáh, tui moá-gêh í-chiūⁿ, kìⁿ-nā thâu-chiūⁿ-
 siⁿ ê ta-po·-teng kè-sng ê, kiōng ū nng-bān
 nng-chheng nng-pah chhit-cháp-saⁿ miâ.

⁴⁴Iâ-hô-hoa hoan-hù Mô·-se kóng, ⁴⁵Lí tiòh
 chhú Lī-bī lāng thoē Í-sek-liát lāng só· ū thâu-
 chiūⁿ-siⁿ ê, iā chhú Lī-bī lāng ê cheng-siⁿ
 thoē Í-sek-liát ê cheng-siⁿ; chiū Lī-bī lāng beh
 siók Goá, Goá sī Iâ-hô-hoa. ⁴⁶Í-sek-liát lāng
 tiong thâu-chiūⁿ ê ta-po·-teng, pí Lī-bī lāng
 khak-choē nng-pah chhit-cháp-saⁿ ê, lí beh ká
 i siók--chhut-lâi; ⁴⁷chiū tiòh chiàu jīm-teng,
 chiàu sēng-só· ê sià-khek-lék, ták-lāng chhú
 gō· sià-khek-lék, (chit sià-khek-lék sī jī-cháp

kui-láh). ⁴⁸Hiah ê chhut-giáh ê lāng só· siók-
 hoē ê gūn, kau-tài A-lún kap i ê kiáⁿ. ⁴⁹Mô·-se
 chiū tui hiah ê siū Lī-bī lāng só· siók chhut-
 giáh ê lāng, thèh siók-hoē ê gūn. ⁵⁰Tui Í-
 sek-liát lāng thâu-chiūⁿ-siⁿ-ê, só· thèh ê gūn,
 chiàu sēng-só· ê sià-khek-lék, ū chit-chheng
 saⁿ-pah lák-cháp-gō· sià-khek-lék. ⁵¹Mô·-se
 chiàu Iâ-hô-hoa ê oē, chiong chia-hê ê siók-
 hoē ê gūn, kau-tài A-lún kap i ê kiáⁿ, tú-tú
 chhin-chhiūⁿ Iâ-hô-hoa só· bēng-lēng Mô·-se
 ê.

4 Iâ-hô-hoa hoan-hù Mô·-se A-lún kóng,
 Lí tiòh tui Lī-bī lāng ê tiong-kan sng Ko-hat
 kiáⁿ-sun ê chóng-giáh, chiàu in ê ke-káu,
 chong-chók. ³Tui saⁿ-cháp hē í-siōng, kau
 gō·-cháp hē, kìⁿ-nā jip-lâi tng-chit tī hoē-bō·-
 lâi choē-kang-ê, lóng tiòh sng i. ⁴Ko-hat ê
 kiáⁿ-sun tī hoē-bō· só· choē ê kang, chiū-sī
 liáu-lí chì-sēng ê mih, kì tī ē-toé. ⁵Iâⁿ-poâⁿ
 khí-sin ê sī, A-lún kap i ê kiáⁿ tiòh jip-khi
 thng jia-cháh ê tiūⁿ-lí, ēng i lâi jia-khâm hoat-
 kūi. ⁶Koh ēng hái-káu-phê khâm tī téng-bīm,
 koh khâm choan-choan lâm-sek ê pò·; jiân-
 āu chia-hê chng i ê kng. ⁷Koh ēng lâm-sek ê
 pò· chhu tī pài-liát piáⁿ ê toh; chiong chia-hê
 poâⁿ, sī, oáⁿ, koàn-tiān ê poe, pài tī hí téng-
 bīm; tī-hia iā tiòh ū siōng-siōng pài-siat ê piáⁿ.
⁸Tī hí téng-bīm koh tiòh tà chu-âng-sek ê pò·,
 koh ēng hái-káu-phê choē koà lâi khâm, chia-hê
 chng i ê kng. ⁹In tiòh thèh lâm-sek pò· lâi
 khâm chiò-kng ê teng-tâi, kap i ê choáⁿ, i ê
 chián, i ê poâⁿ, kap it-chhè choē i ê lō·-ēng toé
 iū ê khi-kū. ¹⁰Koh tiòh chiong teng-tâi, kap i
 it-chhè ê khi-kū, pau tī hái-káu-phê ê koà-lâi,
 hē tī chhâ-kè-téng. ¹¹Tī kim-toâⁿ-téng in tiòh
 chhu lâm-sek ê pò·, ēng hái-káu-phê choē koà
 lâi khâm, chia-hê chng i ê kng. ¹²Koh tiòh
 thèh só· ēng lâi hók-sāi ê khi-kū, chiū-sī tī

sèng-só· ēng lâi hók-sāi-ê, pau tī lâm-sek ê pò·, ēng hái-káu-phê choè koà lâi khâm, hē tī chhâ-kè-téng. ¹³In tiòh siu toāⁿ-téng ê hé-hu, ēng chí-sek ê pò· chhu tī hí téng-bīn. ¹⁴Koh tiòh ēng in choè-kang só· ēng it-chhè ê khi-kū, pài tī téng-bīn; chiū-sī hé-tiāⁿ, bah-chhe, thuh-á, poāⁿ, it-chhè siók tī toāⁿ ê khi-kū, koh ēng hái-káu-phê choè koà lâi tà i, chiah chhng i ê kng. ¹⁵Iāⁿ-poāⁿ beh khí-sin ê sī, A-lūn kap i ê kiáⁿ chiong sèng-só·, kap sèng-só· it-chhè ê khi-kū khâm bēng-pék, jiān-āu Ko-hat ê kiáⁿ-sun tiòh lâi kng; tók-tók m̄-thang bong sèng ê mih, bián-tit in sí; hoē-bō·-lāi chiah ê mih-kiáⁿ sī Ko-hat ê kiáⁿ-sun só· tiòh kng ê. ¹⁶Chè-si A-lūn ê kiáⁿ Í-lī-a-sat só· tiòh kò·siú ê, sī tiám-teng ê iū, kap huiⁿ-liāu, kap siōng-siōng hián ê sò·-chè, kap boah ê iū; iā tiòh kò·siú choān hoē-bō· kap hit tiong-kan só· ū ê, kap sèng-só·, kap sèng-só· só·-ū ê khi-kū.

¹⁷Iā-hô-hoa hoan-hù Mô·se A-lūn kóng, ¹⁸Lín m̄-thang chiong Ko-hat lāng ke-chók ê chi-phài tui Lī-bī lāng ê tiong-kan chián-tū-khi; ¹⁹in óa-kūn chì-sèng ê mih ê sī, lín tiòh ká in án-ni siat-hoat, hō· in oē oáh, bián-tit sí; A-lūn kap i ê kiáⁿ tiòh jlp-khi, phài in tak-lāng só· tiòh choè, só· tiòh kng ê. ²⁰Tók-tók in tiap-á-kú iā m̄-thang jlp-khi khoàⁿ sèng-só·, bián-tit in sí-bô.

²¹Iā-hô-hoa hoan-hù Mô·se kóng, ²²Lí tiòh sng Kek-sūn kiáⁿ-sun ê chóng-giáh, chiàu in ê chong-chók, ke-kháu; ²³tui saⁿ-cháp hē í-siōng kàu gō·cháp hē, kìⁿ-nā jlp-lâi tng-chit tī hoē-bō·-lāi choè-kang-ê, lóng tiòh sng i. ²⁴Kek-sūn lāng chiah ê ke ê kang-tiāⁿ, só· tiòh pān-lí, só· tiòh kng ê, chiū-sī chiah-ê. ²⁵In tiòh kng hoē-bō· hiah ê tiūⁿ-pak, í-kíp hoē-bō·, kap i ê koà, kap tī hí téng-bīn hái-káu-phê choè ê

koà, kap hoē-bō· ê mng-lí; ²⁶īⁿ ê pò·-ui; kap īⁿ-mng ê mng-lí, (īⁿ chiū-sī ui hoē-bō· kap toāⁿ ê,) soh-á, kap só· ēng ê khi-kū, bô-lūn choè sím-mih lō·-ēng ê, in lóng tiòh liāu-lí. ²⁷Kek-sūn ê kiáⁿ-sun tī in it-chhè só· kng ê mih, só· pān ê sū, lóng tiòh chiàu A-lūn kap i ê kiáⁿ-sun só· bēng-lēng ê lâi pān, in só· eng-kai kng ê, lín tiòh phài in kò·siú. ²⁸Che sī Kek-sūn kiáⁿ-sun chiah ê ke, tī hoē-bō·-lāi só· choè ê kang, in só· kò·siú ê, tiòh tī chè-si A-lūn ê kiáⁿ Í-tha-má ê chhiú-ê.

²⁹Lūn-kàu Bí-láh-lī ê kiáⁿ-sun, lí tiòh chiàu in ê ke-kháu, chong-chók, ká in tiám-sng. ³⁰Tui saⁿ-cháp hē í-siōng, kàu gō·cháp hē, kìⁿ-nā jlp-lâi tng-chit tī hoē-bō·-lāi choè-kang-ê, lóng tiòh sng i. ³¹In só· tam-tng ê chek-sēng, chiàu hoē-bō· chiah ê kang-tiāⁿ, chiū-sī hoē-bō· ê pān, kap i ê kng, i ê thiāu, i ê chō, īⁿ si-úi ê thiāu, kap i ê chō; só· tēng ê teng, kap soh-á, kap it-chhè só· ēng ê khi-kū; in tam-tng só· kng ê khi-kū, lín tiòh chiàu-miá chí tiāⁿ-tiòh. ³³Che sī Bí-láh-lī kiáⁿ-sun chiah ê ke ê kang, chiū-sī in tī hoē-bō·-lāi só· choè ê kang, lóng tī chè-si A-lūn ê kiáⁿ Í-tha-má ê chhiú-ê.

³⁴Mô·se A-lūn kap hoē-chiōng chiah ê siú-léng, chiong Ko-hat ê kiáⁿ-sun chiàu in ê chong-chók, ke-kháu; ³⁵tui saⁿ-cháp hē í-siōng kàu gō·cháp hē, kìⁿ-nā jlp-lâi tng-chit tī hoē-bō·-lāi choè-kang-ê, lóng kè-sng i. ³⁶Chiàu in ê ke-kháu kè-sng ê, kiōng ū nng-chheng chhit-pah gō·cháp miá. ³⁷Che sī Ko-hat chók chiah ê ke kè-sng ê, sī kìⁿ-nā tī hoē-bō·-lāi choè-kang-ê, chiū-sī Mô·se A-lūn, chiàu Iā-hô-hoa thok Mô·se só· bēng-lēng tiám-sng ê.

³⁸Kek-sūn ê kiáⁿ-sun kè-sng-ê, chiàu in ê ke-kháu, chong-chók, ³⁹tui saⁿ-cháp hē í-siōng kàu gō·cháp hē, kìⁿ-nā jlp-lâi tng-chit tī hoē-

bō·lāi choē-kang-ê; ⁴⁰kī-tiong kè-sng-ê, chiàu in ê ke-kháu, chong-chók, kiōng ū nng-chheng lāk-pah saⁿ-cháp miâ. ⁴¹Che sī Kek-sūn kiáⁿ-sun chia^h ê ke kè-sng ê; sī kīⁿ-nā tī hoē-bō·lāi choē-kang-ê, chiū-sī Mô·se A-lūn chiàu Iâ-hô-hoa só· bēng-lēng lāi tiám-sng ê.

⁴²Bí-láh-lī kiáⁿ-sun chia^h ê ke, kè-sng-ê, chiàu in ê ke-kháu, in ê chong-chók, ⁴³tùi saⁿ-cháp hē í-siōng kàu gó·cháp hē, kīⁿ-nā jlp-lāi tng-chit tī hoē-bō·lāi choē-kang-ê; ⁴⁴kī-tiong kè-sng-ê, chiàu in ê ke-kháu, kiōng ū saⁿ-chheng nng-pah miâ. ⁴⁵Che sī Bí-láh-lī kiáⁿ-sun chia^h ê ke kè-sng-ê; chiū-sī Mô·se A-lūn chiàu Iâ-hô-hoa thok Mô·se só· bēng-lēng tiám-sng ê. ⁴⁶Kīⁿ-nā kè-sng ê Lī-bī lāng chiū-sī Mô·se, A-lūn, kap Í-sek-liát chia^h ê siú-léng, chiàu in ê ke-kháu, in ê chong-chók, só· tiám-sng-ê, ⁴⁷tùi saⁿ-cháp hē í-siōng kàu gō·cháp hē, kīⁿ-nā jlp-lāi tng-chit tī hoē-bō·lāi choē kng-mih ê kang ê; ⁴⁸kī-tiong kè-sng-ê kiōng ū poeh-chheng gō·pah poeh-cháp miâ. ⁴⁹In hō· Mô·se tiám-sng, chiàu Iâ-hô-hoa só· bēng-lēng-ê, ták-lāng chiàu i só· pān ê sū, chiàu i só· kng ê mih; in án-ni hō· i tiám-sng, sī chiàu Iâ-hô-hoa só· bēng-lēng Mô·se ê.

5 Iâ-hô-hoa hoan-hù Mô·se kóng, Lí tiòh bēng-lēng Í-sek-liát lāng hō· it-chhè hoān-tiòh thái-ko-ê, hoān-tiòh hā-siau-chèng ê, kap in-ūi sí-si bô chheng-khì ê, lóng chhut-khì iāⁿ-goā. ³Bô-lūn lâm-lú lín lóng tiòh hō· in chhut-khì, chiū-sī chhut-khì kàu iāⁿ-goā, bián-tit phah lâ-sâm in ê iāⁿ-poāⁿ, in-ūi Goá khiā-khí tī in ê tiong-kan. ⁴Í-sek-liát lāng chiàu án-ni kiāⁿ, hō· in chhut-khì iāⁿ-goā; Iâ-hô-hoa án-ni hoan-hù Mô·se, Í-sek-liát lāng chiū án-ni kiāⁿ.

⁵Iâ-hô-hoa hoan-hù Mô·se kóng, ⁶Lí tiòh

kā Í-sek-liát lāng kóng, Bô-lūn lâm-lú, nā kiāⁿ lāng só· kiāⁿ ê choē, tì-kàu kan-hoān Iâ-hô-hoa, hit-lāng chiū ū choē. ⁷In tiòh jīm in só· hoān ê choē, chiàu siàu-giáh pē i, lēng-goā ke gō·hūn ê chit-hūn, kui hō· i só· khek-khui ê lāng. ⁸Chóng-sī hit-lāng nā bô chhin-lāng thang niá-siū in-ūi choē só· pē ê, chiū hit-ê in-ūi choē só· pē ê, tiòh hēng hō· Iâ-hô-hoa, lāi kui chè-si; lūn hit-chia^h siók-choē ê iūⁿ-káng, chiū-sī ēng lāi kā i siók-choē-ê, sī sng chāi-goā. ⁹Í-sek-liát lāng it-chhè ê sēng-mih tiong, só· hōng hō· chè-si ê kú-chè, lóng tiòh kui hō· chè-si. ¹⁰Kīⁿ-nā lāng só· hun-piat choē-sēng ê mih, tiòh kui hō· chè-si; lāng ēng sí-mih hō· chè-si ê, lóng tiòh kui tī i.

¹¹Iâ-hô-hoa hoan-hù Mô·se kóng, ¹²Lí tiòh hoan-hù Í-sek-liát lāng tui i kóng, Lāng ê bó· nā kiāⁿ-chhò tek-choē i ê tiōng-hu, ¹³ū lāng kap i kiāⁿ-îm, sū-chēng pì-bít, i ê tiōng-hu m̄-chai, iā bô lō·chhut; chóng-sī i siū phah lâ-sâm, iā bô lāng choē kan-chēng, iā bô liáh-tiòh i, ¹⁴i ê tiōng-hu siⁿ-khí giâu-gí ê sim, giâu-gí i ê bó·, i ê bó· sī phah lâ-sâm; á-sī i ê tiōng-hu siⁿ-khí giâu-gí ê sim, giâu-gí i ê bó·, i ê bó· pēng-bô siū phah lâ-sâm, ¹⁵hit ê lāng tiòh chhoā i ê bó· kàu chè-si hia, iā ūi-tiòh i toā toā-bēh ê mī-hún i-hoat cháp-hūn-chit choē i ê lé-mih, m̄-thang thīn iū, iā m̄-thang chham jú-hiūⁿ, in-ūi che sī giâu-gí ê sò·chè, sī kī-tit ê sò·chè, hō· lāng oē kī-tit choē. ¹⁶Chè-si tiòh hō· hit ê hū-jîn-lāng kūn-oá lāi, hō· i khiā tī Iâ-hô-hoa ê bīn-chēng. ¹⁷Chè-si tiòh ēng sēng ê chúí toé tī hui ê khì-kū-lāi, koh tui hoē-bō· ê thô·kha thēh chit tiám-á thô·hún, hē tī chúí-tiong. ¹⁸Chè-si tiòh hō· hit ê hū-jîn-lāng khiā tī Iâ-hô-hoa ê bīn-chēng, phah-soāⁿ hū-jîn-lāng ê thâu-mng, chiong kī-tit ê sò·chè, chiū-sī giâu-gí ê sò·chè, hē tī

i ê chhiú-tiong; chè-si ê chhiú tiòh thèh tì-kàu chiù-chó· ê khó·-chúi. ¹⁹Chè-si tiòh kah hū-jîn-lâng chiù-choā, tui i kóng, Nā bô lêng kap lí kiāⁿ-îm, lí í-keng siū tiōng-hu ê iok-sok, bô kiāⁿ-chhò tì-kàu phah lâ-sâm, lí chiū kap chit ê chiù-chó· ê khó·-chúi bô kan-siáp. ²⁰Chóng-sī lí í-keng siū tiōng-hu ê iok-sok, nā ū kiāⁿ-chhò siū phah lâ-sâm, tī lí ê tiōng-hu í-goā ū lêng kap lí kiāⁿ-îm; ²¹chè-si chiū hō· hū-jîn-lâng ēng chiù-chó· lâi chiù-choā, chè-si tui hū-jîn-lâng kóng, Iâ-hô-hoa hō· lí ê toā-thúi noā, pak-tó· tiòng ê sí, goān Iâ-hô-hoa hō· lí tī lí ê peh-siⁿ-tiòng chiāⁿ-choè chiù-chó·, chiāⁿ-choè chiū-choā ê oē-pìⁿ. ²²Koh chit-ê tì-kàu chiù-chó· ê chúi beh jíp lí ê tng-á-lāi, hō· lí ê pak-tó· tiòng, toā-thúi noā; hū-jîn-lâng tiòh in kóng, A-bēng, A-bēng. ²³Chè-si tiòh siá chiah ê chiù-chó· ê oē tī chheh--nih, ēng hiah ê jī boah-jíp tī khó·-chúi--nih. ²⁴Koh hō· hū-jîn-lâng lim chit ê chiù-chó· ê khó·-chúi, tì-kàu chiù-chó· ê chúi jíp i ê lâi-bīn chiāⁿ-choè khó·. ²⁵Chè-si tiòh tui hū-jîn-lâng ê chhiú thèh giâu-gī ê sò·-chè, iô hit ê sò·-chè tī Iâ-hô-hoa ê bīn-chēng, toà kàu toāⁿ-chēng. ²⁶Chè-si tiòh tui sò·-chè-tiòng thèh-chhut chit-pé choè kì-liām, sio tī toāⁿ-tēng, jiān-āu hō· hū-jîn-lâng lim chit ê chúi. ²⁷Í-keng hō· hū-jîn-lâng lim hit ê chúi, i nā siū bak lâ-sâm tek-choē i ê tiōng-hu, chit-ê tì-kàu chiù-chó· ê chúi beh jíp i ê lâi-bīn, chiāⁿ-choè khó·; i ê pak-tó· chiū beh kó·-tiòng, toā-thúi chiū beh noā, hit ê hū-jîn-lâng chiū beh tī i ê peh-siⁿ-tiòng chiāⁿ-choè chiù-chó· ê oē-pìⁿ. ²⁸Nā hū-jîn-lâng bô siū phah lâ-sâm, sít-chāi sī chheng-khì, chiū bián siū chai-ē, koh beh hoāi-īm. ²⁹Bó· í-keng siū tiōng-hu ê iok-sok, nā ū kiāⁿ-chhò bak-tiòh lâ-sâm, che chiū-sī giâu-gī ê lē. ³⁰Á-sī lêng siⁿ-chhut giâu-gī ê sim, lâi giâu-gī i ê

bó·, chiū tiòh hō· i ê bó· khiā tī Iâ-hô-hoa ê bīn-chēng, chè-si chiū tiòh kā i chīn chit ê lē lâi kiāⁿ. ³¹Án-ni ta-po·-lêng chiū bô choē, hū-jîn-lâng tiòh tam-tng ka-kī ê choē.

6 Iâ-hô-hoa hoan-hù Mót-se kóng, Lí tiòh hoan-hù Í-sek-liát lêng kā in kóng, Bô-lūn lām-lú hē tèk-piát ê goān, chiū-sī Ná-sè-jīⁿ lêng ê goān, ka-kī hun-piat kui hō· Iâ-hô-hoa, ³i chiū tiòh lī-khui chiú kap kàu-chiú, iā m̄-thang lim sím-mih chiú ê chhò·, kap kàu-chiú ê chhò·, m̄-thang lim sím-mih phū-tô ê chiap, iā m̄-thang chiah chhiⁿ ê phū-tô, kap ta ê phū-tô. ⁴Tī it-chhè ka-kī hun-piat ê jīt, kìⁿ-nā phū-tô-chhiū só· chhut ê, tui hūt kàu phê, lóng m̄-thang chiah. ⁵Tī i hē-goān ka-kī hun-piat hiah ê jīt, m̄-thang hō· thì-thâu-to kàu i ê thâu-khak; kàu i ka-kī hun-piat kui hō· Iâ-hô-hoa ê jīt moá, i tiòh choè-sèng, chhut-chāi i ê thâu-m̄ng hoat-tng. ⁶Tī i ka-kī hun-piat kui Iâ-hô-hoa hiah ê jīt, m̄-thang oá-kūn sin-si. ⁷I ê lâu-pē, á-sī lâu-bú, á-sī hiaⁿ-tī, á-sī chí-bē, sí ê sí, i m̄-thang ūi-tiòh in hō· ka-kī bô chheng-khì; in-ūi i ka-kī hun-piat kui Siōng-tè ê pîn-kù sī tī i ê thâu-khak. ⁸Tī i ka-kī hun-piat hiah ê jīt, i sī kui tī Iâ-hô-hoa choè-sèng. ⁹Nā tī i ê sin-piⁿ hut-jiān ū lêng sí, tì-kàu bak-tiòh i ka-kī hun-piat ê thâu-khak, chiū i tiòh tī ka-kī chheng-khì ê jīt thì-thâu, chiū-sī tī tē-chhit jīt thì i. ¹⁰Tē-poeh jīt i tiòh ēng n̄ng chiah ka-chui, á-sī n̄ng chiah chí^m-á-kiáⁿ, toà kàu hoē-bō· m̄ng-kháu, kau-tài chè-si. ¹¹Chè-si tiòh hián chit-chiah choè siók-choē-chè, chit-chiah choè sio-chè, kā i siók-choē; in-ūi i tui sin-si lâi ū choē; koh tiòh tī hit-jīt hō· i ê thâu-khak choè-sèng. ¹²I tiòh koh ēng i hun-piat ê jīt, hun-piat lâi kui Iâ-hô-hoa, koh tiòh khan chit chiah bē-moá-nī ê iūⁿ-káng-á, choè pót-kè-sit ê chè; chóng-sī í-chēng ê jīt bô sng-siáu, in-ūi

i ê ka-kī hun-piat í-keng siū bak lâ-sâm.

¹³Ná-sè-jíⁿ lāng ka-kī hun-piat ê jít í-keng moá, hit ê lē chiū-sī án-ni; lāng tiòh chhoā i kàu hoē-bō̄ ê mng-kháu. ¹⁴I tiòh chiong i ê lé-mih hiàn hō̄ Iâ-hô-hoa, chiū-sī chít-chiah bô hâ-chhū bē-moá-nī ê mī-iūⁿ-káng-á, choè sio-chè, chít-chiah bô hâ-chhū bē-moá-nī ê mī-iūⁿ-bú-á, choè siók-choē chè, kap chít-chiah bô hâ-chhū ê mī-iūⁿ-káng, choè siā-un ê chè; ¹⁵koh chít-kheng ê bô-kàⁿ piáⁿ, chiū-sī tiau-hô iū iū-mī-hún choē ê piáⁿ, kap boah-iū bô-kàⁿ ê pòh-piáⁿ, í-klp i ê sò-chè, kap koàn-tiān ê chè. ¹⁶Chè-si tiòh thèh chia-hê kàu Iâ-hô-hoa ê bīn-chēng, lâi hiàn hit-lāng ê siók-choē chè, kap sio-chè. ¹⁷I iā tiòh chiong hit chia-hê iūⁿ-káng, kap hit kheng bô-kàⁿ piáⁿ, hiàn hō̄ Iâ-hô-hoa choē siā-un ê chè; chè-si iā tiòh soà hiàn i ê sò-chè kap koàn-tiān. ¹⁸Ná-sè-jíⁿ lāng tiòh tī hoē-bō̄ mng-kháu thì ka-kī hun-piat ê thâu, chiong ka-kī hun-piat ê thâu-mng, hē tī siā-un-chè ē-bīn ê hé-téng. ¹⁹Ná-sè-jíⁿ lāng thì i ka-kī hun-piat ê thâu-mng liáu-āu, chè-si chiū tiòh chhú í-keng chú ê iūⁿ-káng chít ki chēng-thúi, koh tui kheng-á-lāi thèh chít ê bô-kàⁿ piáⁿ, kap chít ê bô-kàⁿ ê pòh-piáⁿ, lóng hē tī i ê chhiú. ²⁰Chè-si tiòh thèh chia-hê choē iō-chè, iō tī Iâ-hô-hoa ê bīn-chēng; che kap só̄ iō ê heng, só̄ kú ê thúi, lóng choē sēng-mih, kui hō̄ chè-si; jiān-āu Ná-sè-jíⁿ lāng thang lim-chiú. ²¹Hē-goān ê Ná-sè-jíⁿ lāng ūi-tiòh i hun-piat ka-kī só̄ hiàn ê lé-mih, kap i í-goā só̄ oē tit-tiòh-ê, hiàn hō̄ Iâ-hô-hoa, chiū-sī chít ê lē; i án-ni hē-goān chiū tiòh chiàu hun-piat ka-kī ê lē lâi kiāⁿ.

²²Iâ-hô-hoa hoan-hù Mô-se kóng, ²³Lí tiòh hoan-hù A-lûn kap i ê kiáⁿ kóng, Lín tiòh án-ni ká Í-sek-liát lāng chiok-hok, tui in kóng:

²⁴Goān Iâ-hô-hoa sù-hok lí, pó-hō̄ lí;

²⁵Goān Iâ-hô-hoa hō̄ I ê bīn ê kng chiò lí, si-un hō̄ lí;

²⁶Goān Iâ-hô-hoa hoaⁿ-hí ê bīn khoàⁿ lí, siúⁿ-sù lí pēng-an.

²⁷Án-ni in beh ēng Goá ê miā hē tī Í-sek-liát lāng ê téng-bīn; Goá iā beh sù-hok in.

7 Mô-se khí hoē-bō̄ bēng-pék, chiū ēng iū boah i, hun-piat i choē-sēng; koh chiong kī-tiong ê khi-kū kap toāⁿ, kap i ê khi-kū, lóng boah i, hun-piat i choē-sēng. ²Hit-jít Í-sek-liát ê chēng siú-léng, chiū-sī in ták-chòk ê chòk-tiúⁿ, lóng lâi hōng-hiàn; in chiū-sī ták chi-phài ê siú-léng, koán-lí hiah ê kè-sēng ê lāng; ³in ēng in ê lé-mih sàng kàu Iâ-hô-hoa ê bīn-chēng, chiū-sī lák tiuⁿ ū jia-khām ê chhia, kap cháp-jī chia-hê gū-káng; múi nng ê siú-léng chít tiuⁿ chhia, ták ê siú-léng chít chia-hê gū; in chiong chia-hê lóng toà kàu hoē-bō̄-chēng. ⁴Iâ-hô-hoa hoan-hù Mô-se kóng, ⁵Lí tiòh tui in siu-lâi, thang choē hoē-bō̄ ê lô-ēng; chiong hiah-ê hō̄ Lī-bī lāng, kok chiàu in só̄ choē ê kang. ⁶Tui án-ni Mô-se chiū siu chhia kap gū, kau hō̄ Lī-bī lāng. ⁷Chiong nng tiuⁿ chhia, sì chia-hê gū, kau Kek-sūn ê kiáⁿ-sūn, chiàu in só̄ choē ê kang. ⁸Koh chiong sì-tiuⁿ chhia, poeh chia-hê gū, kau hō̄ Bí-láh-lī ê kiáⁿ-sūn, chiàu in só̄ choē ê kang; in lóng hō̄ chè-si A-lûn ê kiáⁿ Í-tha-má koán-hat. ⁹Chóng-sī chhia kap gū bô kau hō̄ Kohat ê kiáⁿ-sūn, in-ūi sēng-só̄ ê kang siók tī in, ēng keng-thâu kng i. ¹⁰Ēng iū boah toāⁿ ê jít, siú-léng lóng lâi, kiāⁿ hiàn-toāⁿ ê lé; ták ê siú-léng chiū tī toāⁿ-chēng hiàn in ê lé-mih. ¹¹Iâ-hô-hoa ká Mô-se kóng, Chia-hê siú-léng hiàn lé-mih, ták-ê tiòh tī i ê jít lâi hiàn, lâi kiāⁿ hiàn-toāⁿ ê lé.

¹²Thâu-chít jít hiàn lé-mih ê, sī siók Iū-tāi ê chi-phài A-bí-ná-tát ê kiáⁿ Ná-sūn; ¹³i ê

lé-mih sī chít ê gûn-poân, tâng chít-pah saⁿ-cháp sià-khek-lék, chít ê gûn-óⁿ, tâng chhit-cháp sià-khek-lék, lóng sī chiàu sèng-só⁷ ê sià-khek-lék, chí nng-ê toé-moá tiau-hô iû ê iù-mī-hún, choè sò⁷-chè; ¹⁴chít ê kim-au, tâng chap sià-khek-lék, toé huiⁿ moá-moá; chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ¹⁵chít chiah soaⁿ-iûⁿ-káng choè siók-choē-chè; ¹⁷nng chiah gû-káng, gō⁷ chiah mī-iûⁿ káng, gō⁷ chiah soaⁿ-iûⁿ-káng, gō⁷ chiah bē-moá-nī ê iûⁿ-káng-á, choè siā-un-chè; chiah-ê sī A-bí-ná-tát ê kiáⁿ Ná-sūn ê lé-mih.

¹⁸Tē-jī jīt Í-sat-ka ê siú-léng, So⁷-ap ê kiáⁿ Ná-tàn-giáp, lái hiàn; ¹⁹i só⁷ hiàn ê lé-mih, chiū-sī chít ê gûn-poân, tâng chít-pah saⁿ-cháp sià-khek-lék, chít ê gûn-óⁿ, tâng chhit-cháp sià-khek-lék, lóng sī chiàu sèng-só⁷ ê sià-khek-lék, chí nng-ê toé-moá tiau-hô iû ê iù-mī-hún, choè sò⁷-chè; ²⁰chít ê kim-au, tâng chap sià-khek-lék, toé huiⁿ moá-moá; ²¹chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ²²chít chiah soaⁿ-iûⁿ-káng, choè siók-choē-chè; ²³nng chiah gû-káng, gō⁷ chiah mī-iûⁿ káng, gō⁷ chiah soaⁿ-iûⁿ-káng, gō⁷ chiah bē-moá-nī ê iûⁿ-káng-á, choè siā-un-chè; chiah-ê sī Sô⁷-ap ê kiáⁿ Ná-tàn-giáp ê lé-mih.

²⁴Tē-saⁿ jīt sī Se-pò⁷-lún kiáⁿ-sun ê siú-léng, Hi-lún ê kiáⁿ Í-lī-ap; ²⁵i ê lé-mih chiū-sī chít ê gûn-poân, tâng chít-pah saⁿ-cháp sià-khek-lék, chít ê gûn-óⁿ, tâng chhit-cháp sià-khek-lék, lóng sī chiàu sèng-só⁷ ê sià-khek-lék, chí nng-ê toé-moá tiau-hô iû ê iù-mī-hún, choè sò⁷-chè; ²⁶chít ê kim-au, tâng chap sià-khek-lék, toé huiⁿ moá-moá; ²⁷chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ²⁸chít

chiah soaⁿ-iûⁿ-káng choè siók-choē-chè; ²⁹nng chiah gû-káng, gō⁷ chiah mī-iûⁿ-káng, gō⁷ chiah soaⁿ-iûⁿ-káng, gō⁷ chiah bē-moá-nī ê iûⁿ-káng-á, choè siā-un-chè; chiah-ê sī Hi-lún ê kiáⁿ Í-lī-ap ê lé-mih.

³⁰Tē-sī jīt sī Liū-piān kiáⁿ-sun ê siú-léng, Si-tiu-jīn ê kiáⁿ Í-lī-siok; ³¹i ê lé-mih chiū-sī chít ê gûn-poân, tâng chít-pah saⁿ-cháp sià-khek-lék, chít ê gûn-óⁿ, tâng chhit-cháp sià-khek-lék, lóng sī chiàu sèng-só⁷ ê sià-khek-lék; chí nng-ê toé-moá tiau-hô iû ê iù-mī-hún, choè sò⁷-chè; ³²chít ê kim-au, tâng chap sià-khek-lék, toé huiⁿ moá-moá; ³³chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ³⁴chít chiah soaⁿ-iûⁿ-káng choè siók-choē-chè; ³⁵nng chiah gû-káng, gō⁷ chiah mī-iûⁿ-káng, gō⁷ chiah soaⁿ-iûⁿ-káng, gō⁷ chiah bē-moá-nī ê iûⁿ-káng-á, choè siā-un-chè; chiah-ê sī Si-tiu-jīn ê kiáⁿ Í-lī-siok ê lé-mih.

³⁶Tē-gō⁷ jīt sī Se-biān kiáⁿ-sun ê siú-léng, So⁷-lī-sa-tāi ê kiáⁿ Sī-lō⁷-biát; ³⁷i ê lé-mih chiū-sī chít ê gûn-poân, tâng chít-pah saⁿ-cháp sià-khek-lék, chít ê gûn-óⁿ, tâng chhit-cháp sià-khek-lék, lóng sī chiàu sèng-só⁷ ê sià-khek-lék; chí nng-ê toé-moá tiau-hô iû ê iù-mī-hún, choè sò⁷-chè; ³⁸chít ê kim-au, tâng chap sià-khek-lék, toé huiⁿ moá-moá; ³⁹chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁴⁰chít chiah soaⁿ-iûⁿ-káng choè siók-choē-chè; ⁴¹nng chiah gû-káng, gō⁷ chiah mī-iûⁿ-káng, gō⁷ chiah soaⁿ-iûⁿ-káng, gō⁷ chiah bē-moá-nī ê iûⁿ-káng-á, choè siā-un-chè; chiah-ê sī So⁷-lī-sa-tāi ê kiáⁿ Sī-lō⁷-biát ê lé-mih.

⁴²Tē-lák jīt sī Ka-tek kiáⁿ-sun ê siú-léng, Tiu-jīn ê kiáⁿ Í-lī-ngá-sat; ⁴³i ê lé-mih chiū-sī chít ê gûn-poân, tâng chít-pah saⁿ-cháp

sià-khek-lèk, chít ê gûn-oáⁿ, tâng chhit-cháp sià-khek-lèk, lóng sī chiàu sèng-só[·] ê sià-khek-lèk; chí n̄ng-ê toé-moá tiau-hô iû ê iù-mī-hún, choè sò[·]-chè; ⁴⁴chít ê kim-au, tâng cháp sià-khek-lèk, toé huiⁿ moá-moá; ⁴⁵chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁴⁶chít chiah soaⁿ-iûⁿ-káng, choè siók-choē-chè; ⁴⁷n̄ng chiah gû-káng, gō[·] chiah mī-iûⁿ-káng, gō[·] chiah soaⁿ-iûⁿ-káng, gō[·] chiah bē-moá-nī ê iûⁿ-káng-á, choè siā-un-chè; chiah-ê sī Tiu-jíⁿ ê kiáⁿ Í-lī-ngá-sat ê lé-mih.

⁴⁸Tē-chhit jít sī Í-hoat-liân kiáⁿ-sun ê siú-léng, A-bí-hut ê kiáⁿ Í-lī-sa-má; ⁴⁹i ê lé-mih chiū-sī chít ê gûn-poāⁿ, tâng chít-pah saⁿ-cháp sià-khek-lèk, chít ê gûn-oáⁿ, tâng chhit-cháp sià-khek-lèk, lóng sī chiàu sèng-só[·] ê sià-khek-lèk, chí n̄ng-ê toé-moá tiau-hô iû ê iù-mī-hún, choè sò[·]-chè; ⁵⁰chít ê kim-au, tâng cháp sià-khek-lèk, toé huiⁿ moá-moá; ⁵¹chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁵²chít chiah soaⁿ-iûⁿ-káng choè siók-choē-chè; ⁵³n̄ng chiah gû-káng, gō[·] chiah mī-iûⁿ-káng, gō[·] chiah soaⁿ-iûⁿ-káng, gō[·] chiah bē-moá-nī ê iûⁿ-káng-á, choè siā-un-chè; chiah-ê sī A-bí-hut ê kiáⁿ Í-lī-sa-má ê lé-mih.

⁵⁴Tē-poeh jít sī Má-ná-se kiáⁿ-sun ê siú-léng, Pí-tāi-siok ê kiáⁿ Ka-má-liát; ⁵⁵i ê lé-mih chiū-sī chít ê gûn-poāⁿ, tâng chít-pah saⁿ-cháp sià-khek-lèk, chít ê gûn-oáⁿ, tâng chhit-cháp sià-khek-lèk, lóng sī chiàu sèng-só[·] ê sià-khek-lèk; chí n̄ng-ê toé-moá tiau-hô iû ê iù-mī-hún, choè sò[·]-chè; ⁵⁶chít ê kim-au, tâng cháp sià-khek-lèk, toé huiⁿ moá-moá; ⁵⁷chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁵⁸chít chiah soaⁿ-iûⁿ-káng choè siók-choē-chè;

⁵⁹n̄ng chiah gû-káng, gō[·] chiah mī-iûⁿ-káng, gō[·] chiah soaⁿ-iûⁿ-káng, gō[·] chiah bē-moá-nī ê iûⁿ-káng-á, choè siā-un-chè; chiah-ê sī Pí-tāi-siok ê kiáⁿ Ka-má-liát ê lé-mih.

⁶⁰Tē-káu jít sī Piān-ngá-bín kiáⁿ-sun ê siú-léng, Ki-to-nī ê kiáⁿ A-pí-tàn; ⁶¹i ê lé-mih chiū-sī chít ê gûn-poāⁿ, tâng chít-pah saⁿ-cháp sià-khek-lèk, chít ê gûn-oáⁿ, tâng chhit-cháp sià-khek-lèk, lóng sī chiàu sèng-só[·] ê sià-khek-lèk; chí n̄ng-ê toé-moá tiau-hô iû ê iù-mī-hún, choè sò[·]-chè; ⁶²chít ê kim-au, tâng cháp sià-khek-lèk, toé huiⁿ moá-moá; ⁶³chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁶⁴chít chiah soaⁿ-iûⁿ-káng, choè siók-choē-chè; ⁶⁵n̄ng chiah gû-káng, gō[·] chiah mī-iûⁿ-káng, gō[·] chiah soaⁿ-iûⁿ-káng, gō[·] chiah bē-moá-nī ê iûⁿ-káng-á, choè siā-un-chè; chiah-ê sī Ki-to-nī ê kiáⁿ A-pí-tàn ê lé-mih.

⁶⁶Tē-cháp jít sī Tàn kiáⁿ-sun ê siú-léng, A-bí-sa-tāi ê kiáⁿ A-hi-í-siā; ⁶⁷i ê lé-mih chiū-sī chít ê gûn-poāⁿ, tâng chít-pah saⁿ-cháp sià-khek-lèk, chít ê gûn-oáⁿ, tâng chhit-cháp sià-khek-lèk, lóng sī chiàu sèng-só[·] ê sià-khek-lèk, chí n̄ng-ê toé-moá tiau-hô iû ê iù-mī-hún, choè sò[·]-chè; ⁶⁸chít ê kim-au, tâng cháp sià-khek-lèk, toé huiⁿ moá-moá; ⁶⁹chít chiah gû-káng-á, chít chiah mī-iûⁿ-káng, chít chiah bē-moá-nī ê iûⁿ-káng-á, choè sio-chè; ⁷⁰chít chiah soaⁿ-iûⁿ-káng, choè siók-choē-chè; ⁷¹n̄ng chiah gû-káng, gō[·] chiah mī-iûⁿ-káng, gō[·] chiah soaⁿ-iûⁿ-káng, gō[·] chiah bē-moá-nī ê iûⁿ-káng-á, choè siā-un-chè; chiah-ê sī A-bí-sa-tāi ê kiáⁿ A-hi-í-siā ê lé-mih.

⁷²Tē-cháp-it jít sī A-siat kiáⁿ-sun ê siú-léng, Gô-lân ê kiáⁿ Phàⁿ-hiat; ⁷³i ê lé-mih chiū-sī chít ê gûn-poāⁿ, tâng chít-pah saⁿ-cháp sià-khek-lèk, chít ê gûn-oáⁿ, tâng chhit-

cháp sià-khek-lèk, lóng sī chiàu sèng-só· ê sià-khek-lèk, chí n̄ng-ê toé-moá tiau-hô iū ê iū-mī-hún, choè sò·-chè; ⁷⁴chít ê kim-au, tâng Chapman sià-khek-lèk, toé hiuⁿ moá-moá; ⁷⁵chít chiah gū-káng-á, chít chiah mī-iūⁿ-káng, chít chiah bē-moá-nī ê iūⁿ-káng-á, choè sio-chè; ⁷⁶chít chiah soaⁿ-iūⁿ-káng, choè siók-choē-chè; ⁷⁷n̄ng chiah gū-káng, gō· chiah mī-iūⁿ-káng, gō· chiah soaⁿ-iūⁿ-káng, gō· chiah bē-moá-nī ê iūⁿ-káng-á, choè siā-un-chè; chiah-ê sī Gô-lân ê kiáⁿ Phàⁿ-kiat ê lé-mih.

⁷⁸Tē-cháp-jī jīt sī Ná-hut-tha-lī kiáⁿ-sun ê siú-léng, Í-lâm ê kiáⁿ A-hi-láh; ⁷⁹i ê lé-mih chiū-sī chít ê gūn-poāⁿ, tâng chít-pah saⁿ-cháp sià-khek-lèk, chít ê gūn-oáⁿ, tâng chhit-cháp sià-khek-lèk, lóng sī chiàu sèng-só· ê sià-khek-lèk, chí n̄ng-ê toé-moá tiau-hô iū ê iū-mī-hún, choè sò·-chè; ⁸⁰chít ê kim-au, tâng Chapman sià-khek-lèk, toé hiuⁿ moá-moá; ⁸¹chít chiah gū-káng-á, chít chiah mī-iūⁿ-káng, chít chiah bē-moá-nī ê iūⁿ-káng-á, choè sio-chè; ⁸²chít chiah soaⁿ-iūⁿ-káng, choè siók-choē-chè; ⁸³n̄ng chiah gū-káng, gō· chiah mī-iūⁿ-káng, gō· chiah soaⁿ-iūⁿ-káng, gō· chiah bē-moá-nī ê iūⁿ-káng-á, choè siā-un-chè; chiah-ê sī Í-lâm ê kiáⁿ A-hi-láh ê lé-mih.

⁸⁴Ēng iū boah-toāⁿ ê jīt, Í-sek-liát chiah ê siú-léng, i tiòh kiáⁿ hiàn-toāⁿ ê lé só· hiàn-ê, chiū-sī gūn-poāⁿ cháp-jī ê, gūn-oáⁿ cháp-jī ê, kim-au cháp-jī ê; ⁸⁵ták ê gūn-poāⁿ tâng chít-pah saⁿ-cháp sià-khek-lèk, ták ê oáⁿ tâng chhit-cháp sià-khek-lèk; it-chhè khì-kū ê gūn, chiàu sèng-só· ê sià-khek-lèk, kiōng ū n̄ng-chheng sī-pah sià-khek-lèk; ⁸⁶cháp-jī ê kim-au toé hiuⁿ moá-moá, chiàu sèng-só· ê sià-khek-lèk, ták ê au tâng Chapman sià-khek-lèk; chiah ê au ê kim, tâng kiōng chít-pah jī-cháp sià-khek-lèk; ⁸⁷choè sio-chè ê cheng-

sīⁿ, kiōng gū-káng cháp-jī chiah, iūⁿ-káng cháp-jī chiah, bē-moá-nī ê iūⁿ-káng-á cháp-jī chiah, kap tâng hiàn ê sò·-chè choè siók-choē-chè ê soaⁿ-iūⁿ-káng cháp-jī chiah; ⁸⁸choè siā-un-chè ê cheng-sīⁿ, kiōng gū-káng jī-cháp-sī chiah, mī-iūⁿ-káng lāk-cháp chiah, soaⁿ-iūⁿ-káng lāk-cháp chiah, bē-moá-nī ê iūⁿ-káng-á lāk-cháp chiah; chiah-ê chiū-sī ēng iū boah-toāⁿ liáu-āu, ūi-tiòh kiáⁿ hiàn-toāⁿ ê lé só· hiàn-ê. ⁸⁹Mô·se jlp hoē-bō·, beh kap Iá-hô-hoa kóng oē ê sī, thiaⁿ-kìⁿ hoat-kūi si-un-só· ê téng-bīn, n̄ng ê ki-lō·-peng ê tiong-kan, kap i kóng-oē ê Siaⁿ, chiū-sī Iá-hô-hoa kap i kóng.

8 Iá-hô-hoa hoan-hù Mô·se kóng, Lí hoan-hù A-lún ká i kóng, Lí tiám teng ê sī, chhit-choáⁿ teng lóng tiòh chiò-kng teng-tái chēng. ³A-lún chiàu án-ni kiáⁿ, tiám teng chiò-kng tī teng-tái chēng, sī chiàu Iá-hô-hoa bēng-lēng Mô·se ê. ⁴Chít ê teng-tái ê choē-hoat, sī ēng kim phah-ê, liân i ê chō kap i ê hoe lóng sī phah ê. Mô·se chē-chō teng-tái, sī chiàu Iá-hô-hoa só· chí-sī ê khoán-sit.

⁵Iá-hô-hoa hoan-hù Mô·se kóng, ⁶Lí tiòh tui Í-sek-liát lāng ê tiong-kan keng-chhut Lī-bī lāng, hō· in chheng-khì. ⁷Hō· in chheng-khì tiòh án-ni kiáⁿ; ēng tū-khì choē ê chúi hiū tī in seng-khu; koh kah in ēng thì-thâu-to, thì thông seng-khu, soé i-hók, chheng-khì pún-sin. ⁸Āu-lái in tiòh chhú chít chiah gū-káng-á, kap i ê sò·-chè, chiū-sī tiau-hô iū ê iū-mī-hún; lí tiòh lēng-goā chhú chít chiah gū-káng-á choè siók-choē-chè. ⁹Lí tiòh chhoā Lī-bī lāng kàu hoē-bō· chēng, chū-chíp Í-sek-liát chók ê choân-hoē. ¹⁰Koh chhoā Lī-bī lāng kàu Iá-hô-hoa ê bīn-chēng; Í-sek-liát lāng tiòh hoāⁿ-chhiú tī Lī-bī lāng ê téng-bīn. ¹¹A-lún tiòh hiàn Lī-bī lāng tī Iá-hô-hoa ê bīn-chēng, choè Í-sek-liát lāng ê iō-chè, hō· in

thang choè hók-sāi Iâ-hô-hoa ê kang. ¹²Lī-bī lāng tiòh hoāⁿ-chhiú tī hiah ê gū-káng-á ê thâu-khak-téng; Lí tiòh hiàn chít-chiah choè siók-choē-chè, koh hiàn chít-chiah choè sio-chè, hō· Iâ-hô-hoa, kā Lī-bī lāng siók-choē. ¹³Lí tiòh hō· Lī-bī lāng khiā tī A-lūn kap i ê kiáⁿ ê bīn-chêng, hiàn in choè iô-chè hō· Iâ-hô-hoa. ¹⁴Án-ni, lí tiòh tùi Í-sek-liát lāng hun-piat Lī-bī lāng, chiū Lī-bī lāng beh kui tī Goá. ¹⁵Chit-tiáp liáu-āu Lī-bī lāng tiòh jlp-khì choè hoē-bō· ê kang; lí tiòh hō· in chheng-khì, hiàn in choè iô-chè. ¹⁶In-ūi in sī tùi Í-sek-liát tiong oân-choân kui Goá--ê; Goá keng in siók tī Goá, lâi thoè it-chhè thâu-the--ê, chiū-sī Í-sek-liát lāng ê thâu-chiūⁿ--ê. ¹⁷In-ūi Í-sek-liát tiong it-chhè thâu-chiūⁿ-siⁿ--ê, hék-sī lāng, hék-sī cheng-siⁿ, lóng sī Goá--ê. Goá tī Ai-kip toē phah-sí it-chhè thâu-chiūⁿ-siⁿ--ê hit-jlt, í-keng hun-piat in choè-sèng, kui tī Goá. ¹⁸Goá keng Lī-bī lāng, thoè Í-sek-liát lāng it-chhè thâu-chiūⁿ-siⁿ--ê. ¹⁹Goá tùi Í-sek-liát lāng tiong, keng Lī-bī lāng, siúⁿ-sū A-lūn kap i ê kiáⁿ-sun, thang thoè Í-sek-liát lāng choè hoē-bō· ê chhe-ēng, koh ūi Í-sek-liát lāng siók-choē; bián-tit Í-sek-liát lāng oá-kūn sèng-só· ê sī, ū chai-ē kàu Í-sek-liát lāng ê tiong-kan. ²⁰Mô·se A-lūn kap Í-sek-liát lāng choân-hoē, chiū tùi Lī-bī lāng án-ni kiâⁿ; kìⁿ-nā Iâ-hô-hoa lūn-khí Lī-bī lāng só· bēng-lēng Mô·se ê, Í-sek-liát lāng chiū tùi in án-ni kiâⁿ. ²¹Tùi án-ni Lī-bī lāng chheng-khì ka-kī, tū-khì choē, soé in ê i-hók; A-lūn chiong in hiàn-choè iô-chè tī Iâ-hô-hoa ê bīn-chêng; A-lūn koh ūi in siók-choē lâi chheng-khì in. ²²Jiân-āu Lī-bī lāng jlp-khì, tī A-lūn kap i ê kiáⁿ ê bīn-chêng, tī hoē-bō· tiong choè in ê kang; Iâ-hô-hoa lūn Lī-bī lāng lâi bēng-lēng Mô·se ê, Í-sek-liát lāng chiū án-ni tùi in kiâⁿ.

²³Iâ-hô-hoa hoan-hù Mô·se kóng, ²⁴Lūn Lī-bī lāng sī án-ni; tùi jī-cháp-gō· hē í-siōng, in tiòh lâi hoē-bō·, choè chhe-ēng. ²⁵Kàu gō·-cháp hē chiū thēng-kang, bô koh choè chhe-ēng; ²⁶tók-tók tiòh tī hoē-bō·, kap in ê hiaⁿ-tī saⁿ-kap su-hāu, siú só· kau-tài ê, bô koh choè kang; lūn-kàu só· kau-tài Lī-bī lāng--ê, lí tiòh tùi in án-ni kiâⁿ.

9 Chhut Ai-kip jī-nī chiaⁿ-gêh, Iâ-hô-hoa tī Se-nái không-ía, bēng-lēng Mô·se kóng, ²Í-sek-liát lāng eng-kai tī tiāⁿ-tiòh ê jlt-kí siú poāⁿ-kè-choeh; ³tī pún-gêh cháp-si jlt hông-hun ê sī, lín tiòh tī só· tiāⁿ-tiòh ê jlt siú i, chiàu i it-chhè ê lút-lē, it-chhè ê hoat-tō· lâi siú i. ⁴Tùi án-ni Mô·se hoan-hù Í-sek-liát lāng siú poāⁿ-kè-choeh. ⁵Chiaⁿ-gêh cháp-si jlt hông-hun ê sī, in chiū tī Se-nái ê không-ía, siú poāⁿ-kè-choeh; kìⁿ-nā Iâ-hô-hoa só· bēng-lēng Mô·se ê, Í-sek-liát lāng lóng chiàu án-ni kiâⁿ.

⁶Ū kúi-nā lāng hō· lāng ê sin-si bak lâ-sâm, boē-oē tī hit-jlt siú poāⁿ-kè-choeh; tng hit-jlt in kàu Mô·se A-lūn ê bīn-chêng. ⁷Hiah ê lāng kā in kóng, Goán in-ūi hō· lāng ê sin-si bak lâ-sâm, siáⁿ-sū chók-tòng goán boē thang tī Í-sek-liát tiong, tī só· tiāⁿ-tiòh ê jlt-kí hiàn lé-mih hō· Iâ-hô-hoa ah? ⁸Mô·se kā in kóng, Lín khiā-teh thēng-hāu, goá beh thiaⁿ Iâ-hô-hoa cháiⁿ-iūⁿ hoan-hù lín.

⁹Iâ-hô-hoa hoan-hù Mô·se kóng, ¹⁰Lí tiòh hoan-hù Í-sek-liát lāng kóng, Hék-sī lín á-sī lín ê hō·-è ê tiong-kan, nā ū lāng hō· sin-si bak lâ-sâm, á-si hng-hng tī lō--nih, iū-goân tiòh siú Iâ-hô-hoa ê poāⁿ-kè-choeh. ¹¹In tiòh tī jī-gêh cháp-si jlt hông-hun ê sī lâi siú i, chham bô-kàⁿ piáⁿ kap khó·-chhài lâi chiah. ¹²M̄-thang lâu chít-tiám-á kàu keh chá-khí, iūⁿ-á ê kut chít-ki iā m̄-thang phah-chih; in

tiòh chiàu poāⁿ-kè-choeh chia^h ê lùt-lē lâi siú i. ¹³Chóng-sī lāng nā chheng-khì iā m̄-sī tī lō-tiong, nā ka-kī the-sī m̄ siú poāⁿ-kè-choeh, tiòh tui i ê peh-siⁿ-tiong chián-tū hit ê lāng, in-ūi i tī só[·] tiāⁿ-tiòh ê jít bô hiàn lé-mih hō[·] Iā-hô-hoa, hit-lāng tiòh tam-tng i ê choē. ¹⁴Nā ū goā-lāng kià-kha tī lín tiong-kan, ài siú Iā-hô-hoa ê poāⁿ-kè-choeh, i tiòh chiàu poāⁿ-kè-choeh ê lùt-lē hoat-tō[·] lâi kiāⁿ; chhut-goā lāng kap pún-toē lāng tiòh tâng chít ê lùt-lē lâi kiāⁿ.

¹⁵Khí hoē-bō[·] hit-jít, ū hūn jia i ê hoē-bō[·], chiū-sī cheng-kù ê pò[·]-pīⁿ; tui ê-hng kàu chá-khí, ū chhin-chhiūⁿ hé ê khoán-sit khàm tī hoē-bō[·]. ¹⁶Siōng-siōng sī án-ni; hūn jia i, mī-sī chhin-chhiūⁿ hé ê khoán-sit. ¹⁷Hūn tui pò[·]-pīⁿ siu chiūⁿ--khì, Í-sek-liát lāng chiū khí-sin; hūn theng ê só[·]-chāi, Í-sek-liát lāng chiū chat-iāⁿ tī-hia. ¹⁸Í-sek-liát lāng chiàu Iā-hô-hoa ê bēng-lēng khí-sin, iā chiàu Iā-hô-hoa ê bēng-lēng an-iāⁿ; hūn theng tī hoē-bō[·]-téng ê sī, in iū-goān an-iāⁿ tī-hia. ¹⁹Hūn tī hoē-bō[·]-téng theng choē-choē jít, Í-sek-liát lāng chiū siú Iā-hô-hoa só[·] kau-tài ê, bô khí-sin. ²⁰Ū-sī hūn tī hoē-bō[·]-téng kúi-nā jít, in chiàu Iā-hô-hoa ê bēng-lēng iū-goān an-iāⁿ tī-hia, iā chiàu Iā-hô-hoa ê bēng-lēng khí-sin. ²¹Ū-sī hūn jia-teh tui ê-hng kàu chá-khí, chá-khí sī hūn siu chiūⁿ-khì, in chiū khí-sin; bô-lūn jít--sī mī-sī hūn siu chiūⁿ-khì, in chiū khí-sin. ²²Hūn theng tī hoē-bō[·], bô-lūn sī nng-jít, sī chít-géh-jít, sī chít-ni, Í-sek-liát lāng iū-goān an-iāⁿ tī-hia, bô khí-sin; chóng-sī hūn siu chiūⁿ--khì, in chiū khí-sin. ²³In thàn Iā-hô-hoa ê bēng-lēng an-iāⁿ, iā thàn Iā-hô-hoa ê bēng-lēng khí-sin; in siú Iā-hô-hoa só[·] kau-tài ê, lóng chiàu Iā-hô-hoa thok Mô-se só[·] bēng-lēng ê.

10 Iā-hô-hoa hoan-hù Mô-se kóng, Lí

tiòh ēng gūn phah nng ki hō-thâu, ēng phah ê hoat lâi choē, hō[·] lí ēng lâi chū-chíp hoē-chiong, iā hō[·] ták-iāⁿ khí-sin. ³Pūn hiah-ê ê sī, choān-hoē cheng-lāng tiòh kàu lí hia, chū-chíp tī hoē-bō[·] mng-kháu. ⁴Nā kan-ta pūn chít-ki, cheng siú-leng, chiū-sī Í-sek-liát ê chók-tiúⁿ, tiòh chū-chíp kàu lí hia. ⁵Pūn toā-siaⁿ ê sī, tang-peng só[·] an ê iāⁿ lóng tiòh khí-sin. ⁶Tē-jī pái pūn toā-siaⁿ ê sī, lām-peng só[·] an ê iāⁿ tiòh khí-sin; in beh khí-sin tek-khak pūn toā-siaⁿ. ⁷Nā beh chū-chíp hoē-chiong, lín tiòh pūn hō-thâu, chóng-sī m̄-thang pūn toā-siaⁿ. ⁸A-lūn ê kiáⁿ-sun choē chè-si ê, tiòh pūn hiah ê hō-thâu; che beh choē lín tãi-tãi eng-oán ê lē. ⁹Lín tī pún-toē kap khi-ap lín ê tui-ték kau-chián, chiū tiòh ēng hō-thâu pūn toā-siaⁿ, chiū tī Iā-hô-hoa lín ê Siōng-tè ê bīn-cheng tit-tiòh kì-liām, iā beh tit-tiòh kiù thoat-lī lín ê tui-ték. ¹⁰Iā tī lín khoài-lók ê jít, kap choē-kí, kap géh ê chhoe-it, sī tī lín hiàn sio-chè kap siā-un-chè ê sī, iā tiòh pūn hō-thâu; che lóng beh tī lín ê Siōng-tè ê bīn-cheng choē kì-liām; Goá sī Iā-hô-hoa lín ê Siōng-tè.

¹¹Tē-jī nī jī-géh jī-cháp jít, hūn tui cheng-kù ê hoē-bō[·] siu chiūⁿ--khì. ¹²Í-sek-liát lāng chiū chiàu in ê lō[·]-chām khí-sin, lī-khui Se-nái ê không-iá; hūn theng tī Pa-lān ê không-iá. ¹³Che sī in chiàu Iā-hô-hoa thok Mô-se só[·] bēng-lēng-ê, thâu-chít-pái khí-sin. ¹⁴Chiàu in ê kun-tui choē-thâu khí-sin ê, sī Iū-tai chók ê iāⁿ ê toā-kí; kun-tui ê thóng-leng sī A-bí-ná-tát ê kiáⁿ Ná-sūn. ¹⁵Í-sat-ka chi-phài kun-tui ê thóng-leng sī So[·]-ap ê kiáⁿ Ná-thán-giáp. ¹⁶Se-pò[·]-lūn ê chi-phài kun-tui ê thóng-leng sī Hi-lūn ê kiáⁿ Í-lī-ap. ¹⁷Hoē-bō[·] chiū thiah-khí-lái; kng hoē-bō[·]--ê, Kek-sūn ê kiáⁿ-sun kap Bí-lah-lī ê kiáⁿ-sun khí-sin kiāⁿ. ¹⁸Chiàu

i ê kun-tūi, Liū-piān iāⁿ ê toā-kî khí-sin; i ê kun-tūi ê thóng-léng sī Sī-tiu-jīⁿ ê kiáⁿ Í-lī-siok. ¹⁹Se-biān chi-phài kun-tūi ê thóng-léng sī So-lī-sa-tāi ê kiáⁿ Sī-lō-biát. ²⁰Ka-tek chi-phài kun-tūi ê thóng-léng sī Tiu-jīⁿ ê kiáⁿ Í-lī-ngá-sat. ²¹Ko-hat lāng kng sèng-mih--ê khí-sin kiāⁿ; in bē kàu ê tãi-seng, hiah ê lāng hoē-bō í-keng tah hó. ²²Chiàu i ê kun-tūi, Í-hoat-liān iāⁿ ê toā-kî khí-sin; i ê kun-tūi ê thóng-léng sī A-bí-hut ê kiáⁿ Í-lī-sa-má. ²³Má-ná-se chi-phài kun-tūi ê thóng-léng sī Pí-tāi-siok ê kiáⁿ Ka-má-liát. ²⁴Piān-ngá-bín chi-phài kun-tūi ê thóng-léng sī Kì-to-ni ê kiáⁿ A-pí-tàn. ²⁵Choè chiah ê iāⁿ ê lō-bé tūi ê, sī Tàn ê iāⁿ ê toā-kî, chiàu i ê kun-tūi khí-sin; i ê kun-tūi ê thóng-léng sī A-bí-sa-tāi ê kiáⁿ A-hi-í-siā. ²⁶A-siat chi-phài kun-tūi ê thóng-léng sī Gô-lân ê kiáⁿ Phān-kiat. ²⁷Ná-hut-tha-lī chi-phài kun-tūi ê thóng-léng sī Í-lām ê kiáⁿ A-hi-láh. ²⁸Í-sek-liát lāng chiàu i ê kun-tūi khí-sin, i ê tūi-ngó· chiū-sī án-ni.

²⁹Mô-se tui i ê goā-chhek Bí-tiān lāng Liū-jīⁿ ê kiáⁿ Hô-pa kóng, Goán beh khi Iâ-hô-hoa só· bat kóng, Goá ēng i siúⁿ-sù lín ê toē, chhiáⁿ lí kap goán lâi-khì, goán beh hó khoán-thāi lí; in-ūi Iâ-hô-hoa í-keng èng-ún sù hok-khì hō· Í-sek-liát lāng. ³⁰I ìn kóng, Goá m̄ khi, goá beh tò-khì goá ê pún-toē pún-chók hia. ³¹Mô-se kóng, Kiū lí m̄-thang lī-khui goán, in-ūi lí chai goán tī khòng-iá tiòh cháiⁿ-iūⁿ chat-iāⁿ; lí thang choè goán ê bák-chiu. ³²Lí nā beh kap goán khi, kīⁿ-nā Iâ-hô-hoa só· hō goán ê hok-khì, goán iā tek-khak án-ni hō· lí.

³³In lī-khui Iâ-hô-hoa ê soaⁿ, khí-sin kiāⁿ saⁿ-jīt ê lō-chām; Iâ-hô-hoa ê iok-kūi tī thâu-chêng kiāⁿ saⁿ-jīt ê lō-chām, kā in chhē an-hioh ê só·chāi. ³⁴In thiat-iāⁿ khí-sin, jīt--sī Iâ-hô-hoa ê hūn tī in ê téng-bīn.

³⁵Iok-kūi khí-sin ê sī, Mô-se chiū kóng, Iâ-hô-hoa ah, kiū Lí khí-lái; goān Lí ê tui-ték sī-soaⁿ; goān oàn-hūn Lí ê lāng tī Lí ê bīn-chêng tô-cháu. ³⁶Iok-kūi thêng ê sī, i chiū kóng, Iâ-hô-hoa ah, kiū Lí tò-lái kàu Í-sek-liát chheng-chheng bān-bān lāng ê tiong-kan.

11 Chèng peh-siⁿ ngauh-ngauh-liām, in ê pháiⁿ-oē kàu Iâ-hô-hoa ê hī-khang; Iâ-hô-hoa thiaⁿ-kìⁿ chiū toā siū-khì. Iâ-hô-hoa ê hé tòh tī in tiong-kan, sio tī iāⁿ ê piⁿ-kak. ²Peh-siⁿ tui Mô-se ai-kiū, Mô-se kī-kiū Iâ-hô-hoa; hit ê hé chiū sit. ³Hit só·chāi chiū kiò choè Tha-pī-láh, in-ūi Iâ-hô-hoa ê hé sio tī in tiong-kan.

⁴In tiong-kan chấp-sek lāng toā heng-khí tham-iók ê sim; Í-sek-liát lāng koh thī-khau kóng, Chī-chūi hō· goán bah thang chiah ah? ⁵Goán kì-tit tī Ai-kíp ê sī, chiah hī bián chīⁿ, iā kì-tit ū ng-koe, si-koe, kú-chhài, chhang-á, soàn-á. ⁶Taⁿ goán ê cheng-lék ko-tā, bô poāⁿ-hāng mih; tū má-ná í-goā, tī goán ê bák-chiu-chêng ê bô pát-hāng mih. ⁷Chit ê má-ná chhin-chhiūⁿ oân-sui-jīn, khoán-sit chhin-chhiūⁿ chin-chu ê khoán. ⁸Peh-siⁿ sī-koē kiāⁿ khioh i, ū-ē ēng bō bō i, ū-ē ēng khū cheng i, tī tiáⁿ--nih pek choè piáⁿ; chu-bī chhin-chhiūⁿ tiau-hô iū ê chiah-mih. ⁹Mi--sī lō-chúí lóh tī iāⁿ-tiong, má-ná iā tè i lóh. ¹⁰Mô-se thiaⁿ-kìⁿ peh-siⁿ ê ták-ke ták-lāng tī ka-kī ê pò·-piⁿ mng-kháu teh thī-khau; Iâ-hô-hoa toā siū-khì, Mô-se iā bô hoaⁿ-hí. ¹¹Mô-se tui Iâ-hô-hoa kóng, Lí siáⁿ-sū pháiⁿ khoán-thāi Lí ê lô·pók; goá cháiⁿ-iūⁿ bô tī Lí ê bīn-chêng tit-tiòh un-tián, Lí keng-jian ēng chiah ê peh-siⁿ ê tàⁿ hē tī goá ê sin-chiūⁿ? ¹²Chiah ê peh-siⁿ kiám sī goá hoai-īn ê? Kiám sī goá siⁿ ê mah, Lí keng-jian tui goá kóng, Phō in tī heng-chêng, chhin-chhiūⁿ iúⁿ-chhī gín-ná ê lâu-pē phō chiah-leng ê eⁿ-á, kàu tī Lí chiū-choā

siúⁿ-sù in ê chók-kong ê toē? ¹³Goá beh tùi tah-lóh tit-tiòh bah hō· chiah ê peh-sìⁿ? in-ūi in lóng tùi goá thi-khàu kóng, Lí tiòh ēng bah hō· goán, hō· goán thang chiáh. ¹⁴Chiah ê peh-sìⁿ ê tàⁿ siuⁿ tâng, goá ka-kī tam-tng boē khí. ¹⁵Lí nā án-ni khoán-thāi goá, goá nā tī Lí ê bīn-chēng tit-tiòh un-tián, kiū Lí chek-sī kā goá thāi-sí, bián hō· goá khoàⁿ-kìⁿ pún sin ê khó·chēng.

¹⁶Iâ-hô-hoa tùi Mô·se kóng, Lí tiòh chū-chíp Í-sek-liát ê tiúⁿ-lô, chhit-cháp lāng, lâi Goá chia, chiū-sī lí só· chai choē peh-sìⁿ ê tiúⁿ-lô kap koaⁿ-tiúⁿ ê, chhoā in kàu hoē-bō·, hō· in kap lí khiā tī-hia. ¹⁷Goá beh kàng-lim tī-hia kap lí kóng-oē, iā beh chiong kàng-lóh tī lí téng-bīn ê sîn, iā kàng-lóh tī in; in chiū kap lí saⁿ-kap tam-tng peh-sìⁿ ê tàⁿ, bián-tit lí ka-kī tam-tng. ¹⁸Iā tiòh kā peh-sìⁿ kóng, Lín tiòh hō· ka-kī choē-sēng, pī-pān bīn-á-jit thang chiáh-bah, in-ūi lín ū thi-khàu hō· Iâ-hô-hoa thiaⁿ-kìⁿ, kóng, Chī-chui hō· goán chiáh bah? in-ūi goán tī Ai-kíp chin hó; só·í Iâ-hô-hoa beh hō· lín bah, hō· lín thang chiáh. ¹⁹Lín m̄-sī chiáh chit-jit, nng jit, gō·-jit, chap jit, jī-cháp jit; ²⁰beh chiáh kàu chit-géh-jit moá, kàu bah tùi lín ê phīⁿ-khang chhut-lâi, hō· lín iām-òⁿ; in-ūi lín khi-sak tiām-tī lín tiong-kan ê Iâ-hô-hoa, tī I ê bīn-chēng thi-khàu kóng, Goán siáⁿ-sū chhut Ai-kíp ah? ²¹Mô·se kóng, Chiah-ê kap goá tiām ê peh-sìⁿ, pō·kiāⁿ ê toā-lāng ū lāk-cháp-bān, iā Lí kóng, Goá beh hō· in chiáh bah, hō· in thang chiáh kàu chit-géh-jit moá. ²²Kiám beh ūi in thāi iūⁿ-kūn, gū-kūn, hō· in chiáh kàu-giáh? á-sī ūi-tiòh in chū-chíp hái-lāi só· ū ê hī, hō· in chiáh kàu-giáh mah? ²³Iâ-hô-hoa tùi Mô·se kóng, Iâ-hô-hoa ê chhiú kiám sī té mah? Taⁿ lí beh khoàⁿ Goá ê oē, tùi lí èng-giām á-bô.

²⁴Mô·se chhut-khì chiong Iâ-hô-hoa ê oē kā peh-sìⁿ kóng; iā chio-chíp peh-sìⁿ ê tiúⁿ-lô chhit-cháp lāng, hō· in khiā tī Pò·pīⁿ ê sì-ūi. ²⁵Iâ-hô-hoa tī hūn-tiong kàng-lim, tùi Mô·se kóng-oē, chiong kàng-lóh tī i téng-bīn ê sîn, iā kàng-lóh tī chhit-cháp ê tiúⁿ-lô; sîn lim-kàu in ê sī, in chiū kóng sian-ti ê oē, í-āu chiū bô koh kóng. ²⁶Chóng-sī ū nng-lāng iū-goân tī iāⁿ-lāi, chit-ê miā-kiò I-lī-tát, chit-ê miā-kiò Bí-tát, in iā kì-miā chāi-lāi, chóng-sī bô kàu Pò·pīⁿ hia; sîn lim-kàu in, in chiū tī iāⁿ-lāi kóng sian-ti ê oē. ²⁷Ū chit ê siàu-liân lāng chāu-lāi kā Mô·se kóng, I-lī-tát Bí-tát tī iāⁿ-lāi kóng sian-ti ê oē. ²⁸Kun-sui Mô·se ê, Lùn ê kiáⁿ Iok-su-a, chiū-sī siū-kéng ê chit-lāng, kóng, Chhiáⁿ goá ê chú Mô·se kìm-chí in. ²⁹Mô·se tùi i kóng, Lí thoē goá tò-khī mah? Goān Iâ-hô-hoa ê peh-sìⁿ lóng choē sian-ti, Iâ-hô-hoa ēng I ê sîn kàng-lóh tī in ê téng-bīn. ³⁰Mô·se kap Í-sek-liát ê tiúⁿ-lô chiū tò-khì iāⁿ-lāi. ³¹Ū hong tùi Iâ-hô-hoa chhut, chiong ian-chhun tùi hái-nih chhe--lāi, tui-lóh tī iāⁿ-piⁿ, chit-pēng iok-liók chit-jit ê lō·chām, hit-pēng iok-liók chit-jit ê lō·chām, tī iāⁿ ê sì-ūi piàn-piàn sī, lī toē iok-liók ū nng-tiú. ³²Peh-sìⁿ khí-lāi, thong-jit thong-mī, kap keh-jit ê thong-jit, liáh ian-chhun; kék-chió-ê iā liáh chap hō-mui-jī^m; ūi pún-sin pài-liát tī iāⁿ ê sì-ūi. ³³Bah tī in ê chhui-khí, iáu chiáh bē liáu, Iâ-hô-hoa chiū tùi peh-sìⁿ hoat siū-khì; Iâ-hô-hoa kàng toā chai-ē lâi phah peh-sìⁿ. ³⁴Hit ê só·chāi hō-miā kiò Ki-phok-lô-hap-tha-oá, in-ūi tī-hia bài-chòng tham-iók ê peh-sìⁿ. ³⁵Peh-sìⁿ tùi Ki-phok-lô-hap-tha-oá kiāⁿ kàu Hap-sé-liók; chiū tiām tī Hap-sé-liók.

12 Bí-lī-àm kap A-lun hiām Mô·se, ūi tiòh i só· chhoā Kó·sít ê cha-bó·kiáⁿ; in-ūi Mô·se bat chhoā Kó·sít lāng ê cha-bó·kiáⁿ

choè bó·. ²In kóng, Iâ-hô-hoa kiám toaⁿ-toaⁿ kap Mô-se kóng-oē? Kiám iā bô kap goán kóng-oē mah? Chit ê oē Iâ-hô-hoa thiaⁿ-kìⁿ. ³Hit ê Mô-se choè-lâng kék-kì un-jiū, iāⁿ-kè sè-chiūⁿ ê cheng-lâng.

⁴Iâ-hô-hoa hut-jiân tùi Mô-se A-lûn Bí-lî-àm, kóng, Lín saⁿ-lâng chhut-lâi kàu hoē-bô chia; in saⁿ-lâng chiū chhut-lâi. ⁵Iâ-hô-hoa tī hūn-thiâu-tiong kàng-lîm, khiā tī Pò·pîⁿ mng-kháu, tiâu A-lûn kap Bí-lî-àm; in nng lêng chiū chhut-lâi. ⁶I kóng, Tiòh thiaⁿ Goá ê oē; lín tiong-kan nā ū sian-ti, Goá Iâ-hô-hoa beh ēng iⁿ-siōng hō· in bat Goá, tī bîn-bāng-tiong kap in kóng-oē. ⁷Goá ê lô·pók Mô-se m-sī án-ni; i chīn-tiong tī Goá ê choân-ke. ⁸Goá beh bîn tùi bîn kap i kóng-oē, chiū-sī beng-beng kóng, bô ēng chhai-gú; koh i beh khoàⁿ-kìⁿ Iâ-hô-hoa ê hêng-iōng; lín hiâm Goá ê lô·pók Mô-se, siáⁿ-sū bô kiaⁿ ah? ⁹Iâ-hô-hoa siū-khì in, chiū khì. ¹⁰Hūn tùi Pò·pîⁿ-téng soá-khui; khoàⁿ ah, Bí-lî-àm thái-ko chhin-chhiūⁿ seh. A-lûn khoàⁿ Bí-lî-àm, khoàⁿ ah, i sī thái-ko. ¹¹A-lûn tùi Mô-se kóng, Goá ê chú ah, kiū lí bôh-tit in-ūi goán ê gū-gōng hoân-choē, chiong chit ê choē kui tī goán. ¹²Kiū lí m-thang hō· i chhin-chhiūⁿ í-keng sí, chiah tùi lâu-bú ê thai chhut, bah í-keng noā chit-poàⁿ. ¹³Mô-se chiū ai-kiū Iâ-hô-hoa kóng, Siōng-tè ah, kiū Lí i-hó i. ¹⁴Iâ-hô-hoa tùi Mô-se kóng, Siat-sú i ê lâu-pē phui-noā tī i ê bîn, i kiám bô kiàn-siâu chhit-jit mah? Taⁿ tiòh kâ i koaiⁿ tī iāⁿ-goā chhit-jit, jiân-āu chiah thang choā i jip--lâi. ¹⁵Tùi án-ni koaiⁿ Bí-lî-àm tī iāⁿ-goā chhit-jit; peh-siⁿ bô khí-sin, theng-hāu Bí-lî-àm koh jip--lâi. ¹⁶Āu-lâi peh-siⁿ tùi Hap-sé-liók khí-sin, tī Pa-lân ê không-iá an-iāⁿ.

13 Iâ-hô-hoa hoan-hù Mô-se kóng, Lí

tiòh chhe lêng khi thau-khoàⁿ Goá só· sù hō· Í-sek-liát lêng ê Ka-lâm toē, tiòh tùi in chók-kong tak chi-phài tiong chhe chit-lêng, lóng sī tī in tiong-kan choè siú-léng ê. ³Mô-se chiū chiàu Iâ-hô-hoa ê beng-lêng, tùi Pa-lân ê không-iá chhe in khi, in lóng sī Í-sek-liát lêng ê chók-tiúⁿ. ⁴In ê miā kì tī ē-toē; siók Liū-piān ê chi-phài, Sat-khek ê kiáⁿ Sa-bó·-a; ⁵siók Se-biān ê chi-phài, Hô-lī ê kiáⁿ Sa-hoat; ⁶siók Iū-tāi ê chi-phài, Iā-hu-ni ê kiáⁿ Ka-lék; ⁷siók Í-sat-ka ê chi-phài, Iok-sek ê kiáⁿ Í-ka; ⁸siók Í-hoat-liân ê chi-phài, Lùn ê kiáⁿ Hô-se-a; ⁹siók Piān-ngá-bín ê chi-phài, Lāh-hu ê kiáⁿ Phāⁿ-thê; ¹⁰siók Se-pò·lun ê chi-phài, So-tí ê kiáⁿ Ka-tiáp; ¹¹Iok-sek ê kiáⁿ sun, siók Má-ná-se ê chi-phài, So·se ê kiáⁿ Ka-tí; ¹²siók Tàn ê chi-phài, Ki-má-lī ê kiáⁿ A-bí-lī; ¹³siók A-siat ê chi-phài, Bí-ka-lék ê kiáⁿ Se-thiap; ¹⁴siók Ná-hut-tha-lī ê chi-phài, Pók-se ê kiáⁿ Ná-pí; ¹⁵siók Ka-tek ê chi-phài, Má-ki ê kiáⁿ Kiū-lī. ¹⁶Chiah-ê chiū-sī Mô-se só· chhe khi thau-khoàⁿ hit ê toē ê lêng ê miā. Mô-se chiū chheng Lùn ê kiáⁿ Hô-se-a choè Iok-su-a. ¹⁷Mô-se chhe in khi thau-khoàⁿ Ka-lâm toē, tùi in kóng, Lín tùi chit ê lâm-hng chiūⁿ-khì, soà peh-chiūⁿ in ê soaⁿ, khoàⁿ hit ê toē cháiⁿ-iūⁿ; kī-tiong só· khiā ê peh-siⁿ sī kiōng á-sī jiók, sī chió á-sī choē; ¹⁹só· khiā-khí ê toē sī sím-mih khoán, sī hó á-sī pháiⁿ; só· khiā ê só·-chāi sím-mih khoán, sī iāⁿ-poāⁿ á-sī kian-kò· ê siāⁿ; ²⁰koh khoàⁿ hit ê toē-thó· cháiⁿ-iūⁿ, sī pui á-sī sán; hit tiong-kan ū chhiū-bák á-bô. Lín tiòh hó-táⁿ, chiong hit só·-chāi ê ké-chí toà koá-á lâi; hit-si tú-á sī phú-tô khí-thau sék ê sí.

²¹In chiū khi thau-khoàⁿ hit ê toē, tùi Sím ê không-iá kàu Lī-háp, kàu jip Hap-má ê lô·kháu. ²²In tùi lâm-hng chiūⁿ-khì, kàu Hi-

pek-lûn; tī-hia ũ A-láp chók ê lāng, A-hi-bān, Sī-su, That-mái. (Hi-pek-lûn siáⁿ khí-chō pí Ai-kíp ê Só-an siáⁿ khah-chá chhit-ni.) ²³In kàu Í-sit-kok ê soaⁿ-kok, tui-hia chhò phû-tô-chhiū chít-ki, téng-bīn ũ chít-pha phû-tô, nng-lāng ēng kng-á kng i; koh toà koá-á siáh-liú, kap bû-hoa-kó lāi. ²⁴In-ūi Í-sek-liát lāng tui-hia chhò chít pha phû-tô, hit só-chāi chia hō-choē Í-sit-kok ê soaⁿ-kok.

²⁵In thau-khoàⁿ hit ê toē sì-cháp jít kú chia hō-lāi. ²⁶Kàu Pa-lân ê khòng-iá ê Ka-te-su, kīⁿ Mô-se, A-lûn, kap Í-sek-liát ê hoē-chiong, hē-hok in kap choân-hoē; koh ēng hit só-chāi ê ké-chí hō in khoàⁿ. ²⁷Koh ká i kóng, Goán kàu lí só chhe goán khi ê toē, kó-jian sī lâu lin kap bit ê toē; che chiū-sī hit ê toē ê ké-chí. ²⁸Chóng-sī hit só-chāi ê peh-siⁿ íong-chòng, siáⁿ iā kian-kò khoah-toā; goán tī-hia iā khoàⁿ-kīⁿ A-láp chók. ²⁹A-má-lék lāng tiām tī lâm-hng; Hek lāng, Iâ-pò-su lāng, A-mô-lī lāng, tiām tī soaⁿ-toē; Ka-lâm lāng tiām tī hái-piⁿ, kap Iok-tàn hô-piⁿ. ³⁰Ka-lék tī Mô-se ê bīn-chêng an-ùi peh-siⁿ, kóng, Lán tiòh līp-khek chiūⁿ-khi lāi tit-tiòh hit só-chāi; lán ũ kàu-giáh ê lát oē khah-iāⁿ in. ³¹Tók-tók hiah-ê kap i chiūⁿ-khi ê lāng kóng, Lán boē-oē chiūⁿ-khi kong-kek hiah ê peh-siⁿ; in-ūi in pí lán khah íong-chòng. ³²In hiah ê lāng, lūn só thau-khoàⁿ ê toē, tui Í-sek-liát lāng pò pháiⁿ siau-sit, kóng, Goán só keng-kè thau-khoàⁿ ê toē, sī thun-chiáh hiah ê khiā-khi ê peh-siⁿ ê toē; goán tī-hia só khoàⁿ-kīⁿ ê peh-siⁿ lóng chin toā-hàn. ³³Goán tī-hia khoàⁿ-kīⁿ A-láp chók lāng, chiū-sī toā-hàn lāng, in sī toā-hàn lāng ê hō-è; chiàu goán khoàⁿ ka-kī chhin-chhiūⁿ chháu-meh, chiàu in khoàⁿ goán iā sī án-ni.

14 Hoē-chiong chiū chhut-siaⁿ, toā âu-kiò;

hit-mi peh-siⁿ lóng thi-khau. ²Í-sek-liát lāng ai-oàn Mô-se A-lûn; hoē-chiong tui in kóng, M̄-tát-tiòh goán sí tī Ai-kíp toē! m̄-tát-tiòh sí tī chí khòng-iá! ³Iâ-hô-hoa siáⁿ-sū choā goán kàu chít só-chāi, hō goán tó tī to-ē ah? Goán ê bó kap kiáⁿ beh siū liáh; goán tò-khi Ai-kíp kiám bô khah-hó mah? ⁴In saⁿ-kap kóng, Lán tiòh līp chít ê siú-léng, tò-khi Ai-kíp. ⁵Mô-se A-lûn chiū phak-lòh tī Í-sek-liát choân-hoē cheng-lāng ê bīn-chêng. ⁶Thau-khoàⁿ toē ê lāng ê tiong-kan, Lūn ê kiáⁿ Iok-su-a, kap Iâ-hu-ni ê kiáⁿ Ka-lék, thiah-līh in ê saⁿ; ⁷tui Í-sek-liát choân-hoē kóng, Goán só keng-kè thau-khoàⁿ ê toē, sī kék-hó ê toē. ⁸Iâ-hô-hoa nā hoaⁿ-hí lán, chiū beh choā lán kàu hit ê toē, chiong toē siūⁿ-sù lán; hit ê toē sī lâu lin kap bit ê toē. ⁹Chóng-sī lín m̄-thang poē-poān Iâ-hô-hoa, iā bóh-tit kiaⁿ hit só-chāi ê peh-siⁿ, in-ūi in sī choē lán ê chiáh-mih; koh tì-im in ê í-keng lī-khui in; koh ũ Iâ-hô-hoa kap lán tī-teh; m̄ bián kiaⁿ in. ¹⁰Chóng-sī choân-hoē kóng, Eng chiòh-thâu tìm-sí in. Iâ-hô-hoa ê eng-kng tī hoē-bō òng Í-sek-liát lāng chhut-hiān.

¹¹Iâ-hô-hoa tui Mô-se kóng, Chit ê peh-siⁿ khoàⁿ-khin Goá beh kàu tī-si ah? Goá tī in tiong-kan kiáⁿ che it-chhè ê sīn-jiah, in iáu-kú m̄-sin Goá, beh kàu tī-si? ¹²Goá beh eng un-ék lāi phah in, hō in boē tit-tiòh sêng-chiap giáp; hō lí chiáⁿ-choē toā-kok, pí in khah-kiông. ¹³Mô-se tui Iâ-hô-hoa kóng, Án-ni, Ai-kíp lāng beh thiaⁿ-kīⁿ; in-ūi Lí eng Lí ê koân-léng, choā chia hē peh-siⁿ tui in tiong-kan chiūⁿ-lāi. ¹⁴In beh eng chia hē sū ká chít só-chāi khiā-khi ê lāng kóng. In í-keng thiaⁿ-kīⁿ Iâ-hô-hoa Lí tī chia hē peh-siⁿ ê tiong-kan; in-ūi Iâ-hô-hoa Lí tng-bīn hō lāng khoàⁿ-kīⁿ, koh Lí ê hūn theng tī in ê téng-bīn, Lí jít--

sī tī hūn-thiāu tiong, mī--sī tī hé-thiāu tiong, tī in ê bīn-chêng kiāⁿ. ¹⁵Taⁿ Lí nā thāi-sí chiaⁿ ê peh-sìⁿ, chhin-chhiūⁿ thāi-sí chit-lâng, hiah ê thiaⁿ-kìⁿ Lí ê miā-siaⁿ ê liāt-kok beh gī-lūn kóng, ¹⁶In-ūi Iâ-hô-hoa boē-oē chhoā chiaⁿ ê peh-sìⁿ jlp I tui in chiū-choā èng-ún ê toē, só-í tī không-iá thāi-sí in. ¹⁷Taⁿ kiū Chú hián-chhut toā koân-lêng, chiàu Lí só bat kóng ê, kóng, ¹⁸Iâ-hô-hoa bô khoài siū-khì, koh ū hong-sêng ê chū-ài, sià-bián choē koà kè-sit, koat-toàn bô liáh ū-choē ê choē bô choē, tek-khak kui-kiū i ê choē, tui pē kàu kiáⁿ, kàu saⁿ-sì tãi. ¹⁹Kiū Lí chiàu Lí ê toā chū-ài sià-bián chit ê peh-sìⁿ ê choē, chhin-chhiūⁿ Lí tui Ai-kíp kàu taⁿ, siông-siông sià-bián in chit-iūⁿ. ²⁰Iâ-hô-hoa kóng, Goá chiàu lí ê oē ū sià-bián in. ²¹Chóng-sī Goá kí Goá ê oáh-miā lâi kóng, Piàn-toē beh chhiong-moá Iâ-hô-hoa ê èng-kng. ²²In-ūi chiaⁿ ê lâng ū khoàⁿ-kìⁿ Goá ê èng-kng, í-kíp Goá só kiāⁿ tī Ai-kíp kap không-iá ê sîn-jiah, iáu-kú chhi Goá chấp-pái, m̄ thiaⁿ-thàn Goá ê oē; ²³in koat-toàn boē tit-tiōh khoàⁿ-kìⁿ Goá tui in ê liāt-chó· só chiū-choā èng-ún ê toē; hoān-nā khoàⁿ-khin Goá ê lóng boē tit-tiōh khoàⁿ-kìⁿ. ²⁴Tók-tók Goá ê lô-pók Ka-lék, in-ūi i lēng-goā ū chit ê sim-chì, oân-choân tē Goá, Goá beh chhoā i jlp i só kiāⁿ-kàu ê toē, i ê hō-è iā beh tit-tiōh hit ê toē choē giáp. ²⁵A-má-lék lâng kap Ka-lâm lâng tiām tī soaⁿ-kok tiong; bîn-á-jlt lín tiōh oát-tò-túg, tui Âng-hái ê lô-khì không-iá.

²⁶Iâ-hô-hoa hoan-hù Mô-se A-lun kóng, ²⁷Chiah ê pháiⁿ ê hoē-chiòng tui Goá hoat-chhut oân-giân, Goá thun-lún in beh kàu tī-sī ah? Í-sek-liát lâng ai-oân Goá ê oân-giân, Goá lóng thiaⁿ-kìⁿ lah. ²⁸Tiōh ká in kóng, Iâ-hô-hoa kóng, Goá kí Goá ê oáh-miā lâi kóng,

Lín hō· Goá thiaⁿ-kìⁿ ê oē, Goá beh chiàu án-ni khoán-thāi lín. ²⁹Lín ê sin-si beh tó tī chí không-iá, kìⁿ-nā lín tiong-kan kè-sòng ê lâng, chiàu i ê siâu-giáh, tui jī-cháp hē í-chiūⁿ, tui Goá chhut oân-giân ê, tek-khak boē tit-tiōh jlp Goá chiū-choā èng-ún lín khiā-khí ê toē; tók-tók Iâ-hu-ni ê kiáⁿ Ka-lék, kap Lùn ê kiáⁿ Iok-su-a, beh jlp--khì. ³¹Chóng-sī lín ê gín-á, chiū-sī lín só kóng beh siū-liáh ê, Goá beh chhoā in jlp--khì, in chiū chai lín só khì-sak hit ê toē. ³²Lūn-kàu lín, lín ê sin-si beh tó tī chí không-iá. ³³Lín ê kiáⁿ-jī beh tī không-iá phiau-liū sī-cháp nī, tam-tng lín im-hēng ê choē, tit-kàu lín ê sin-si tī không-iá siâu-biát. ³⁴Chiàu lín thau-khoàⁿ hit ê toē ê jít-chí, kiōng sī-cháp jít, chit-jít tí chit-nī, lín tiōh tam-tng choē sī-cháp nī; lín chiū chai Goá khì-sak lín. ³⁵Goá Iâ-hô-hoa í-keng kóng, Goá beh án-ni khoán-thāi che it-chhè chū-chíp tui-ték Goá ê pháiⁿ hoē-chiòng; in beh tī chí không-iá siâu-biát, sí tī chia. ³⁶Mô-se só chhe thau-khoàⁿ hit ê toē, tò-túg lâi pò hit só-chāi ê pháiⁿ siâu-sit, tī-kàu choân-hoē ai-oân i; ³⁷hiah ê pò hit só-chāi pháiⁿ siâu-sit ê lâng, lóng tú-tiōh un-ék, sí tī Iâ-hô-hoa ê bīn-chêng. ³⁸Thau-khoàⁿ hit só-chāi ê lâng ê tiong-kan, chí-ū Lùn ê kiáⁿ Iok-su-a, kap Iâ-hu-ni ê kiáⁿ Ka-lék, iáu-kú oáh-teh. ³⁹Mô-se chiong chiaⁿ ê oē ká Í-sek-liát ê chêng-lâng kóng, peh-sìⁿ chiū chin iu-būn. ⁴⁰In chá-chá khí-lái chiūⁿ-khì soaⁿ-tég, kóng Khoàⁿ ah, goán tī chia, beh chiūⁿ-khì Iâ-hô-hoa só èng-ún ê toē, in-ūi goán ū hoān-choē. ⁴¹Mô-se kóng, Lín siáⁿ-sū ūi-poē Iâ-hô-hoa ê bēng-lēng ah? chit ê sū boē-oē heng-thong. ⁴²Bôh-tit chiūⁿ--khì, in-ūi Iâ-hô-hoa bô tī lín tiong-kan, kiaⁿ-liáu lín hō· tui-ték phah-pāi. ⁴³In-ūi A-má-lék lâng, kap Ka-lâm lâng, lóng tī-hia tī

lín ê thâu-chêng, lín beh tó tī to-ē; in-ūi lín oát-thâu bô tè Iâ-hô-hoa; só-í Iâ-hô-hoa bô beh kap lín tī-teh. ⁴⁴Chóng-sī in chū-choan chiūⁿ soaⁿ-téng; nā-sī Iâ-hô-hoa ê iok-kūi kap Mô-se bô chhut-iâⁿ. ⁴⁵Tùi án-ni A-má-lèk lāng, kap Ka-lâm lāng, khiā-khí tī soaⁿ--nih ê, lóng lóh-lâi kong-kek in, phah-pāi in, kàu tī Hô-jíⁿ-má.

15 Iâ-hô-hoa hoan-hù Mô-se kóng, Lí tiòh hoan-hù Í-sek-liát lāng, kā in kóng, Lín nā kàu Goá só· siūⁿ-sù lín khiā-khí ê toē, ³nā ài tùi gū-kūn á iūⁿ-kūn hiàn-hō· Iâ-hô-hoa choè hé-chè, chiū-sī sio-chè, á-sī pát-hō ê chè, beh siā-goān, á-sī choè hoaⁿ-hí hiàn ê chè, á-sī kàu tiāⁿ-tiòh ê choeh-kí, choè phang-phang hiàn hō· Iâ-hô-hoa; ⁴hit ê hiàn lé-mih ê, ták chiaⁿ iūⁿ-á tiòh phoè iū ê mī-hún i-hoat cháp-hūn-chít, kap iū chít-him sî-hūn-chít, tiau-hô choè sò-chè; ⁵chiú iā tiòh chít-him sî-hūn ê chít, lâi choè koàn-tiān; bô-lūn sio-chè, á-sī pát-mih chè, lóng tiòh án-ni lâi hiàn hō· Iâ-hô-hoa. ⁶Ūi-tiòh mī-iūⁿ-káng, lí tiòh pī-pān iū ê mī-hún i-hoat cháp-hūn-nāg, kap iū chít-him saⁿ-hūn-chít, tiau-hô choè sò-chè; ⁷koh ēng chiú chít-him saⁿ-hūn-chít choè koàn-tiān-chè, choè phang-phang lâi hiàn hō· Iâ-hô-hoa. ⁸Lí nā pī-pān gū-káng-á choè sio-chè, á-sī pát-hō ê chè, lâi siā-goān, á-sī choè siā-un-chè, lâi hiàn hō· Iâ-hô-hoa, ⁹chiū-sī ēng iū ê mī-hún i-hoat cháp-hūn-saⁿ, kap iū poàⁿ-him, tiau-hô choè sò-chè, kap gū-káng-á saⁿ-kap hiàn; ¹⁰koh ēng chiú poàⁿ-him choè koàn-tiān ê chè, hiàn hō· Iâ-hô-hoa choè phang-phang ê hé-chè. ¹¹Hèk-sī ūi-tiòh chít-chiaⁿ gū-káng, á-sī chít-chiaⁿ mī-iūⁿ-káng, á-sī chít-chiaⁿ mī-iūⁿ-á, á-sī soaⁿ-iūⁿ-á, lóng tiòh án-ni choè. ¹²Chiàu lín só· pī-pān ê siàu-giáh, chiàu ták-chiaⁿ ê giáh-siàu,

lóng tiòh án-ni choè. ¹³Kìⁿ-nā pún-toē lāng, chiong phang-phang ê hé-chè hiàn hō· Iâ-hô-hoa, lóng tiòh án-ni choè chiaⁿ ê tãi-chì. ¹⁴Nā ū goā-bīn lāng chhut-goā tī lín tiong-kan, á-sī ták sè-tāi ū lāng khiā-khí tī lín tiong-kan, beh hiàn hé-chè, phang-phang tī Iâ-hô-hoa, lín án-ni kiāⁿ, in iā tiòh án-ni kiāⁿ. ¹⁵Lūn hoē-chiòng, lín kap khiā-khí tī lín tiong-kan ê chhut-goā lāng, lóng tâng-chít-iūⁿ ê lē, choè lín ták sè-tāi éng-oán ê lē, tī Iâ-hô-hoa ê bīn-chêng; lín án-ni, chhut-goā lāng iā tiòh án-ni. ¹⁶Lín kap goā-bīn lāng chhut-goā tī lín tiong-kan ê, tiòh tâng-chít-iūⁿ ê lē, chít-iūⁿ ê hoat-tō·.

¹⁷Iâ-hô-hoa hoan-hù Mô-se kóng, ¹⁸Lí tiòh hoan-hù Í-sek-liát lāng kā in kóng, Lín kàu Goá só· chhoā lín jip--khí hit ê toē. ¹⁹chiaⁿ hit só·-chāi ê bí-niū, chiū tiòh hiàn kú-chè hō· Iâ-hô-hoa. ²⁰Lín tiòh ēng khí-thâu sèk ê bēh-hún chhòng piáⁿ, hiàn choè kú-chè; lín kú-khí, chhin-chhiūⁿ kú-khí gō-kak-tiūⁿ ê gō-kak chít-iūⁿ. ²¹Lín ták sè-tāi tiòh ēng lín khí-thâu-sèk ê bēh-hún, choè kú-chè, hiàn hō· Iâ-hô-hoa.

²²Lín ū chhò-gō· ê sī, bô siú Iâ-hô-hoa só· hoan-hù Mô-se chiaⁿ ê it-chhè ê bēng-lēng, ²³chiū-sī Iâ-hô-hoa thok Mô-se it-chhè só· bēng-lēng lín ê, tùi Iâ-hô-hoa bēng-lēng lín ê jít, kàu tī lín ê ták sè-tāi, ²⁴nā ū chhò-gō· kiāⁿ, hoē-chiòng iā mī-chai, āu-lâi hoē-chiòng tiòh hiàn chít chiaⁿ gū-káng-á choè sio-chè, iā chiàu hoat-tō· ēng i ê sò-chè, kap koàn-tiān ê chè, saⁿ-kap choè phang-phang, hiàn hō· Iâ-hô-hoa; koh tiòh hiàn chít chiaⁿ soaⁿ-iūⁿ-káng choè siók-choē ê chè. ²⁵Chè-si tiòh ūi Í-sek-liát lāng ê hoē-chiòng siók-choē, in chiū tit-tiòh sià-bián; in-ūi che sī chhò-gō·, in iā in-ūi in ê chhò-gō·, toà in ê lé-mih, chiū-

sī hiàn-hō· Iâ-hô-hoa ê hé-chè, kap siók-choē-chè, lóng toà kàu Iâ-hô-hoa ê bīn-chêng; ²⁶Í-sek-liát lāng ê hoē-chiòng, kap kià-kha tī in tiong-kan ê goā-lāng, chiū beh tit-tiòh sià-bián; in-ūi chit ê choē sī peh-siⁿ chhò-gō· hoān ê.

²⁷Nā ū chit-lāng chhò-gō· hoān-choē, i chiū tiòh hiàn bē-moá-nī ê soaⁿ-iūⁿ-bú choē siók-choē-chè. ²⁸Hit ê chhò-gō· kiàⁿ ê lāng tī i chhò-gō· hoān-choē ê sī, chè-si tiòh tī Iâ-hô-hoa ê bīn-chêng kā i siók-choē; kā i siók-choē, i chiū beh tit-tiòh sià-bián. ²⁹Í-sek-liát tiong ê pún-toē lāng, kap kià-kha tī in tiong-kan ê chhut-goā lāng, nā chhò-gō· kiàⁿ sím-mih sū, tiòh tâng chit ê lē. ³⁰Chóng-sī hit ê chū-choan kiàⁿ tãi-chì ê, bô-lūn sī pún-toē lāng, á-sī kià-kha-ê, i siat-tók Iâ-hô-hoa, tiòh tùi i ê peh-siⁿ-tiong chián-tū khi. ³¹In-ūi i biáu-sī Iâ-hô-hoa ê oē, poē-gèk I ê bēng-lēng, hit-lāng tiòh it-chīm chián-tū; i ê choē-koà beh kui tī i.

³²Í-sek-liát lāng tī không-ia̍ ê sī, tú-tiòh chit-lāng tī an-hioh-jit khioh-chhâ. ³³Hiah ê tú-tiòh hit ê khioh-chhâ ê lāng, toà i kàu Mô·se, A-lūn, kap hoē-chiòng hia. ³⁴In chiū kā i koaiⁿ-kìm, in-ūi iáu-bē chí-bēng tiòh cháiⁿ-iūⁿ pān i. ³⁵Iâ-hô-hoa tùi Mô·se kóng, Hit-lāng tek-khak tiòh hō· i sí, hoē-chiòng tiòh tī iāⁿ-goā ēng chiòh-thâu tìm i. ³⁶Hoē-chiòng chhoā hit-lāng chhut iāⁿ-goā, ēng chiòh-thâu tìm i kàu sí; sī chiàu Iâ-hô-hoa só· bēng-lēng Mô·se ê.

³⁷Iâ-hô-hoa hoan-hù Mô·se kóng, ³⁸Lí tiòh hoan-hù Í-sek-liát lāng kā in kóng, hō· in tãi-tāi tī saⁿ-á-kīⁿ choē chhiu, koh tī ē-toé piⁿ ê chhiu-téng, tiò chit tiâu lâm-sek ê iù-toà. ³⁹Beh kā lín choē chhiu, hō· lín khoàⁿ-kìⁿ, thang kì--tit Iâ-hô-hoa ê bēng-lēng lâi kiàⁿ i,

bián-tit lín hòng-chhiòng ka-kī ê sim-ì, ka-kī ê bák-chiu, lâi kiàⁿ im-hēng, chhin-chhiūⁿ lín pēng-sò· só· kiàⁿ-ê chit-iūⁿ; ⁴⁰hō· lín kì--tit lâi kiàⁿ Goá it-chhè ê bēng-lēng, chiàⁿ-choē sèng kui lín ê Siōng-tè. ⁴¹Goá sī Iâ-hô-hoa lín ê Siōng-tè, chhoā lín chhut Ai-kip toē, beh choē lín ê Siōng-tè; Goá sī Iâ-hô-hoa lín ê Siōng-tè.

16 Lī-bī ê cheng-sun, Ko-hat ê sun, Í-su-hap ê kiàⁿ Khó-láh, kap Liú-piān ê kiàⁿ-sun-tiong Í-lī-ap ê kiàⁿ Tāi-tan, A-pí-lân, kap Pí-lèk ê kiàⁿ An, ²kiat chit-tóng, kap Í-sek-liát tiong ê lāng, chiū-sī hoē-tiong ê siú-léng nng-pah gō·cháp lāng, sī ū bēng-bōng siū keng-tiâu hù-hoē ê lāng, saⁿ-kap khi-lâi tī Mô·se ê bīn-chêng. ³In chū-chíp kong-kek Mô·se A-lūn kóng, Lín chhiàm-koân, choân-hoē ták-lāng lóng sī sèng, Iâ-hô-hoa iā tī in tiong-kan; lín siáⁿ-sū chū-ko poāⁿ-kè Iâ-hô-hoa ê hoē-chiòng ah? ⁴Mô·se thiaⁿ-kìⁿ chit ê oē chiū phak tī toē-nih, ⁵tùi Khó-láh kap i ê choân-tóng ê lāng kóng, Kàu bīn-á-chá-khi, Iâ-hô-hoa beh chí-sī sím-mih lāng sī siók I ê, sím-mih lāng sī sèng, chiū beh hō· hit-lāng chhin-kūn I; I só· keng-soán ê lāng beh hō· in chhin-kūn I. ⁶Lín tiòh án-ni kiàⁿ; Khó-láh kap i ê tóng, tiòh theh huiⁿ-lô; ⁷bīn-á-jit tī Iâ-hô-hoa ê bīn-chêng, ēng hé toé tī hí lâi-bīn, hē huiⁿ tī hit téng-bīn; Iâ-hô-hoa só· keng ê lāng, i beh choē sèng; lín Lī-bī ê kiàⁿ-sun chhiàm-koân lah. ⁸Mô·se koh tùi Khó-láh kóng, Lī-bī ê kiàⁿ-sun ah, lín tiòh thiaⁿ; ⁹Í-sek-liát ê Siōng-tè, tùi Í-sek-liát ê hoē-tiong hun-piat lín, hō· lín chhin-kūn I, pān Iâ-hô-hoa hoē-bō· ê sū, iā khiā tī hoē-chiòng ê bīn-chêng lâi choē in ê chhe-ēng. ¹⁰I koh hō· lí, kap lí lóng-chóng ê hiaⁿ-tī Lī-bī ê kiàⁿ-sun, saⁿ-kap chhin-kūn I, lín liáh che choē sió-khoá mah? Lín iáu-kú iau-kiū chè-si ê chit mah? ¹¹Só·-í lí kap

lí ê tóng chū-chíp, sī teh kong-kek Iâ-hô-hoa; A-lûn sī sím-mih, lín keng-jîan ai-oàn i ah?

¹²Mô-se chhe lêng khi kiò Í-lî-ap ê kiáⁿ Tâi-tan, A-pí-lân; in kóng, Goán m̄ chiūⁿ-khi; ¹³lí chhoā goán tui siông-siông lâu lín kap bit ê toē chiūⁿ--lâi, beh tī khòng-iá thâi-sí goán, che kiám sī sió-khoá, lí iáu-kú beh ka-kī siat-líp choē jîn-kun lâi koán-hat goán mah? ¹⁴Koh lí bô-iaⁿ chhoā goán kàu lâu lín kap bit ê toē, iā bô ēng chhân-hng, kap phû-tô-hng, hō goán choē giáp; chóng bô lí beh iah chiaⁿ ê lêng ê bák-chiu mah? Goán bô beh chiūⁿ-khi. ¹⁵Mô-se siū-khi kàu-kék, tui Iâ-hô-hoa kóng, Kiū Lí bôh-tit kàm-láp in sóⁿ hiàn ê; goá pēng bô khan in chit chiaⁿ lû, iā bô hâi in chit-lâng. ¹⁶Mô-se tui Khó-lâh kóng, Lí kap lí ê tóng hiah ê lêng, kap A-lûn, bîn-á-jit lóng tiòh lâi khiā tī Iâ-hô-hoa ê bîn-chêng. ¹⁷Lín ták-lâng toà i ê hiuⁿ-lô, kiōng nng-pah gō-cháp ê, hē hiuⁿ tī hí téng-bîn, ták-lâng toà i ê hiuⁿ-lô kàu Iâ-hô-hoa ê bîn-chêng; lí kap A-lûn iā kok toà ka-kī ê hiuⁿ-lô. ¹⁸Tui án-ni in ták-lâng thêh i ê hiuⁿ-lô, toé hé tī hí lâi-bîn, hē hiuⁿ tī hit téng-bîn, kap Mô-se A-lûn khiā tī hoē-bō mng-kháu. ¹⁹Khó-lâh chio-chip hoē-chiòng kàu hoē-bō mng-kháu, kong-kek in; Iâ-hô-hoa ê ēng-kng hián-hiân tī hoē-chiòng.

²⁰Iâ-hô-hoa hoan-hù Mô-se A-lûn kóng, ²¹Lín tiòh lî-khui chit ê hoē-tiong, Goá thang tī chit-bák-nih-kú ê tiong-kan chāu-biát in. ²²In chiū phak tī toē-nih, kóng, Siông-tè ah, siúⁿ-sù oáh-miā hōⁿ kîⁿ-nā ū jiók-thé-ê ê Siuōng-tè ah, chit-lâng hoān-choē, Lí chiū beh siū-khi choân-hoē mah? ²³Iâ-hô-hoa hoan-hù Mô-se kóng, ²⁴Lí tiòh hoan-hù hoē-chiòng tui in kóng, Lín tiòh lî-khui Khó-lâh, Tâi-tan, A-pí-lân pòⁿ-pîⁿ ê sì-ûi. ²⁵Mô-se khi-

lâi khi Tâi-tan, A-pí-lân hia, Í-sek-liát ê tiúⁿ-lô iā tè i khi. ²⁶I hoan-hù hoē-chiòng kóng, Lín tiòh lî-khui chiaⁿ ê pháiⁿ-lêng ê pòⁿ-pîⁿ. in ê mih-kiāⁿ lóng m̄-thang bong, kiaⁿ-liáu lín iā siū biát tī in ê choē-tiong. ²⁷In chiū lî-khui Khó-lâh, Tâi-tan, A-pí-lân pòⁿ-pîⁿ ê sì-ûi; Tâi-tan, A-pí-lân kap in ê bó, in ê kiáⁿ, in ê soē-kiáⁿ lóng chhut-lâi khiā tī in ka-kī ê pòⁿ-pîⁿ mng-kháu. ²⁸Mô-se kóng, Iâ-hô-hoa chhe Goá kiāⁿ che it-chhè ê sū, lín tui án-ni thang chai, in-ûi goá m̄-sī chū-choan lâi kiāⁿ. ²⁹Siat-sú chiaⁿ ê lêng sí chhin-chhiūⁿ pēng-siông lêng sí, in sóⁿ tú-tiòh chhin-chhiūⁿ pēng-siông lêng sóⁿ tú-tiòh, chiū Iâ-hô-hoa bô chhe goá. ³⁰Siat-sú Iâ-hô-hoa choē chit-hāng sin ê sū, hō toē khui-chhiū, chiong in kap it-chhè siók in-ê lóng thun--lôh-khi, hō in oáh-oáh tui-lôh im-kan, lín chiū chai chiaⁿ ê lêng sī biáu-sī Iâ-hô-hoa. ³¹Chiaⁿ ê oē i tú-á kóng soah, in ē-bîn ê toē chiū lîh-khui. ³²Toē chiū khui-chhiū, chiong in kap in ê ke-koân, í-kíp it-chhè siók Khó-lâh ê jîn-teng chāi-bút, lóng thun--lôh-khi. ³³Hiah ê lêng kap it-chhè siók in-ê, lóng oáh-oáh lôh im-kan; toē chiū koh háp-oá tī in ê téng-bîn, in chiū tui hoē-tiong biát-bô. ³⁴Tī in sì-ûi ê Í-sek-liát lêng, thiaⁿ-kîⁿ in âu-kiò, chiū lóng tô-cháu kóng, Kiaⁿ-liáu toē iā ká lán thun--lôh-khi. ³⁵Koh ū hé tui Iâ-hô-hoa hia chhut, thun-biát hiah ê hián-hiuⁿ ê nng-pah gō-cháp lêng.

³⁶Iâ-hô-hoa hoan-hù Mô-se kóng, ³⁷Lí tiòh hoan-hù chè-si A-lûn ê kiáⁿ Í-lî-a-sat, tui hé-tiong khioh hiah ê hiuⁿ-lô khi-lâi, phah-soàⁿ tī-hia ê hé; in-ûi hiah ê hiuⁿ-lô í-keng sī sèng. ³⁸Eng hiah ê hoān-choē hâi ka-kī ê sìⁿ-miā ê lêng ê hiuⁿ-lô, tui choē kui-phîⁿ, lâi an chè-toāⁿ; in-ûi in hiàn tī Iâ-hô-hoa ê bîn-chêng, sóⁿ-í sī sèng--ê, thang hō Í-sek-liát lêng choē

kàm-kài. ³⁹Chè-si Í-lī-a-sat chiū thèh hiah ê lâng só· hiàn ê tâng-lô·, tui choè kui-phìⁿ, lâi an chè-toâⁿ, hō· Í-sek-liát lâng choè kàm-kài; ⁴⁰hō· goā-bīn lâng, m̄-sī siók A-lūn ê hō·-è ê, boē thang oá-kūn Iā-hô-hoa lâi sio-hiuⁿ, bián-tit in chhin-chhiūⁿ Khó-lâh kap i ê tóng; che sī chiàu Iā-hô-hoa thok Mô-se só· bēng-lēng ê.

⁴¹Keh-jit Í-sek-liát lâng choân-hoē lóng ai-oàn Mô-se A-lūn, kóng, Lín hāi-sí Iā-hô-hoa ê peh-siⁿ. ⁴²Hoē-chiong chū-chíp kong-kek Mô-se A-lūn ê sī, òng hoē-bō· khoàⁿ, khoàⁿ ah, ū hūn khàm i, Iā-hô-hoa ê ēng-kng hián-hiān. ⁴³Mô-se A-lūn chiū kàu hoē-bō· chēng. ⁴⁴Iā-hô-hoa hoan-hù Mô-se kóng, ⁴⁵Lín tiòh lī-khui chit ê hoē-tiong, hō· Goá thang tī chit-bák-nih-kú ê tiong-kan biát-bô in; in n̄ng-lâng chiū phak tī toē-nih. ⁴⁶Mô-se tui A-lūn kóng, Thèh hit ê huiⁿ-lô·, ēng toāⁿ-téng ê hé toé tī hí tiong-kan, hē huiⁿ tī hí téng-bīn, kín-kín toà kàu hoē-chiong hia, ká in siók-choē; in-ūi ū toā siū-khì tui Iā-hô-hoa chhut, un-ék í-keng hoat-choh. ⁴⁷A-lūn chiàu Mô-se só·-kóng-ê thèh-lâi, chấu kàu hoē-tiong; khoàⁿ ah, un-ék í-keng hoat tī peh-siⁿ-tiong, i chiū hē huiⁿ, ká peh-siⁿ siók-choē. ⁴⁸I khiā tī oáh-lâng sí-lâng ê tiong-kan, un-ék chiū soah. ⁴⁹Tū-khì in-ūi Khó-lâh ê tãi-chì sí-ê í-goā, tú-tiòh un-ék sí ê, kiōng ū chit-bān sì-chheng chhit-pah lâng. ⁵⁰A-lūn tò--lâi kàu Mô-se hia, kàu hoē-bō· m̄ng, un-ék chiah soah.

17 Iā-hô-hoa hoan-hù Mô-se kóng, Lí ká Í-sek-liát lâng kóng, tui in kiáh koáiⁿ-á, ták chi-phài chit-ki, chiū-sī tui hiah ê chi-phài ê siú-léng, kiōng kiáh chấp-jī ki; lí siá ták-lâng ê miâ tī i ê koáiⁿ-á. ³Tī Lī-bī hit-ki koáiⁿ-á tiòh siá A-lūn ê miâ; in-ūi ták chi-phài ê thâu-lâng lóng ū chit ki koáiⁿ-á. ⁴Lí tiòh chiong

hiah-ê hē tī hoē-bō·-lâi hoat-kūi ê thâu-chēng, chiū-sī Goá kap lín siong-hoē ê só·-chāi. ⁵Goá só· kóng hit-lâng, i ê koáiⁿ-á beh puh-gê; án-ni Goá beh hō· Í-sek-liát lâng ai-oàn ê oē, chiū-sī in só· ai-oàn lín ê oē, lóng soah, bô koh hō· Goá thiaⁿ-kìⁿ. ⁶Mô-se chiū ká Í-sek-liát lâng kóng; in ê siú-léng chiū ēng koáiⁿ-á kau hō· i, chiàu in ê chi-phài chit ê siú-léng chit-ki, chit ê siú-léng chit-ki, kiōng chấp-jī ki koáiⁿ-á; A-lūn ê koáiⁿ-á iā tī hiah ê koáiⁿ-á ê tiong-kan. ⁷Mô-se chiū chiong hiah ê koáiⁿ-á hē tī hoat-kūi ê pò·-pīⁿ-lâi, tī Iā-hô-hoa ê bīn-chēng. ⁸Bīn-á-jit Mô-se jlp-khì hoat-kūi ê pò·-pīⁿ; khoàⁿ ah, siók Lī-bī ê ke, A-lūn ê koáiⁿ-á, í-keng puh-gê, siⁿ hoe-m̄, khui-hoe, kiat-chiāⁿ hēng-jīn. ⁹Mô-se tui Iā-hô-hoa ê bīn-chēng kiáh hiah ê koáiⁿ-á chhut-lâi, kàu Í-sek-liát ê chēng-lâng hia; in khoàⁿ-kìⁿ ták-lâng kiáh in ê koáiⁿ-á. ¹⁰Iā-hô-hoa tui Mô-se kóng, Eng A-lūn ê koáiⁿ-á iū-goân hē tī hoat-kūi chēng, lâu-teh, choè chiah ê poē-gèk ê lâng ê kàm-kài; án-ni lí chiū hō· in tui Goá ai-oàn ê oē soah, bián-tit in sí-bô. ¹¹Mô-se án-ni kiāⁿ, sī chiàu Iā-hô-hoa só· bēng-lēng-ê lâi kiāⁿ.

¹²Í-sek-liát lâng tui Mô-se kóng, Khoàⁿ ah, goán sí lah, goán biát-bô lah, lóng biát-bô lah. ¹³Kìⁿ-nā oá-kūn, chiū-sī oá-kūn Iā-hô-hoa ê hoē-bō· ê, lóng sí; goán beh lóng-chóng sí mah?

18 Iā-hô-hoa tui A-lūn kóng, Lí kap lí chiah ê kiáⁿ, kap lí ê pún-chók, tiòh saⁿ-kap tam-tng sèng-só· ê choē; lí kap lí chiah ê kiáⁿ iā tiòh tam-tng lín chè-si-chit ê choē. ²Lí tiòh chhoā lí ê hiaⁿ-tī Lī-bī ê chi-phài, lí ê chók-kong ê chi-phài, chìn-chēng lâi, hō· in kap lí liân-háp lâi su-hāu lí; nā-sī lí kap lí ê kiáⁿ, lóng tiòh tī hoat-kūi ê hoē-bō·-chēng.

³In tiòh choè lí ê chhe-ēng, iā tiòh choè Pò·pīⁿ ê chhe-ēng; tòk-tòk m̄-thang kūn sèng-só· ê khi-kū kap toāⁿ, bián-tit in kap lín lóng sí. ⁴In tiòh kap lí lián-háp, iā tiòh choè hoē-bō· ê chhe-ēng, liāu-lí Pò·pīⁿ lóng-chóng ê kang; tòk-tòk goā-bīn lāng m̄-thang oá-kūn lín. ⁵Lín tiòh choè sèng-só· ê chhe-ēng, kap toāⁿ ê chhe-ēng, bián-tit siū-khì koh kàu tī Í-sek-liát lāng. ⁶Goá, khoàⁿ ah, Goá bat tui Í-sek-liát lāng ê tiong-kan keng lín ê hiaⁿ-tī Lī-bī lāng lâi siúⁿ-sù lín, kap kui Iā-hô-hoa, lâi liāu-lí hoē-bō· ê kang. ⁷Só·í lí kap lí ê kiáⁿ tiòh saⁿ-kap siú chē-si ê chit, liāu-lí toāⁿ kap tiūⁿ-lī-lāi it-chhē ê kang; lín tiòh án-ni hòk-bū; Goá í-keng siúⁿ-sù lí chē-si ê chit-jīm ê kang, chhin-chhiūⁿ sàng mih; kìⁿ-nā goā-bīn lāng kūn-oá-ê, tek-khak hō· í sí.

⁸Iā-hô-hoa koh ká A-lūn kóng, Goá, khoàⁿ ah, Goá í-keng ēng hián hō· Goá ê kú-chē, chiū-sī Í-sek-liát lāng hun-piat choè-sèng ê mih, kau lí siú i; in-ūi lí siū boah-iū, chiah ê mih kui lí kap lí ê kiáⁿ-sun, choè éng-oán ê hūn-giáh. ⁹Bô keng-kè hé, chì-sèng ê mih ê tiong-kan, siók tī lí-ê sī chiah-ê: kìⁿ-nā in ê lé-mih, in ê sò-chē, in ê siók-choē-chē, in ê pò-kè-sit-chē, in só· hián hō· Goá ê, lóng choè chì-sèng, kui hō· lí kap lí ê kiáⁿ-sun. ¹⁰Lí tiòh khoàⁿ chiah-ê choè chì-sèng lâi chiáh i; kìⁿ-nā ta-po·teng lóng thang chiáh; lí tiòh liáh chit ê mih choè-sèng. ¹¹Chiah-ê iā sī lí ê, lé-mih ê kú-chē, í-kíp Í-sek-liát lāng só· hián ê iô-chē, Goá lóng siúⁿ-sù lí, kap lí ê kiáⁿ, cha-bó·kiáⁿ, choè éng-oán ê hūn-giáh; kìⁿ-nā tī lí ke-tiong chheng-khì ê lāng lóng thang chiáh. ¹²Siōng-hó ê iū, siōng-hó ê chiú, siōng-hó ê gō·kak, chiū-sī in khí-thâu-sék hián hō· Iā-hô-hoa ê, Goá lóng siúⁿ-sù lí. ¹³In ê toē khí-thâu-sék ê mih, só· hián hō· Iā-hô-hoa ê,

lóng kui hō· lí; lí ke-lāi chheng-khì ê lāng lóng thang chiáh. ¹⁴Í-sek-liát tiong kìⁿ-nā siū hun-piat hián-chīn ê, lóng tiòh kui hō· lí. ¹⁵Kìⁿ-nā ū jiók-thé thâu-chiūⁿ-siⁿ-ê, bô-lūn lāng á-sī cheng-siⁿ, in só· hián hō· Iā-hô-hoa ê, lóng kui tī lí; tòk-tòk lāng thâu-chiūⁿ-siⁿ-ê lí tiòh siók i; bô chheng-khì ê cheng-siⁿ thâu-chiūⁿ-siⁿ-ê, lí iā tiòh siók i. ¹⁶Tī moá-gēh í-goā só· tiòh siók ê, tiòh chiáu lí só· kó· ê kè, chiáu sèng-só· ê siá-khek-lék, ēng gūn gō· siá-khek-lék siók-hoē i; chit siá-khek-lék sī jī-cháp kùl-láh. ¹⁷Tòk-tòk thâu-chiūⁿ-siⁿ ê gú, thâu-chiūⁿ-siⁿ ê mī-iūⁿ, thâu-chiūⁿ-siⁿ ê soaⁿ-iūⁿ, lí m̄-thang siók; che sī sèng, tiòh hiū i ê huìh tī toāⁿ--nih, tiòh sio i ê iū choè hé-chē, choè phang-phang hián hō· Iā-hô-hoa. ¹⁸Hiah ê bah kui tī lí, chhin-chhiūⁿ só· iô ê heng kap chiáⁿ-thui kui tī lí chit-iūⁿ. ¹⁹Kìⁿ-nā sèng-mih ê kú-chē, sī Í-sek-liát lāng hián hō· Iā-hô-hoa ê, Goá lóng siúⁿ-sù lí, kap lí ê kiáⁿ, cha-bó·kiáⁿ, choè éng-oán tit-tiòh ê hūn-giáh; che sī hō· lí kap lí ê hō·-è, tī Iā-hô-hoa ê bīn-chēng, choè éng-oán boē-hoē ê iok. ²⁰Iā-hô-hoa tui A-lūn kóng, Lí tī in ê toē-hng m̄-thang ū sán-giáp, tī in ê tiong-kan iā m̄-thang ū hūn-giáh; tī Í-sek-liát lāng tiong Goá chiū-sī lí ê hūn-giáh, sī lí ê sán-giáp.

²¹Khoàⁿ ah, tī Í-sek-liát tiong só· thiu ê cháp-hūn-chit, Goá í-keng siúⁿ-sù Lī-bī ê kiáⁿ-sun choè giáp; in-ūi in só· choè ê kang sī hoē-bō· ê kang, só·í siúⁿ-sù in, lâi pò-tap in ê tiòh-boā. ²²Tui taⁿ í-āu, Í-sek-liát lāng m̄-thang oá-kūn hoē-bō·, bián-tit in tam-tng choē lâi sí. ²³Tòk-tòk Lī-bī lāng tiòh choè hoē-bō· ê kang, tam-tng in ê choē; che beh choè lín ták sè-tāi éng-oán ê lē; in tī Í-sek-liát lāng ê tiong-kan m̄-thang ū sán-giáp. ²⁴In-ūi Í-sek-liát lāng só· thiu ê cháp-hūn-chit, só·

hiàn hō· Iâ-hô-hoa choè kú-chè ê, Goá í-keng siúⁿ-sù Lī-bī lāng choè-giáp; só·-í Goá tùi in kóng, in tī Í-sek-liát lāng ê tiong-kan m̄-thang ū sán-giáp.

²⁵Iâ-hô-hoa hoan-hù Mô·se kóng, ²⁶Lí tiòh hoan-hù Lī-bī lāng ká in kóng, Lín tùi Í-sek-liát lāng ê tiong-kan thiū cháp-hūn-chít, chiū-sī Goá hō· lín choè giáp ê; hit-sī lín tiòh tùi hit ê cháp-hūn-chít ê tiong-kan koh thiū cháp-hūn-chít, choè kú-chè, hiàn hō· Iâ-hô-hoa. ²⁷Lí ê kú-chè beh ká lín sng choè gō·kak-tiūⁿ ê béh, kap moá tī phû-tô-khut ê chiú. ²⁸Án-ni, lín tùi Í-sek-liát tiong só· tit-tiòh ê cháp-hūn-chít, tiòh tùi hit-ê hiàn kú-chè hō· Iâ-hô-hoa; lín tiòh tùi hit-ê, ēng Iâ-hô-hoa ê kú-chè hō· chè-si A-lûn. ²⁹Lín só· tit-tiòh it-chhè ê lé-mih, tiòh tùi hit tiong-kan, chiong tē-it hó-ê, chiū-sī hun-piat choè-seng ê hūn-giáh, hiàn hiah ê kú-chè hō· Iâ-hô-hoa. ³⁰Só·-í lí tiòh tùi in kóng, Lín í-keng tùi hit tiong-kan kú-khi hit ê chì-hó-ê, che chiū-sī ká Lī-bī lāng sng choè gō·kak-tiūⁿ ê ngó·kok, iā chhin-chhiūⁿ chiú-khut ê chiú. ³¹Lín kap lín ê ke-koàn, ták só·-chāi thang chia̍h i; che sī lín ê kang-chíⁿ, sī pò-tap lín tī hoē-bō·-lāi só· choè ê kang. ³²Lín í-keng tùi hit tiong-kan kú-khi hit ê chì-hó-ê, chiū bô in-ūi án-ni lâi hoān-choē; lín m̄-thang phah lâ-sâm Í-sek-liát lāng ê seng-mih, bián-tit lín sí-bô.

19 Iâ-hô-hoa hoan-hù Mô·se A-lûn kóng, Iâ-hô-hoa só· bēng-lēng lút-hoat ê tiâu-lē sī án-ni kóng, Lí tiòh hoan-hù Í-sek-liát lāng ēng chít-chiah sūn-choân bô hâ-chhū, bē-bat koà-taⁿ, chhiah-sek ê gū-bú, khan kàu lí chia. ³Lí tiòh chiong i kau hō· chè-si Í-lī-a-sat, thang toà chhut iāⁿ-goā; lāng chiū thâi gū tī i ê bīn-chēng. ⁴Chè-si Í-lī-a-sat tiòh ēng chúg-thâu-á thêh i ê huìh tām-pòh, òng hoē-bō·-chēng hiu

huìh chhit-pái. ⁵Tiòh ū chít-lāng tī chè-si ê bák-chiu-chēng, sio bú ê gū-á, chiū-sī sio i ê phê, i ê bah, i ê huìh, i ê pùn. ⁶Chè-si tiòh chiong pek-hiuⁿ-chhâ, giū-chhek-chháu, chu-âng-sek mī, lóng hiat tī sio gū ê hé-tiong. ⁷Chè-si tiòh soé i ê saⁿ, ēng chúi soé seng-khu, jiān-āu jip iāⁿ; chè-si beh bô chheng-khì kàu ê-hng. ⁸Sio gū-á ê lāng tiòh ēng chúi soé i ê saⁿ, ēng chúi soé seng-khu, beh bô chheng-khì kàu ê-hng. ⁹Tiòh ū chít ê chheng-khì ê lāng siu-síp gū-bú ê hu, hē tī iāⁿ-goā chheng-khì ê só·-chāi, lâu-teh choè Í-sek-liát hoē-chiong tū khì lâ-sâm ê chúi; che iā-sī tū-khì choē. ¹⁰Siu-síp gū-bú ê hu ê lāng tiòh soé i ê saⁿ, beh bô chheng-khì kàu ê-hng; che beh hō· Í-sek-liát lāng kap kià-kha tī in tiong-kan ê goā-lāng choè éng-oán ê lē. ¹¹Bong--tiòh lāng ê sin-si ê, chiū beh chhit-jit kú bô chheng-khì. ¹²Hit-lāng kàu tē-saⁿ jít, tiòh ēng hit ê chúi chheng-khì pún-sin; kàu tē-chhit jít chia̍h chheng-khì; i nā tī tē-saⁿ jít bô chheng-khì pún-sin, kàu tē-chhit jít chiū bô chheng-khì. ¹³Kìⁿ-nā bong--tiòh lāng ê sin-si, bô chheng-khì ka-kī ê, chiū phah lâ-sâm Iâ-hô-hoa ê hoē-bō·, chít ê lāng tiòh tùi Í-sek-liát tiong chia̍n-tū; in-ūi tū-khì lâ-sâm ê chúi bô hiu tī i ê seng-khu, i chiū bô chheng-khì, i ê bô chheng-khì iáu-kú tī i. ¹⁴Lāng sí tī pò·-pīⁿ-lāi, hit ê tiâu-lē sī án-ni: kìⁿ-nā jip hit ê pò·-pīⁿ, kap it-chhè tī pò·-pīⁿ-lāi ê, lóng tiòh bô chheng-khì chhit-jit kú. ¹⁵Kìⁿ-nā hian-khui ê khì-kū, chiū-sī koà bô khàm-bát ê, iā sī bô chheng-khì. ¹⁶Bô-lūn sím-mih lāng tī chhân-iá bong--tiòh hō· to thâi-sí-ê, á-sī sin-si, á-si lāng ê kut-thâu, á-sī hūn-bōng, chiū chhit-jit kú bô chheng-khì. ¹⁷Tiòh ūi-tiòh chít-ê bô chheng-khì ê lāng thêh tām-pòh só· sio tū-khì choē ê hé-hu, hē tī khì-kū-lāi, tò oáh-chú i hí téng-

bīn. ¹⁸Tiòh ũ chit ê chheng-khì ê lāng thêh giû-chhek-chháu ùn tī chit ê chúí, chiong chúí hiù tī pò·píⁿ, kap lóng-chóng ê khì-kū, í-kíp hit lāi-bīn ê lāng; koh hiù bong--tiòh kut-thâu ê, á-sī bong--tiòh siū thài-ê, á-sī bong-tiòh sí-si ê, á-sī bong--tiòh hūn-bōng ê. ¹⁹Tē-saⁿ jīt kap tē-chhit jīt, chheng-khì-ê tiòh kā hit ê bô chheng-khì-ê hiù chúí, kàu tē-chhit jīt thang hō· i chheng-khì; hit-lāng tiòh soé-saⁿ, ēng chúí soé seng-khu; kàu ê-hng chiaⁿ chheng-khì. ²⁰Chóng-sī hit ê bô chheng-khì ê lāng iā bô chheng-khì ka-kī ê, tiòh tui hoē-tiong chián-tū i; in-ūi i phah lâ-sâm Iâ-hô-hoa ê sèng-só·; tū-khì lâ-sâm ê chúí bô hiù tī i ê seng-khu, i sī bô chheng-khì ê lāng. ²¹Che beh kā in choè éng-oán ê lē; koh hit-ê kā lāng hiù tū-khì lâ-sâm ê chúí, hit-lāng tiòh soé i ê saⁿ; kìⁿ-nā bong hit ê tū-khì lâ-sâm ê chúí-ê, tek-khak bô chheng-khì kàu ê-hng. ²²Kìⁿ-nā bô chheng-khì ê lāng só· bong--tiòh-ê, chiū bô chheng-khì; bong--tiòh i ê, tek-khak bô chheng-khì kàu ê-hng.

20 Chiaⁿ-gèh-kan, Í-sek-liát lāng choân-hoē lāi kàu Sím ê không-iá, peh-siⁿ chiū tiàm tī Ka-te-su. Bí-lī-àm sí tī-hia, chiū bài-chòng tī-hia. ²Hoē-chiòng bô chúí thang lim; in chiū chū-chíp kong-kek Mô·se A-lûn. ³Peh-siⁿ chiū kap Mô·se kè-kàu kóng, Chêng goán ê hiaⁿ-tī sí tī Iâ-hô-hoa ê bīn-chêng, goán m̄-tát-tiòh hit-sī soà sí. ⁴Lín siáⁿ-sū chhoā Iâ-hô-hoa ê hoē-chiòng kàu chit ê không-iá, hō goán kap goán ê cheng-siⁿ sí tī chia ah? ⁵Lín siáⁿ-sū hō· goán chhut Ai-kíp, chhoā goán kàu chit ê pháiⁿ só·-chāi ah? Bô só·-chāi thang iā-chéng, iā bô bû-hoa-kó, bô phû-tô, bô siáⁿ-liū, koh bô chúí thang lim. ⁶Mô·se A-lûn lī-khui hoē-chiòng kàu hoē-bō· m̄ng-kháu, phak tī toē--nih; Iâ-hô-hoa ê êng-kng

tui in hián-hiān. ⁷Iâ-hô-hoa hoan-hù Mô·se kóng, ⁸Lí tiòh kiáh koáiⁿ-á, lí kap lí ê hiaⁿ A-lûn chio-chíp hoē-chiòng; tī in ê bák-chiu-chêng lín bēng-lēng chiòh-poāⁿ chhut-chúí, lí ũi-tiòh peh-siⁿ hō· chúí tui chiòh-poāⁿ chhut, hō· hoē-chiòng kap in ê cheng-siⁿ lim. ⁹Mô·se thàn bēng-lēng, tī Iâ-hô-hoa ê bīn-chêng kiáh koáiⁿ-á. ¹⁰Mô·se A-lûn chio-chíp hoē-chiòng kàu chiòh-poāⁿ-chêng, Mô·se tui in kóng, Lín chiaⁿ ê poē-gék ê lāng tiòh thiaⁿ ah, goán tiòh hō· chúí tui chit ê chiòh-poāⁿ lâu-chhut-lāi hō· lín mah? ¹¹Mô·se kiáh-khí chhiú, ēng koáiⁿ-á phah chiòh-poāⁿ n̄ng-ē, chiū ũ choē-choē chúí lâu-chhut, hoē-chiòng kap in ê cheng-siⁿ lóng lim. ¹²Iâ-hô-hoa chiū tui Mô·se A-lûn kóng, In-ūi lín m̄ sìn Goá, bô tī Í-sek-liát lāng ê bák-chiu-chêng chun-kèng Goá choè-sèng, só·-í lín boē-tit-thang chhoā chiaⁿ ê hoē-chiòng jip Goá só· sù-hō· in ê toē. ¹³Chiaⁿ ê chúí miâ kiò Bí-lī-pa ê chúí; sī in-ūi Í-sek-liát lāng kap Iâ-hô-hoa kè-kàu; Iâ-hô-hoa chiū tui in hián-bēng ka-kī choè-sèng.

¹⁴Mô·se tui Ka-te-su chhe sù-chiá khi kìⁿ Í-tong ông, kóng, Lí ê hiaⁿ-tī Í-sek-liát án-ni kóng, Lí chai goán só· tú-tiòh it-chhè ê kan-khó·. ¹⁵Goán ê liát-chó· lóh-khì Ai-kíp, goán toà tī Ai-kíp kú-kú; Ai-kíp lāng pháiⁿ khoán-thāi goán kap goán ê liát-chó·. ¹⁶Goán ai-kiū Iâ-hô-hoa ê sí, I thiaⁿ goán ê siaⁿ, chhe-khián sù-chiá chhoā goán chhut Ai-kíp; taⁿ goán tī lí kék piⁿ-thâu ê siáⁿ Ka-te-su. ¹⁷Kiū lí iòng-ún goán keng-kè lí ê toē, goán bô beh tui chhân-hng kap phû-tô-hng keng-kè, iā bô lim chiaⁿ ê chíⁿ ê chúí; tók-tók kiáⁿ toā-lō·, bô phian-chó phian-iū, tit-tit keng-kè lí ê toē-kài. ¹⁸Í-tong ông kóng, Lí m̄-thang tui goá chia keng-kè, bián-tit goá kiáh to chhut-lāi tí-ték lí. Í-sek-liát lāng kā i kóng, Goán beh

tùi toā-lō· kiāⁿ-khì; siat-sú goán kap cheng-siⁿ lim lí ê chúí, goán beh hêng lí kè-chiⁿ; chún goá pō·kiāⁿ kè--khì, bô chhap pát-hāng. ²⁰I kóng, Lí m̄-thang keng-kè. Í-tong ông chiū chhoā choē-choē lāng chhut-lâi, ēng kong-ngī ê chhiú tí-ték i. ²¹Án-ni Í-tong m̄ chún Í-sek-liát lāng tùi i ê toē-kài keng-kè; Í-sek-liát chiū oát-túg lī-khui i.

²²In tùi Ka-te-su khí-sin, Í-sek-liát ê choân-hoē kàu Hô-jíⁿ soaⁿ. ²³Iâ-hô-hoa tī oá-kūn Í-tong piⁿ-kài ê Hô-jíⁿ soaⁿ, hoan-hù Mô·se A-lùn kóng, ²⁴A-lùn beh tò-chó, in-ūi i boē-tit-thang jlp Goá siúⁿ-sù Í-sek-liát lāng ê toē, in-ūi tī Bí-lī-pa ê chúí lín ùi-kèh Goá ê bēng-lēng. ²⁵Lí toà A-lùn kap i ê kiáⁿ Í-lī-a-sat chiūⁿ Hô-jíⁿ soaⁿ, ²⁶thng A-lùn ê saⁿ, kã i ê kiáⁿ Í-lī-a-sat chhēng; A-lùn beh sí tī-hia, tò-khì. ²⁷Mô·se chiàu Iâ-hô-hoa só· bēng-lēng-ê kiāⁿ; in saⁿ-lāng tng hoē-chiòng ê bák-chiu-chēng chiūⁿ Hô-jíⁿ soaⁿ. ²⁸Mô·se thng A-lùn ê saⁿ, kã i ê kiáⁿ Í-lī-a-sat chhēng; A-lùn tī-hia sí tī soaⁿ-tég; Mô·se kap Í-lī-a-sat lōh-soaⁿ. ²⁹Hoē-chiòng khoàⁿ-kìⁿ A-lùn í-keng sí, chiū ùi A-lùn thī-khau saⁿ-cháp jít; Í-sek-liát choân-ke iā lóng án-ni.

21 Khiā-khí tī lâm-hng ê Ka-lâm lāng, A-lāh-tek ông, thiaⁿ-kìⁿ Í-sek-liát lāng tùi A-tha-lim lō· lâi, chiū kap Í-sek-liát lāng kau-chiàn, liáh in kúi-nā lāng. ²Í-sek-liát lāng tùi Iâ-hô-hoa hoat-goān kóng, Lí nā chin-chiàⁿ chiong chit ê peh-siⁿ kau goá ê chhiú, goá chiū it-chīn châu-biát in ê siāⁿ. ³Iâ-hô-hoa thiaⁿ Í-sek-liát lāng ê siaⁿ, chiong Ka-lâm lāng kau-tài in; in chiū it-chīn biát in, kap in ê siāⁿ; hit só·-chāi ê miā chiū kiò Hô-jíⁿ-má.

⁴In tùi Hô-jíⁿ soaⁿ khí-sin, tùi Âng-hái ê lō· khì, beh sêh Í-tong ê toē; peh-siⁿ ūi-tiòh só· kiāⁿ ê lō·, sim put-chí loé-chì. ⁵Chiū hiām

Siōng-tè kap Mô·se kóng, Lín siáⁿ-sū chhoā goán chhut Ai-kíp, hō· goán sí tī chit ê không-iá ah? In-ūi bô piáⁿ, bô chúí, goán ê sim iām-chiān chit ê chheng-tām ê chiáh-mih. ⁵Iâ-hô-hoa chiū chhe hé-choā jíp peh-siⁿ ê tiong-kan, kã peh-siⁿ; Í-sek-liát lāng sí choē-choē. ⁷Peh-siⁿ kàu Mô·se hia, kóng, Goán ū hoân-choē, in-ūi goán ū hiām Iâ-hô-hoa kap lí; chhiáⁿ lí kiū Iâ-hô-hoa hō· chiaⁿ ê choā lī-khui goán. Mô·se chiū thoē peh-siⁿ kiū. ⁸Iâ-hô-hoa tùi Mô·se kóng, Lí choē chit-bé hé-choā, kù tī kī-koaⁿ-tég; kìⁿ-nā hō· i kã-tiòh ê, chit-ē khoàⁿ, chiū oē oáh. ⁹Mô·se chiū choē chit-bé tâng-choā, kù tī kī-koaⁿ-tég; kìⁿ-nā hō· choā kã-tiòh--ê, chit-ē khoàⁿ chit ê tâng-choā, chiū oáh.

¹⁰Í-sek-liát lāng khí-sin, chat-iāⁿ tī O-pók. ¹¹Koh tùi O-pók khí-sin, chat-iāⁿ tī Í-iā-a-pa-lim, chiū-sī òng jít-chhut ê só·-chāi, kap Mô·ap saⁿ-tùi ê không-iá. ¹²Tùi hia khí-sin, chat-iāⁿ tī Sat-liát ê soaⁿ-kok. ¹³Tùi-hia khí-sin, chat-iāⁿ tī A-lùn ê hit-pēng, chiū-sī tī không-iá, tùi A-mô·lī ê toē-kài chhut-lâi; in-ūi A-lùn sī Mô·ap ê kau-kài, tī Mô·ap kap A-mô·lī ê tiong-kan. ¹⁴Só·-í Iâ-hô-hoa kau-chiàn ê chheh ū kóng:

So·hoat ê Oa-hap-pek,

Kap A-lùn hiah ê soaⁿ-kok;

¹⁵Í-kíp chiaⁿ ê soaⁿ-kok ê chúí-choāⁿ,

Chiū-sī òng A-jí^m khiā-khí ê só·-chāi,

Oá-kūn Mô·ap ê keng-kài.

¹⁶In tùi hia kàu Pí-jí^m; che chiū-sī Iâ-hô-hoa bat tùi Mô·se só· kóng-khí ê chí^m, kóng, Lí chū-chíp peh-siⁿ, Goá beh ēng chúí hō· in.

¹⁷Hit-sī Í-sek-liát lāng chhiūⁿ-koa kóng,

Chí^m ah, chhèng--chhut-lâi; lín tiòh tùi i chhiūⁿ-koa;

¹⁸Chit ê chí^m sī siú-léng khui i,

Peh-siⁿ chun-kui ê lâng,
Ēng koân-pèng, ēng in ê koáiⁿ-á kút ê.

In tui không-ia khi Má-tha-ná; ¹⁹Tui Má-tha-ná kàu Ná-hap-liát, tui Ná-hap-liát kàu Pa-boát. ²⁰Tui Pa-boát kàu Mô-ap toē ê soaⁿ-kok, kàu hit ê khoàⁿ lóh-kē, oē khoàⁿ-kìⁿ không-ia ê Pî-su-ka ê soaⁿ-chiam.

²¹Í-sek-liát lâng chhe sù-chiá khi kìⁿ A-mô-lĩ lâng ê ông Se-hông, kóng, Kiû lí iông-ún goá tui lí ê toē keng-kê; goán bô phian tī chhân-hng, kap phû-tô-hng; goán iā bô beh lim chíⁿ-nih ê chú; tòk-tòk kiāⁿ toā-lō, tít-tít keng-kê lí ê toē-kài. ²³Se-hông m̄-chún Í-sek-liát lâng keng-kê i ê keng-kài; Se-hông chiū chū-chíp i ê cheng peh-siⁿ, chhut-lâi kàu không-ia, beh tí-ték Í-sek-liát lâng, kàu Ngá-cháp; kap Í-sek-liát lâng kau-chiàn. ²⁴Í-sek-liát lâng ēng to thâi i, chiām i ê toē, tui A-lùn kàu Ngá-phok, tít-tít kàu A-bun lâng hia; in-ūi A-bun lâng ê toē-kài chin kian-kò. ²⁵Í-sek-liát lâng chhú i it-chhè ê siāⁿ, Í-sek-liát lâng iā khiā-khí A-mô-lĩ ê siāⁿ, tī Hi-sít-pún, kap i it-chhè ê siāⁿ. ²⁶Chit ê Hi-sít-pún sī A-mô-lĩ ông Se-hông ê siāⁿ; i bat kap Mô-ap cheng ê ông kau-chiàn, tui i ê chhiú chhiūⁿ choân-toē, tít-kàu A-lùn. ²⁷Só-í choē-si ê lâng liām, kóng:

Lín tiòh lâi Hi-sít-pún,

Goân Se-hông ê siāⁿ tít-tiòh khí-chō, koh kian-kò;

²⁸In-ūi ū hé tui Hi-sít-pún chhut,

Ū hé-iām tui Se-hông ê siāⁿ hoat,

Sio-húi Mô-ap ê A-jíⁿ,

Kap A-lùn koáiⁿ ê só-chāi ê chú.

²⁹Mô-ap ah, lí ū chai-ē!

Ki-boát ê peh-siⁿ ah, lín biát-bô lah!

Hō i ê ta-po-teng choē tô-cháu-ê,

Cha-bó-kiáⁿ choē siū-liáh-ê,

Kau hō A-mô-lĩ ông Se-hông.

³⁰Goán siā-in; Hi-sít-pún kàu Tí-pún it-chhīn húi biát,

Goán hō toē pha-hng, tít-kàu Lô-hoat,

Chiū-sī kàu Bí-tí-pa.

³¹Án-ni, Í-sek-liát lâng chiū khiā-khí tī A-mô-lĩ lâng ê toē. ³²Mô-se chhe lâng khi thau-khoàⁿ Ngá-siā, chiū chhú in hiah ê huiⁿ-siā, koáⁿ-chhut khiā-khí hia ê A-mô-lĩ lâng.

³³Í-sek-liát oat tui Pa-san ê lō khi; Pa-san ông Gók, kap i ê cheng peh-siⁿ, lóng chhut-lâi tí-ték in, tī Í-tek-lâi kap in kau-chiàn. ³⁴Iā-hô-hoa tui Mô-se kóng, M̄-bián kiaⁿ in, in-ūi Goá í-keng chiong i kap i ê cheng peh-siⁿ, i ê toē, lóng kau tī lí ê chhiú; lí tiòh khoán-thāi i, chhin-chhiūⁿ lí bat khoán-thāi tiām tī Hi-sít-pún ê A-mô-lĩ ông Se-hông chit-iūⁿ. ³⁵In chiū phah i, kap i hiah ê kiáⁿ, í-kíp i ê cheng peh-siⁿ, bô kā i lâu chit-ê, chiū tít-tiòh i ê toē.

22 Í-sek-liát lâng khí-sin, chat-iaⁿ tī Mô-ap ê pîⁿ-iūⁿ, tī Iok-tàn hô-goā, Iā-lī-ko ê tui-bīn.

²Se-phoat ê kiáⁿ Pa-lék khoàⁿ-kìⁿ Í-sek-liát lâng tui A-mô-lĩ lâng só kiāⁿ it-chhè ê sū.

³Mô-ap chin kiaⁿ hit ê peh-siⁿ, in-ūi in chin-choē; Mô-ap in-ūi Í-sek-liát peh-siⁿ, sim chiū tiòh-kip.

⁴Mô-ap kā Bí-tiān ê tiúⁿ-ló kóng, Taⁿ chit-kun ê lâng beh it-chhīn chiáh lán sī-ūi só ū ê, chhin-chhiūⁿ gū chiáh chhân-nih ê chháu chit-poaⁿ; hit-sí Se-phoat ê kiáⁿ Pa-lék choē Mô-ap ông. ⁵I chhe sù-chiá khi Toā-hô-piⁿ ê Pî-toát, kàu Pí-jíⁿ ê kiáⁿ Pa-lân ê pún só-chāi kiò i lâi, kóng, Khoàⁿ ah, ū chit ê peh-siⁿ tui Ai-kíp chhut-lâi; khoàⁿ ah, in jia-moá toē-bīn, iā khiā-khí tī goá ê tui-bīn. ⁶Taⁿ chhiáⁿ lí lâi, kā goá chiū-chóⁿ chit ê peh-siⁿ, in-ūi in pí goá khah-kiông; kiám-chhái goá oē phah lâi khah-iaⁿ in, koáⁿ in chhut chit ê só-chāi; in-ūi goá chai lí só chiok-hok ê,

chiū tit-tiòh hok-khì, lí só· chiū-chó· ê, chiū siū chiū-chó·. ⁷Mô·-ap tiúⁿ-ló kap Bí-tiân ê tiúⁿ-ló, chiū khí-sin, chhiú toà pok-koà ê lé, khi̍ kàu Pa-lân hia, chiong Pa-lèk ê oē kâ i kóng. I tùi in kóng, Kim-mî lín hioh chia; chiàu Iâ-hô-hoa só· hoan-hù goá ê, goá beh hê-hok lín. Mô·-ap ê siú-léng chiū hioh tī Pa-lân hia. ⁹Siōng-tè lîm-kàu Pa-lân, m̄ng i kóng, Kap lí toà hiah ê lāng sī chī-chūi? ¹⁰Pa-lân in Siōng-tè kóng, Sī Mô·-ap ông Se-phoat ê kiáⁿ chhe lāng kàu goá chia, kóng, ¹¹Khoàⁿ ah, ū peh-siⁿ tùi Ai-kíp lâi, jia-moá toē-bīn; chhiáⁿ lí lâi kâ goá chiū-chó· in, kiám-chhái goá oē thâi-iâⁿ in, koáⁿ in chhut-khì. ¹²Siōng-tè tùi Pa-lân kóng, Lí m̄-thang kap in khi̍, iā m̄-thang chiū-chó· chit ê peh-siⁿ; in-ūi in sī tit-tiòh hok-khì-ê. ¹³Pa-lân chheng-chá khí-lâi, tùi Pa-lèk ê siú-léng kóng, Lín tò--khì lín ê só·-chāi, in-ūi Iâ-hô-hoa m̄-chún goá kap lín khi̍. ¹⁴Mô·-ap ê siú-léng chiū khí-lâi, tò--khì Pa-lèk hia, kóng, Pa-lân m̄-khéng kap goán lâi. ¹⁵Pa-lèk koh chhe siú-léng, pí chêng khah-choē, khah chun-kùi-ê. ¹⁶In kàu Pa-lân hia, tùi i kóng, Se-phoat ê kiáⁿ Pa-lèk án-ni kóng, Kiū lí m̄-thang hō· sím-mih tãi-chì chót-tòng lí bô lâi goá chia. ¹⁷In-ūi goá beh hō· lí tit-tiòh kék-toā ê chun-kùi; kìⁿ-nā lí tùi goá kóng sím-mih, goá beh chiàu án-ni kiâⁿ; só·-í chhiáⁿ lí lâi, kâ goá chiū-chó· chit ê peh-siⁿ. ¹⁸Pa-lân tùi Pa-lèk chia ê jîn-sin kóng, Pa-lèk chiū nā ēng moá-chhū ê kim-gūn hō· goá, goá iā m̄-káⁿ poāⁿ-kè goá ê Siōng-tè ê bēng-lēng, lâi ke-kiám kiâⁿ. ¹⁹Chhiáⁿ lín kim-mî koh hioh chia, thèng-hāu goá chai Iâ-hô-hoa koh kâ goá kóng sím-mih. ²⁰Hit-mî Siōng-tè lîm-kàu Pa-lân hia kóng, Chia ê lāng nā lâi kiò lí, lí chiū khí-lâi kap i khi̍; chóng-sī Goá só· beh kâ lí kóng ê, lí tiòh chun-thàn.

²¹Pa-lân chá-khí khí-lâi, pī-pān lū; kap Mô·-ap ê siú-léng saⁿ-kap khi̍. ²²Siōng-tè, in-ūi i khi̍, chiū siū-khì; Iâ-hô-hoa ê sù-chiá khiā tī lō--nih lâi tí-ték i; i khiā lū, n̄ng ê lô·-pòk kun-tè i. ²³Lū khoàⁿ-kìⁿ Iâ-hô-hoa ê sù-chiá khiā tī lō--nih, chhiú--nih pūih to; lū chiū tùi lō--nih siám jip hng; Pa-lân chiū phah lū beh hō· i kui goān-lō·. ²⁴Iâ-hô-hoa ê sù-chiá chiū khiā tī phū-tô-hng ê oēh-lō·, chit-pēng ū chhiūⁿ, hit-pēng iā ū chhiūⁿ. ²⁵Lū khoàⁿ-kìⁿ Iâ-hô-hoa ê sù-chiá, chiū siám-oá hit ê chhiūⁿ, khoeh Pa-lân ê kha tī chhiūⁿ--nih; Pa-lân chiū koh phah i. ²⁶Iâ-hô-hoa ê sù-chiá koh chìn-chēng khi̍, khiā tī oēh-oēh ê só·-chāi, siang-pēng bô lō· thang oat. ²⁷Lū khoàⁿ-kìⁿ Iâ-hô-hoa ê sù-chiá, chiū phak tī Pa-lân ê ē-toé, Pa-lân hoat siū-khì, ēng koáiⁿ-á phah lū. ²⁸Iâ-hô-hoa khui lū ê chhui, lū tùi Pa-lân kóng, Goá tùi lí choē sím-mih, lí keng-jiân phah goá chí saⁿ-pái ah? ²⁹Pa-lân tùi lū kóng, In-ūi lí hì-lāng goá; goá hūn chhiú--nih bô to; ū, chiū kâ lí thâi-sí. ³⁰Lū tùi Pa-lân kóng, Goá kiám m̄-sī lí ê lū, lí it-seng só· khiā-ê mah? goá pēng-sò· bat tùi lí án-ni kiâⁿ mah? Pa-lân kóng, Bô. ³¹Hit-sī Iâ-hô-hoa khui Pa-lân ê bák-chiu, i chiū khoàⁿ-kìⁿ Iâ-hô-hoa ê sù-chiá khiā tī lō--nih, chhiú pūih to; Pa-lân chiū àⁿ-thâu phak tī toē--nih. ³²Iâ-hô-hoa ê sù-chiá tùi i kóng, Lí siáⁿ-sū chí saⁿ-pái phah lí ê lū ah? Khoàⁿ ah, goá chhut-lâi tí-ték lí, in-ūi lí tī goá ê bīn-chēng só· kiâⁿ ê, sī poē-gék. ³³Lū khoàⁿ-kìⁿ goá, chiū siám-pī goá chí saⁿ-pái; siat-sú lū bô siám-pī goá, goá í-keng thâi-sí lí, hō· lū oáh-teh. ³⁴Pa-lân tùi Iâ-hô-hoa ê sù-chiá kóng, Goá ū hoān-choē lah, goá m̄-chai lí khiā tī lō--nih chót-tòng goá; lí nā bô hoaⁿ-hí goá khi̍, goá chiū tò-túg--khì. ³⁵Iâ-hô-hoa ê sù-chiá tùi Pa-lân kóng, Lí kap chia ê

lâng khi; chóng-sī lí chí-ū thang kóng goá só· beh tùi lí kóng-ê. Pa-lân chiū kap Pa-lék ê siú-léng saⁿ-kap khi.

³⁶Pa-lék thiaⁿ-kìⁿ Pa-lân lâi, chiū khi Mô·ap siâⁿ ngiâ-chih i; chit ê siâⁿ sī tī piⁿ-kài ê kék-thâu, tī A-lùn ê piⁿ-thâu. ³⁷Pa-lék tùi Pa-lân kóng, Goá kiám m̄-sī chhiat-chhiat chhe lâng kàu lí hia khi kiò lí mah? Lí siáⁿ-sū bô lâi goá chia ah? goá kiám bô chin-chiàⁿ oē hō· lí chun-kùi mah? ³⁸Pa-lân in Pa-lék kóng, Goá taⁿ lâi kàu lí chia, goá kiám ū koan oē kóng sím-mih ah? Siōng-tè ēng sím-mih oē kau-tài goá, goá chiū kóng i. ³⁹Pa-lân kap Pa-lék saⁿ-kap kiáⁿ, lâi kàu Ki-liát-ô·-sô. ⁴⁰Pa-lék thâi gū-iūⁿ hiàn-chè, chiū sàng hō· Pa-lân í-kíp kap i tī-teh ê siú-léng.

⁴¹Kàu keh chá-khí, Pa-lék chhoā Pa-lân kàu Pa-lék ê koaiⁿ-ūi; Pa-lân tùi hia khoàⁿ Í-sek-liát peh-siⁿ kék-thâu ê só·-chāi.

23 Pa-lân tùi Pa-lék kóng, Lí tī chia ká goá khí chhit chō toāⁿ, ká goá pī-pān chhit chiah gū-káng, chhit chiah iūⁿ-káng. ²Pa-lék chiàu Pa-lân ê oē lâi kiáⁿ; Pa-lék kap Pa-lân tī ták chō ê toāⁿ, hiàn chit chiah gū-káng, chit chiah iūⁿ-káng. ³Pa-lân tùi Pa-lék kóng, Lí khiā tī lí sio-chè ê piⁿ-thâu, goá chhiáⁿ chìn-chêng khi, kiám-chhái Iâ-hô-hoa lâi tú-tiōh goá; I chí-sī goá sím-mih, goá beh ká lí kóng. Pa-lân chiū chiūⁿ--khi bô chháu-bák ê soaⁿ. ⁴Siōng-tè tú-tiōh Pa-lân, Pa-lân tùi I kóng, Goá í-keng pī-pān chhit chō toāⁿ, tī ták chō toāⁿ hiàn chit chiah gū-káng, chit chiah iūⁿ-káng. ⁵Iâ-hô-hoa ēng oē kau-tài Pa-lân, koh ká i kóng, Lí tò--khi Pa-lék hia, tiōh án-ni ká i kóng. ⁶I chiū tò--khi Pa-lék hia; khoàⁿ-kìⁿ i kap Mô·ap ê siú-léng, lóng khiā tī i sio-chè ê piⁿ-á. ⁷Pa-lân chiū thê-khí i ê koa, kóng,

Pa-lék chhoā goá tùi A-lân lâi,

Mô·ap ông chhoā goá chhut tang-pêng ê soaⁿ, kóng,

Lâi ah, ká goá chiū-chó· Ngá-kok,

Lâi ah, chiū-mē Í-sek-liát.

⁸Siōng-tè bô chiū-chó· ê, goá thái oē chiū-chó·?

Iâ-hô-hoa bô chiū-mē ê, goá thái oē chiū-mē?

⁹In-ūi goá tùi chiah ê soaⁿ-giâm khoàⁿ i, Koh tùi soaⁿ-bé-liu koan-khoàⁿ, Khoàⁿ ah, chit ê peh-siⁿ beh ka-kī khiā-khí. Bô liát tī chiah ê kok ê tiong-kan.

¹⁰Chī-chūi oē siàu Ngá-kok ê thô·-soa?

Chī-chūi oē sng Í-sek-liát ê si-hūn-chit?

Goá goān chhin-chhiūⁿ gī-lâng ê sí lâi sí,

Iā chhin-chhiūⁿ i ê kiát-kiók lâi kiát-kiók.

¹¹Pa-lék tùi Pa-lân kóng, Lí tùi goá choè-ê sī sím-mih ah? Goá kiò lí lâi chiū-chó· goá ê tùi-ték, khoàⁿ ah, lí lóng sī ká in chiok-hok.

¹²I in kóng, Iâ-hô-hoa só· kau-tài goá ê oē, goá kiám m̄-tiōh kín-sin lâi kóng mah?

¹³Pa-lék tùi i kóng, Kiú lí kap goá khi pát-ūi, tī-hia thang khoàⁿ-kìⁿ in, lí chí-ū oē khoàⁿ-kìⁿ in ê chit kak-thâu, boē-oē lóng-chóng khoàⁿ-kìⁿ; tī-hia tiōh ká goá chiū-chó· in. ¹⁴Tùi hit-tiáp chhoā i kàu Só-hui ê soaⁿ-iá, chiūⁿ Pī-su-ka ê soaⁿ-thâu, khí chhit chō toāⁿ, ták chō toāⁿ hiàn chit chiah gū-káng, chit chiah iūⁿ-káng.

¹⁵Pa-lân tùi Pa-lék kóng, Lí toà chia, khiā tī lí sio-chè ê piⁿ-á, theng-hāu goá khi hia kìⁿ Iâ-hô-hoa. ¹⁶Iâ-hô-hoa tú-tiōh Pa-lân, ēng oē kau-tài i, koh kóng, Lí tò-khi Pa-lék hia, tiōh án-ni kóng. ¹⁷I chiū tò--khi Pa-lék hia, khoàⁿ-kìⁿ i khiā tī sio-chè ê piⁿ-á, Mô·ap ê siú-léng iā kap i tī-hia. Pa-lék m̄ng i kóng, Iâ-hô-hoa kóng sím-mih oē ah? ¹⁸Pa-lân chiū thê-khí i ê koa, kóng,

Pa-lék ah, khí-lâi thiaⁿ;

Se-phoat ê kiáⁿ, lí àⁿ hī-khang lâi thiaⁿ goá;
¹⁹Siōng-tè m̄-sī chhin-chhiūⁿ lāng, oē kóng
pêh-chhát,

Iâ m̄-sī lāng ê kiáⁿ, oē thè-hoé;
I í-keng kóng, kiám bô kiáⁿ mah?
I kóng-chhut, kiám bô èng-giām mah?

²⁰Khoàⁿ ah, goá hōng-bēng chiok-hok,
I só· èng-ún ê hok-khì, goá boē ká i péng-
tò-túg.

²¹I bô khoàⁿ-kìⁿ Ngá-kok ū kè-sit,
Tī Í-sek-liát bô khoàⁿ-kìⁿ ū kan-ok,
Iâ-hô-hoa i ê Siōng-tè kap i tī-teh;
Tī in tiong-kan ū o-ló ông ê siaⁿ.

²²Siōng-tè chhoā in chhut Ai-klp;
In chhin-chhiūⁿ ū iá-gû ê lát.

²³Ngá-kok tiong koat-toàn bô hoat-sút,
Í-sek-liát tiong iā bô chiam-pok;
Kàu-sī lūn-khí Ngá-kok kap Í-sek-liát beh
kóng,

Siōng-tè kiáⁿ hiah--nih toā ê sū!

²⁴Khoàⁿ ah, chit ê peh-siⁿ khí-lâi chhin-
chhiūⁿ bú ê sai,

Théng-sin chhin-chhiūⁿ kang ê sai;
Iáu-bē chiáh só· lāk-tiōh ê m̄h,
Iáu-bē lim siū ká-sí-ê ê huìh,
Koat-toàn bô tó--teh.

²⁵Pa-lèk tùi Pa-lân kóng, Lí lóng m̄-thang
chiù-chó· in, iā m̄-thang ká in chiok-hok.

²⁶Pa-lân in Pa-lèk kóng, Goá kiám bô ká lí
kóng, Kìⁿ-nā Iâ-hô-hoa só· kóng ê, goá beh
chun-thàn mah?

²⁷Pa-lèk tùi Pa-lân kóng, Lâi ah, goá chhoā
lí khi pát só·-chāi, kiám-chhái Siōng-tè hoaⁿ-
hí lí tī-hia ká goá chiù-chó· in. ²⁸Pa-lèk

chiū chhoā Pa-lân kàu hit ê khoàⁿ lóh-kē,
oē khoàⁿ-kìⁿ không-iá ê Pī-jíⁿ ê soaⁿ-chiam.

²⁹Pa-lân tùi Pa-lèk kóng, Lí tī-chia ká goá khí
chhit chō toāⁿ, koh tī-chia ká goá pī-pān chhit

chiah gū-káng, chhit chiah iūⁿ-káng. ³⁰Pa-lèk
chiū chiàu Pa-lân ê oē kiáⁿ, tī ták chō toāⁿ
hiàn chit chiah gū-káng, chit chiah iūⁿ-káng.

24 Pa-lân khoàⁿ-kìⁿ Iâ-hô-hoa hoaⁿ-hí sù-
hok hō· Í-sek-liát, chiū bô chhin-chhiūⁿ éng-
pái khi chhē hoat-sút, sī bīn òng không-iá.

²Pa-lân kiáh-bák, khoàⁿ-kìⁿ Í-sek-liát lāng
chiàu chi-phài khiā-khí, Siōng-tè ê sīn chiū
līm-kàu i. ³I chiū thē-khí i ê koa, kóng,

Pí-jíⁿ ê kiáⁿ Pa-lân kóng,
Bák-chiu háp--teh ê lāng kóng;

⁴Thiaⁿ-kìⁿ Siōng-tè ê oē,
Khoàⁿ-kìⁿ Choân-lêng--ê ê īⁿ-siōng,

Bák-chiu thí-khui tó-teh ê lāng kóng;

⁵Ngá-kok ah, lí ê pò·-pīⁿ cháiⁿ-iūⁿ hiah súi!
Í-sek-liát ah, lí ê tiūⁿ-pāng cháiⁿ-iūⁿ hiah
hó-khoàⁿ!

⁶Chhin-chhiūⁿ saⁿ-liân-soa ê soaⁿ-kok,
Chhin-chhiūⁿ hô-piⁿ ê hng,
Chhin-chhiūⁿ Iâ-hô-hoa só· chai ê tīm-hiūⁿ-
chhiū,

Chhin-chhiūⁿ chúi-piⁿ ê pek-hiūⁿ-chhiū.

⁷Chúi beh tùi i ê thág lâu-chhut,
Chéng-chí beh iā tī choē-choē chúi ê só·-
chāi,

I ê ông beh poāⁿ-kè A-kah,
I ê kok beh heng-khí.

⁸Siōng-tè chhoā i chhut Ai-klp,

I chhin-chhiūⁿ ū iá-gû ê lát;

I beh thun-chiáh tùi-ték ê kok,

At-chih in ê kut-thâu;

Ēng chīⁿ siā in, kàu thàng-kè.

⁹I thìⁿ-kha, koh tó-teh chhin-chhiūⁿ kang ê
sai,

Iā chhin-chhiūⁿ bú ê sai;

Chī-chui káⁿ jiá-tiōh i?

Kìⁿ-nā chiok-hok lí ê, goān i siū chiok-hok,

Kìⁿ-nā chiù-chó· lí ê, goān i siū chiù-chó·.

¹⁰Pa-lèk toā siū-khì Pa-lân, chiū tah-chhiú;
 Pa-lèk koh kâ Pa-lân kóng, Goá kiò lí lâi chiū-
 chók goá ê tùi-ték, lí keng-jiân choan-choan
 chiok-hok in, kàu chí saⁿ-pái. ¹¹Taⁿ lí cháu-
 khì pún só-chāi, goá pún siūⁿ beh hō· lí tit-
 tiòh toā chun-kùi, nā-sī Iâ-hô-hoa chók-tòng,
 hō· lí bô tit-tiòh chun-kùi. ¹²Pa-lân tùi Pa-
 lèk kóng, Goá kiám bô tùi lí só· chhe kàu goá
 hia ê sù-chiá kóng, ¹³Pa-lèk chiū nā chiong
 i moá-chhù ê kim-gûn hō· goá, goá iā boē-tit
 poāⁿ-kè Iâ-hô-hoa ê bēng-lēng, pîn ka-kī ê sim
 lâi choè-hó choè-pháiⁿ; Iâ-hô-hoa só· kóng--ê,
 goá chiū kóng i. ¹⁴Khoàⁿ ah, taⁿ goá beh
 tò--khì pún-chók; lí lâi, goá kâ lí kóng, chia-
 h ê peh-siⁿ jít-āu beh cháiⁿ-iūⁿ khoán-thāi lí ê
 peh-siⁿ. ¹⁵I chiū thê-khí i ê koa, kóng,

Pí-jíⁿ ê kiáⁿ Pa-lân kóng,
 Bák-chiu háp--teh ê lāng kóng;
¹⁶Thiaⁿ-kìⁿ Siōng-tè ê oē,
 Tit-tiòh chai Chì-koáiⁿ--ê ê chai-bat,
 Khoàⁿ-kìⁿ Choân-lēng--ê ê t̃ⁿ-siōng,
 Bák-chiu thí-khui, tó-teh ê lāng kóng;
¹⁷Goá khoàⁿ i, chóng-sī bô tī hiān-sī,
 Goá koan-khoàⁿ i, chóng-sī m̃-sī kûn-kûn;
 Ū chít liáp chhiⁿ beh tùi Ngá-kok chhut,
 Ū chít ê koân-pèng, beh tùi Í-sek-liát heng-
 khí,
 Beh phah-phoà Mô·ap ê piⁿ-kak,
 Húi-hoài jiáu-loān ê lāng.
¹⁸Í-tong beh choè-giáp,
 Se-jíⁿ iā beh choè-giáp, hō· i ê tùi-ték,
 Í-sek-liát beh kiáⁿ tãi-chì íong-kám.
¹⁹Ū chít-ūi chiáng-koân-ê beh tùi Ngá-kok
 chhut,

I beh châu-biát siāⁿ-tiòng só· lâu ê.
²⁰I koh khoàⁿ-kìⁿ A-má-lèk, chiū thê-khí i
 ê koa, kóng,
 A-má-lèk pún choè chia-
 h ê kok ê thau,

Chóng-sī i ê kiát-kiók beh éng-éng biát-bô.
²¹I koh khoàⁿ Kì-ni lāng, chiū thê-khí i ê
 koa, kóng,
 Lí khiā-khí ê só·chāi sī kian-kò·,
 Lí choh-siū tī soaⁿ-giām;
²²Chóng-sī Kì-ni beh tì-kàu soe-bi,
 Tít-kàu hō· A-sút liáh lí khi.
²³I koh thê-khí koa, kóng,
 Ai--ah, Siōng-tè kiáⁿ chit ê sū ê sī,
 Chī-chui oē tit-tiòh oáh?
²⁴Beh ū chun tùi Kì-thê hia lâi,
 Khók-chhók A-sút, khók-chhók Hi-pek;
 I iā beh éng-éng biát-bô.
²⁵Pa-lân chiū khí-lâi, tò--khì i pún só·chāi;
 Pa-lèk iā kiáⁿ i ê lō·.

25 Í-sek-liát lāng tiàm tī Síp-tēng, pe-
 siⁿ chiū kap Mô·ap ê cha-bók-gín-á kiáⁿ im-
 loān. ²In hiàn-chè in ê siōng-tè, chhiáⁿ pe-
 siⁿ lâi hū, peh-siⁿ chiaⁿ in ê chè-mih, soà kui-
 pài in ê siōng-tè. ³Í-sek-liát lāng kap Pa-lèk-
 pí-jíⁿ liân-háp; Iâ-hô-hoa chiū tùi Í-sek-liát
 lāng hoat siū-khì. ⁴Iâ-hô-hoa tùi Mô·se kóng,
 Chiong peh-siⁿ lóng-chóng ê chók-tiúⁿ, tng-
 thau pēh-jit tiâu-sí tī Iâ-hô-hoa ê bīn-chēng,
 hō· Iâ-hô-hoa ê toā siū-khì thang tùi Í-sek-
 liát siau-bô. ⁵Mô·se chiū tùi Í-sek-liát ê sim-
 phoàⁿ-koaⁿ kóng, Kìⁿ-nā siók lín ê lāng, ū
 kap Pa-lèk-pí-jíⁿ liân-háp-ê lín tiòh thāi-sí i.
⁶Mô·se kap Í-sek-liát hoē-chiòng tú-á tī hoē-
 bō· m̃ng-kháu teh-khau ê sī, hut-jiân ū Í-sek-
 liát tiòng chit-lāng, tng in bák-chiu chēng toà
 chit ê Bí-tiān ê hū-jîn-lāng kàu i ê hiaⁿ-tī hia.
⁷Chè-si A-lūn ê sun, Í-lī-a-sat ê kiáⁿ, Hui-
 nī-hap khoàⁿ-kìⁿ, chiū tùi hoē-tiòng khí-lâi,
 chhiū--nih kiáh chhiuⁿ; ⁸tè Í-sek-liát lāng jip
 tēng-á-lāi, chhák-sí ñng-lāng, chiū-sī chhák-
 thau Í-sek-liát lāng kap hit ê hū-jîn-lāng ê
 pak-tó·; án-ni, tī Í-sek-liát lāng ê tiòng-kan

un-ék chiū soah. ⁹Hit-sī tú-tiòh un-ék sí--ê, nng-bān sì-chheng lāng.

¹⁰Iâ-hô-hoa hoan-hù Mô-se kóng, ¹¹Chè-si A-lûn ê sun, Í-lī-a-sat ê kiáⁿ, Hui-nî-hap hō· Goá só· hoat ê siū-khì siau-bô tī Í-sek-liát lāng, in-ūi i tī in tiong-kan, ēng Goá ê tò·khī choè tò·khī, hō· Goá tī tò·khī-tiong bô biát-bô in. ¹²Só·í lí tiòh kóng, Khoàⁿ ah, Goá ēng Goá pēng-an ê iok siúⁿ-sù i; ¹³beh choè i kap i ê hō·-è éng-oán choè chè-si ê chit ê iok, in-ūi i ūi-tiòh i ê Siōng-tè ū tò·khī ê sim, koh ūi-tiòh Í-sek-liát lāng siòk-choē. ¹⁴Hit ê siū-thâi ê Í-sek-liát lāng, chiū-sī kap Bí-tiân ê hū-jîn-lāng saⁿ-kap siū chhák-sí-ê, miâ-kiò Sim-lī, sī Sat-lō· ê kiáⁿ, sī Se-biān chi-phài-tiong chit-chók ê siú-léng. ¹⁵Hit ê siū chhák-sí Bí-tiân ê hū-jîn-lāng miâ-kiò Ko-su-pí, sī So·jīⁿ ê cha-bó·-kiáⁿ; chit ê So·jīⁿ sī Bí-tiân ê peh-siⁿ chit-chók ê thâu-lāng.

¹⁶Iâ-hô-hoa hoan-hù Mô-se kóng, ¹⁷Lí tiòh khún-pek Bí-tiân lāng, koh phah in; ¹⁸in-ūi in ēng khúi-khiat ê kè-bô· khún-pek lín, tī Pí-jīⁿ ê sū, kap in ê chí-bē, Bí-tiân siú-léng ê cha-bó·-kiáⁿ, Ko-su-pí ê sū, ēng khúi-khiat ê kè-bô· ín-iú lín; chit ê Ko-su-pí, tng un-ék liū-hēng ê jlt, in-ūi Pí-jīⁿ ê sū í-keng siū chhák-sí.

26 Un-ék liáu-āu, Iâ-hô-hoa hoan-hù Mô-se kap chè-si A-lûn ê kiáⁿ Í-lī-a-sat kóng, ²Lín tiòh chiong Í-sek-liát choân-hoē ê cheng-lāng, chiàu in ê chong-chók, kìⁿ-nā Í-sek-liát tiong, tui jī-cháp hē í-chiūⁿ, oē chhut-khì kau-chiàn ê, tiòh sng in ê chóng-giáh. ³Mô-se kap chè-si Í-lī-a-sat, tī Mô-ap ê pīⁿ-iūⁿ, Iok-tàn hô-piⁿ, Iâ-lī-ko saⁿ-túi ê só·-chāi, tui in kóng, ⁴Tui jī-cháp hē í-chiūⁿ sng-i, chiàu Iâ-hô-hoa hoan-hù Mô-se í-kíp chhut Ai-kíp toē ê Í-sek-liát lāng.

⁵Í-sek-liát ê toā-kiáⁿ sī Liū-piān; Liū-piān

chiah ê kiáⁿ; siòk Hap-lók ê, ū Hap-lók chók; siòk Hoat-lō· ê, ū Hoat-lō· chók; ⁶siòk Hi-su-lûn ê, ū Hi-su-lûn chók; siòk Ka-bí ê, ū Ka-bí chók. ⁷Chiah-ê chiū-sī Liū-piān ê ták-chók; kī-tiong siū-sng-ê, kiōng sì-bān saⁿ-chheng chhit-pah saⁿ-cháp miâ. ⁸Hoat-lō· ê kiáⁿ sī Í-lī-ap; ⁹Í-lī-ap chiah ê kiáⁿ sī Nî-bó·-lī, Tāi-tan, A-pí-lân; chit ê Tāi-tan, A-pí-lân, chiū-sī tui hoē-tiong siū-keng-ê; Khó-láh ê tóng kong-kek Iâ-hô-hoa ê sí, in iā kap in kong-kek Mô-se A-lûn. ¹⁰Hit-sī toē khui-chhùi thun in, kap Khó-láh; in hit-tóng lóng sí; iā ū hé sio-sí nng-pah gō·cháp lāng, ēng in choè kām-kài. ¹¹Chóng-sī Khó-láh chiah ê kiáⁿ bô sí.

¹²Se-biān chiah ê kiáⁿ chiàu ke-chók; siòk Nî-bó·-lī ê, ū Nî-bó·-lī chók; ¹³siòk Ngá-bín ê, ū Ngá-bín chók; siòk Ngá-kun ê, ū Ngá-kun chók; siòk Siā-láh ê, ū Siā-láh chók; siòk Sò-lô ê, ū Sò-lô chók. ¹⁴Chiah-ê sī Se-biān ê ták-chók, kiōng nng-bān nng-chheng nng-pah miâ.

¹⁵Ka-tek chiah ê kiáⁿ, chiàu ke-chók; siòk Sé-hun ê, ū Sé-hun chók; siòk Hap-ki ê, ū Hap-ki chók; siòk Su-nî ê, ū Su-nî chók; ¹⁶siòk A-su-nî ê, ū A-su-nî chók; siòk Í-lī ê, ū Í-lī chók; ¹⁷siòk A-lút ê, ū A-lút chók; siòk A-liát-lī ê, ū A-liát-lī chók. ¹⁸Chiah-ê sī Ka-tek kiáⁿ-sun ê ták-chók; in só· kè-sng ê, kiōng sì-bān lián gō·pah miâ.

¹⁹Iū-tāi ê kiáⁿ, Jíⁿ kap Gô-lâm; chit ê Jíⁿ kap Gô-lâm sí tī Ka-lâm toē. Iū-tāi kī-ū chiah ê kiáⁿ, chiàu in ê ke-chók; siòk Sī-láh ê, ū Sī-láh chók; siòk Hoat-lék-su ê, ū Hoat-lék-su chók; siòk Siā-láh ê, ū Siā-láh chók. ²¹Hoat-lék-su ê kiáⁿ; siòk Hi-su-lûn ê, ū Hi-su-lûn chók; siòk Hap-bó·-lék ê, ū Hap-bó·-lék chók.

²²Chiah-ê sī Iū-tāi ê ták-chók; in kè-sng ê, kiōng chhit-bān lāk-chheng gō·pah miâ.

²³Í-sat-ka ê kiáⁿ-sun, chiàu in ê chong-chòk; siók Tô-láh ê, ũ Tô-láh chòk; siók Phó·-oá ê, ũ Phó·-oá chòk; ²⁴siók Ngá-sút ê, ũ Ngá-sút chòk; siók Sin-lún ê, ũ Sin-lún chòk. ²⁵Chiah-ê sī Í-sat-ka ê ták-chòk; in kè-sng ê, kiōng lāk-bān sì-chheng saⁿ-pah miâ.

²⁶Se-pò·-lún ê kiáⁿ-sun, chiàu in ê chong-chòk; siók Se-liát ê, ũ Se-liát chòk; siók Í-lún ê, ũ Í-lún chòk; siók Ngá-lī ê, ũ Ngá-lī chòk. ²⁷Chiah-ê sī Se-pò·-lún ê ták-chòk; in kè-sng ê, kiōng lāk-bān liân gō·-pah miâ.

²⁸Iok-sek ê kiáⁿ-sun, chiàu in ê chong-chòk, ũ Má-ná-se, Í-hoat-liân. ²⁹Má-ná-se ê kiáⁿ-sun; siók Má-kiat, ũ Má-kiat chòk; Má-kiat siⁿ Ki-liát; siók Ki-liát ê, ũ Ki-liát chòk. ³⁰Chiah-ê sī Ki-liát ê kiáⁿ-sun; siók I-í-siā ê, ũ I-í-siā chòk; siók Hi-lék ê, ũ Hi-lék chòk; ³¹siók A-su-liát ê, ũ A-su-liát chòk; siók Sī-kiàm ê, ũ Sī-kiàm chòk; ³²siók Sī-bí-tāi ê, ũ Sī-bí-tāi chòk; siók Hi-hut ê, ũ Hi-hut chòk; ³³Hi-hut ê kiáⁿ Se-lô-hui-hap bô kiáⁿ, chí· ũ cha-bó·-kiáⁿ; Se-lô-hui-hap cha-bó·-kiáⁿ ê miâ, chiū-sī Má-láh, Ná-a, Hat-láh, Bít-ka, Tek-sat. ³⁴chiah-ê sī Má-ná-se ê ták-chòk; in kè-sng-ê, kiōng gō·-bān nng-chheng chhit-pah miâ.

³⁵Chiah-ê sī Í-hoat-liân ê kiáⁿ-sun, chiàu in ê chong-chòk; siók Su-thê-láh ê, ũ Su-thê-láh chòk, siók Pí-kiat ê, ũ Pí-kiat chòk; siók Tha-hán ê, ũ Tha-hán chòk. ³⁶Chiah-ê sī Su-thê-láh ê kiáⁿ-sun; siók Í-lân ê, ũ Í-lân chòk. ³⁷Chiah-ê sī Í-hoat-liân kiáⁿ-sun ê ták-chòk; in kè-sng ê kiōng saⁿ-bān nng-chheng gō·-pah miâ. Chiàu in ê chong-chòk, chiah-ê sī Iok-sek ê kiáⁿ-sun.

³⁸Piān-ngá-bín ê kiáⁿ-sun, chiàu in chong-chòk; siók Pí-láh ê, ũ Pí-láh chòk; siók A-sít-piát ê, ũ A-sít-piát chòk; siók A-hi-lân ê,

ũ A-hi-lân chòk; ³⁹siók Su-hoán ê, ũ Su-hoán chòk; siók Hō·-hoán ê, ũ Hō·-hoán chòk. ⁴⁰Pí-láh ê kiáⁿ-sun, sī A-lék, Nái-bān; siók A-lék ê, ũ A-lék chòk; siók Nái-bān ê, ũ Nái-bān chòk. ⁴¹Chiàu in ê chong-chòk, chiah-ê sī Piān-ngá-bín ê kiáⁿ-sun; in kè-sng-ê, kiōng sì-bān gō·-chheng lāk-pah miâ.

⁴²Chiah-ê sī Tàn ê kiáⁿ-sun, chiàu in ê chong-chòk; siók Su-hâm ê, ũ Su-hâm chòk. Chiàu in ê chong-chòk, chiah-ê sī Tàn ê ták-chòk. ⁴³In kè-sng-ê, Su-hâm só· ũ ê ták-chòk, kiōng ũ lāk-bān sì-chheng sì-pah miâ.

⁴⁴A-siat ê kiáⁿ-sun, chiàu in ê chong-chòk; siók Im-ná ê, ũ Im-ná chòk; siók Ēk-si-úi ê, ũ Ēk-si-úi chòk; siók Pí-lī-a ê, ũ Pí-lī-a chòk. ⁴⁵Pí-lī-a ê kiáⁿ-sun, siók Hi-piat ê, ũ Hi-piat chòk; siók Má-kiat ê, ũ Má-kiat chòk. ⁴⁶A-siat ê cha-bó·-kiáⁿ miâ kiò Se-láh. ⁴⁷Chiah-ê sī A-siat kiáⁿ-sun ê ták-chòk; in kè-sng ê, kiōng gō·-bān saⁿ-chheng sì-pah miâ.

⁴⁸Ná-hut-tha-lī ê kiáⁿ-sun, chiàu in ê chong-chòk; siók Ngá-siat ê, ũ Ngá-siat chòk; siók Ko·-nī ê, ũ Ko·-nī chòk; ⁴⁹siók Iā-sek ê, ũ Iā-sek chòk; siók Sī-léng ê, ũ Sī-léng chòk. ⁵⁰Chiàu in ê chong-chòk, chiah-ê sī Ná-hut-tha-lī ê ták-chòk; in kè-sng-ê, kiōng sì-bān gō·-chheng sì-pah miâ.

⁵¹Chiah-ê lóng sī Í-sek-liát kiáⁿ-sun, in kè-sng-ê, kiōng ũ lāk-cháp-bān liân chit-chheng chhit-pah saⁿ-cháp miâ.

⁵²Iā-hô-hoa hoan-hù Mô·-se kóng, ⁵³Hit ê toē tiòh pun hō· chiah ê lāng choē sán-giáp, chiàu in ê miâ-giáh. ⁵⁴Lāng choē-ê, tiòh pun hō· in khah-choē giáp, lāng chió-ê, tiòh pun hō· in khah-chió; tiòh chiàu i kè-sng ê lāng-giáh, ēng giáp pun hō· ták-lāng. ⁵⁵Chóng-sī hit ê toē tiòh liam-khau lāi pun i, ták-lāng chiàu i chók-chong chiah ê chi-phài ê miâ, lāi

sêng-chiap chiah ê giáp. ⁵⁶Tiòh chiàu só· liam ê khau, khoàⁿ lêng-giáh choē, lêng-giáh chió, ēng sán-giáp pun hō· in.

⁵⁷Chiah-ê chiū-sī Lī-bī lêng, chiàu in ê chong-chók kè-sng-ê; siók Kek-sūn ê, ū Kek-sūn chók; siók Ko-hat ê, ū Ko-hat chók; siók Bí-láh-lī ê, ū Bí-láh-lī chók. ⁵⁸Chiah-ê sī Lī-bī ê ták-chók; ū Líp-nī chók, Hi-pek-lūn chók, Má-lī chók, Bó·-sī chók, Khó-láh chók. Ko-hat siⁿ Àm-lân. ⁵⁹Àm-lân ê bó· miá-kiò Iok-kī-piát, sī Lī-bī ê cha-bó·-kiáⁿ; i ê lâu-bú tī Ai-kíp tui Lī-bī siⁿ ê; i tui Àm-lân siⁿ A-lūn, Mô·-se, kap in ê toā-chí Bí-lī-àm. ⁶⁰Tui A-lūn siⁿ Ná-tap, A-pí-hō·, Í-lī-a-sat, Í-tha-má. ⁶¹Ná-tap A-pí-hō· tī Iâ-hô-hoa ê bīn-chêng hiàn pát-hō hé ê sī, chiū sí. ⁶²In tiòng-kan chít-géh-jit í-goā, kè-sng ê ta-po·-teng, kiōng nng-bān saⁿ-chheng; in-ūi in tī Í-sek-liát lêng tiòng bô sng chāi-lāi, in-ūi tī Í-sek-liát lêng tiòng bô ēng sán-giáp hō· in.

⁶³Chiah-ê chiū-sī hō· Mô·-se kap chè-si Í-lī-a-sat só· sng-kè ê; in tī Mô·-ap pīⁿ-iūⁿ, kap Iâ-lī-ko saⁿ-tùi ê Iok-tàn hô-piⁿ, tiám-sng Í-sek-liát lêng. ⁶⁴Chêng Mô·-se kap chè-si A-lūn tī Se-nái ê không-iá sng Í-sek-liát lêng, hit-sī só· sng-ê, taⁿ bô chít-ê tī-teh. ⁶⁵In-ūi Iâ-hô-hoa lūn-kàu in bat kóng, In tek-khak tiòh sí tī không-iá; só·-í tū Iâ-hu-nī ê kiáⁿ Ka-lèk, kap Lūn ê kiáⁿ Iok-su-a í-goā, hiah ê lêng bô lâu chít-lêng tī-teh.

27 Siók Iok-sek ê kiáⁿ Má-ná-se ê chók, ū Má-ná-se ê goān-sun, Má-kiat ê cheng-sun, Ki-liát ê sun, Hi-hut ê kiáⁿ, Se-lô-hui-hap ê cha-bó·-kiáⁿ, miá-kiò Má-láh, Ná-a, Hat-láh, Bí-ka, Tek-sat; ²in chìn-chêng lái, khiā tī hoē-bō· mng-kháu, tī Mô·-se kap chè-si A-lūn, Í-lī-a-sat, í-kíp chêng siú·leng, kap hoē-chiòng ê bīn-chêng, kóng, ³Goán lâu-pē sí tī

không-iá, i m̄-sī tī Khó-láh ê tóng-lāi, tâng-tóng chū-chíp kong-kek Iâ-hô-hoa; sī tī ka-kī ê choē-tiòng sí; i iā bô kiáⁿ. ⁴Siáⁿ-sū in-ūi goán lâu-pē bô kiáⁿ, chiū chiong i ê miá tui i ê chók-tiòng tū-khì ah? Chhiáⁿ tī goán lâu-pē ê hiaⁿ-tī tiòng pun giáp hō· goán. ⁵Mô·-se chiū chiong in ê àn-kiáⁿ pài-liát tī Iâ-hô-hoa ê bīn-chêng. ⁶Iâ-hô-hoa hoan-hù Mô·-se kóng, Se-lô-hui-hap ê cha-bó·-kiáⁿ só·-kóng-ê ū chêng-lí; lí tek-khak tiòh tī in lâu-pē ê hiaⁿ-tī tiòng, pun toē hō· in choē-giáp, tiòh chiong in lâu-pē ê sán-giáp kui hō· in. ⁸Lí iā tiòh hoan-hù Í-sek-liát lêng kóng, Lêng nā sí bô kiáⁿ, chiū tiòh chiong i ê sán-giáp kui hō· i ê cha-bó·-kiáⁿ. ⁹I nā bô cha-bó·-kiáⁿ, chiū tiòh chiong i ê giáp hō· i ê hiaⁿ-tī. ¹⁰I nā bô hiaⁿ-tī, chiū tiòh chiong i ê giáp hō· i ê lâu-pē ê hiaⁿ-tī. ¹¹I ê lâu-pē nā bô hiaⁿ-tī, chiū tiòh chiong i ê giáp hō· i ê chók-tiòng chì-chhin ê, i chiū tit-tiòh choē-giáp; che beh choē Í-sek-liát lêng toàn tiáⁿ-tiòh ê lē; sī chiàu Iâ-hô-hoa só· hoan-hù Mô·-se ê.

¹²Iâ-hô-hoa tui Mô·-se kóng, Lí chiūⁿ chit ê A-pa-lim ê soaⁿ, khoàⁿ Goá siúⁿ-sù Í-sek-liát lêng ê toē. ¹³Khoàⁿ liáu-āu lí iā beh tò-chó; chhin-chhiūⁿ lí ê hiaⁿ A-lūn tò--khì chít-iūⁿ. ¹⁴In-ūi lín tī Sīm ê không-iá, tng hoē-chiòng kè-kàu ê sī, ūi-poē Goá ê oē, bô tī chhèng-chhut chúi ê só·-chāi, hoē-chiòng ê bīn-chêng, chun Goá choē-seng. (Chit ê chúi chiū-sī tī Sīm ê không-iá, Ka-te-su ê Bí-lī-pa ê chúi.) ¹⁵Mô·-se tui Iâ-hô-hoa kóng, Siúⁿ-sù oáh-miā hō· kìⁿ-nā ū jiók-thé--ê ê Siōng-tè Iâ-hô-hoa ah, ¹⁶goān Lí siat-líp chít-lêng lái tī-lí hoē-chiòng, ¹⁷thang tī in ê bīn-chêng chhut-khì, iā tī in ê bīn-chêng jíp-lái, thang chhoā in chhut-khì, iā chhoā in jíp-lái, bián-tit Iâ-hô-hoa ê hoē-chiòng chhin-chhiūⁿ bô bók-chiá

ê iûⁿ-kûn chít-poaⁿ. ¹⁸Iâ-hô-hoa tùi Mô·se kóng, Lùn ê kiáⁿ Iok-su-a, i ê sim-lâi ũ sêng-sîn, lí chhoā i lâi, hoāⁿ-chhiú tī i ê téng-bīn; ¹⁹hō· i khiā tī chè-si Í-lī-a-sat kap choân-hoē ê bīn-chêng, ēng chít-jīm bēng-lēng i. ²⁰Koh tùi lí ê ēng-kng pun hō· i, hō· Í-sek-liát ê choân-hoē lóng thiaⁿ-thàn i. ²¹I tiòh khiā tī chè-si Í-lī-a-sat ê bīn-chêng, Í-lī-a-sat tiòh chiàu O·lēng ê phoàⁿ-toàn, tī Iâ-hô-hoa ê bīn-chêng, thoè i kiū-m̄ng; i kap Í-sek-liát choân-hoē ê chēng-lâng lóng tiòh chiàu i ê bēng-lēng lâi chhut, chiàu i ê bēng-lēng lâi jlp. ²²Mô·se chiū chiàu Iâ-hô-hoa só· bēng-lēng i-ê lâi kiāⁿ; i chhoā Iok-su-a lâi, hō· i khiā tī chè-si Í-lī-a-sat kap choân-hoē ê bīn-chêng, ²³hoāⁿ-chhiú tī i ê téng-bīn, ēng bēng-lēng kau-thok i; sī chiàu Iâ-hô-hoa thok Mô·se só· kóng ê oē.

28 Iâ-hô-hoa hoan-hù Mô·se kóng, Lí tiòh bēng-lēng Í-sek-liát lâng kóng, Goá ê lé-mih, chiū-sī hiàn-hō· Goá choè phang-phang chiaⁿ ê hé-chè ê chiaⁿ-mih, lín tiòh chiàu jlt-kí kín-sīm hiàn hō· Goá. ³Koh tiòh kā in kóng, Lín tiòh hiàn hō· Iâ-hô-hoa ê hé-chè, chiū-sī bô hâ-chhū bē-moá-nī ê iûⁿ-káng-á, ták-jlt n̄ng-chiaⁿ, choè kú-t̄ng hiàn ê sio-chè. ⁴Chá-khí-sī tiòh hiàn iûⁿ-á chít-chiaⁿ, hông-hun ê sī tiòh hiàn iûⁿ-á chít-chiaⁿ. ⁵Koh tiòh hiàn iù-mī-hún i-hoat cháp-hūn-chít, kap tiau-hô khoeh-hó ê iū chít-him sì-hūn-chít choè sò·chè. ⁶Che sī tī Se-nái soaⁿ só· tiāⁿ-tiòh choè siông-siông hiàn ê sio-chè, chiū-sī hiàn hō· Iâ-hô-hoa choè phang-phang ê hé-chè. ⁷Ūi-tiòh chí chít chiaⁿ iûⁿ-á, tiòh soà hiàn koàn-tiān ê chiú, chít-him sì-hūn ê chít-hūn; tī sêng-só· tiong, lí tiòh chiong kâu ê chiú hiàn hō· Iâ-hô-hoa choè koàn-tiān. ⁸Ê-hng sī, tiòh hiàn tē-jī chiaⁿ iûⁿ-á, chhin-chhiūⁿ chá-khí-sī ê sò·chè, iā chhin-chhiūⁿ i ê koàn-tiān, hiàn i hō·

Iâ-hô-hoa choè phang-phang ê hé-chè.

⁹Koh tī an-hioh-jlt tiòh hiàn n̄ng-chiaⁿ bô hâ-chhū bē-moá-nī ê iûⁿ-káng-á, iā ēng tiau-hô iū ê iù-mī-hún i-hoat cháp-hūn ê n̄ng-hūn, choè sò·chè, kap i ê koàn-tiān. ¹⁰Che sī ták ê an-hioh-jlt ê sio-chè, hit ê siông-siông hiàn ê sio-chè, kap i ê koàn-tiān í-goā.

¹¹Ták-gêh ê chhoe-it, lín tiòh hiàn sio-chè hō· Iâ-hô-hoa, chiū-sī gū-káng-á n̄ng-chiaⁿ, mī-iûⁿ-káng chít-chiaⁿ, bô hâ-chhū bē-moá-nī ê iûⁿ-káng-á chhit-chiaⁿ. ¹²Ūi ták chiaⁿ gū-káng-á, tiòh ēng tiau-hô iū ê iù-mī-hún i-hoat cháp-hūn ê saⁿ-hūn, choè sò·chè; ūi hit chiaⁿ iûⁿ-káng, iā tiòh ēng tiau-hô iū ê iù-mī-hún i-hoat cháp-hūn ê n̄ng-hūn, choè sò·chè. ¹³Ūi-tiòh ták chiaⁿ iûⁿ-á tiòh ēng tiau-hô iū ê iù-mī-hún cháp-hūn ê chít-hūn, choè sò·chè, kap phang-phang ê sio-chè; sī hiàn hō· Iâ-hô-hoa ê hé-chè. ¹⁴I ê koàn-tiān tiòh ēng chiú, ūi-tiòh chít chiaⁿ gū-káng-á ēng poàⁿ-him, ūi-tiòh chít chiaⁿ iûⁿ-káng ēng chít-him ê saⁿ-hūn-chít, ūi-tiòh chít chiaⁿ iûⁿ-á chiū ēng chít-him ê sì-hūn-chít; che sī ták-gêh ê sio-chè, chít-nī ê tiong-kan, ták-gêh tiòh án-ni. ¹⁵Koh tiòh ēng chít chiaⁿ soaⁿ-iûⁿ-káng choè siók-choē-chè, hiàn hō· Iâ-hô-hoa; tiòh tī siông-siông hiàn ê sio-chè, kap i ê koàn-tiān, í-goā lâi hiàn i.

¹⁶Chiaⁿ-gêh cháp-si jlt sī Iâ-hô-hoa ê poaⁿ-kè-choeh. ¹⁷Chít-gêh cháp-gō· jlt sī choeh-iân; tiòh chiaⁿ bô-kàⁿ-piáⁿ chhit-jlt kú. ¹⁸Tī i ê thâu-chít jlt tiòh ũ sêng-hoē, lóng m̄-thang choè lô-tōng ê kang. ¹⁹Lí tiòh hiàn hé-chè choè sio-chè hō· Iâ-hô-hoa, chiū-sī gū-káng-á n̄ng-chiaⁿ, mī-iûⁿ-káng chít-chiaⁿ, bē-moá-nī ê iûⁿ-káng-á chhit-chiaⁿ; lín lóng tiòh ēng bô hâ-chhū ê. ²⁰In ê sò·chè, ēng tiau-hô iū ê iù-mī-hún, ūi-tiòh chít chiaⁿ gū-kang hiàn

cháp-hūn-saⁿ, ūi-tiòh chít chiaⁿ iūⁿ-káng hiàn
cháp-hūn-nng. ²¹Ūi-tiòh hí chhit chiaⁿ iūⁿ-
á, ták chiaⁿ tiòh hiàn chap-hūn-chít. ²²Koh
hiàn chít chiaⁿ soaⁿ-iūⁿ-káng choè siók-choē-
chè, kā lín siók-choē. ²³Lín hiàn chiaⁿ-ê, tiòh
tī chá-khí-sī ê sio-chè, chiū-sī siông-siông hiàn
ê sio-chè í-goā. ²⁴Liân-liân chhit-jít kú, ták-
jít chiàu chít ê lē, ēng phang-phang ê hé-chè
ê chiáh-mih, hiàn hō· Iâ-hô-hoa; tiòh tī siông-
siông hiàn ê sio-chè, kap i ê koàn-tiān, í-goā
lâi hiàn. ²⁵Tē-chhit jít lín tiòh ū sèng-hoē,
lóng m̄-thang choè sím-mih lô-tōng ê kang.

²⁶Chhit ê chhit jít choeh, khí-thâu-sék ê
thó·sán, lín hiàn sin ê sò·-chè hō· Iâ-hô-hoa
ê jít, tiòh ū sèng-hoē, lóng m̄-thang choè lô-
tōng ê kang. ²⁷Lín tiòh hiàn phang-phang ê
sio-chè hō· Iâ-hô-hoa, chiū-sī gū-káng-á nng-
chiaⁿ, mī-iūⁿ-káng-á chít-chiaⁿ, bē-moá-nī ê
iūⁿ-káng-á chhit-chiaⁿ. ²⁸In ê sò·-chè, ēng
tiau-hô iū ê iū-mī-hún, ūi-tiòh chít chiaⁿ gū-
káng hiàn chap-hūn-saⁿ, ūi-tiòh chít chiaⁿ
iūⁿ-káng hiàn chap-hūn-nng. ²⁹Ūi-tiòh hí
chhit chiaⁿ iūⁿ-á, ták-chiaⁿ tiòh hiàn chap-
hūn-chít. ³⁰Koh hiàn chít chiaⁿ soaⁿ-iūⁿ-
káng, kā lín siók-choē. ³¹Lín tiòh hiàn chiaⁿ-
ê, kap i ê koàn-tiān, tī siông-siông hiàn ê sio-
chè kap i ê sò·-chè í-goā, lín lóng tiòh ēng bô
hâ-chhū-ê.

29 Chhit-gêh chhoe-it lín tiòh ū sèng-hoē,
lóng m̄-thang choè lô-tōng ê kang; che sī lín
pūn sàu-kak ê jít. ²Lín tiòh hiàn phang-
phang ê sio-chè hō· Iâ-hô-hoa, chiū-sī gū-
káng-á chít-chiaⁿ, mī-iūⁿ-káng chít-chiaⁿ bē-
moá-nī ê iūⁿ-káng-á chhit-chiaⁿ, lóng tiòh
bô hâ-chhū-ê. ³In ê sò·-chè, ēng tiau-hô
iū ê iū-mī-hún, ūi-tiòh chít chiaⁿ gū-káng
hiàn i-hoat chap-hūn-saⁿ, ūi-tiòh chít-chiaⁿ
iūⁿ-káng hiàn chap-hūn-nng. ⁴Ūi-tiòh chhit

chiaⁿ iūⁿ-á, ták-chiaⁿ tiòh hiàn chap-hūn-
chít. ⁵Koh hiàn chít chiaⁿ soaⁿ-iūⁿ-káng choè
siók-choē-chè, kā lín siók-choē. ⁶Chiaⁿ-ê sī
tá-kêh chhoe-it ê sio-chè, kap i ê sò·-chè, í-
kíp siông-siông hiàn ê sio-chè, kap in ê sò·-
chè, í-kíp i ê koàn-tiān, kok chiàu i ê lē í-goā,
lóng choè phang-phang ê hé-chè hiàn hō· Iâ-
hô-hoa.

⁷Chhit-gêh chhoe-chap jít, lín tiòh ū sèng-
hoē, tiòh khek-khó· ka-kī ê sim, lóng m̄-thang
choè-kang. ⁸Lín tiòh hiàn phang-phang ê
sio-chè hō· Iâ-hô-hoa, chiū-sī gū-káng-á chít-
chiaⁿ, mī-iūⁿ-káng chít-chiaⁿ, bē-moá-nī ê
iūⁿ-káng-á chhit-chiaⁿ, lóng tiòh bô hâ-chhū-
ê. ⁹In ê sò·-chè, ēng tiau-hô iū ê iū-mī-hún,
ūi-tiòh chít chiaⁿ gū-káng hiàn chap-hūn-
saⁿ, ūi-tiòh chít chiaⁿ iūⁿ-káng hiàn chap-
hūn-nng; ¹⁰ūi-tiòh hí chhit-chiaⁿ iūⁿ-á, ták-
chiaⁿ tiòh hiàn chap-hūn-chít. ¹¹Koh hiàn
chít chiaⁿ soaⁿ-iūⁿ-káng choè siók-choē-chè;
che sī tī siók-choē-chè, kap siông-siông hiàn ê
sio-chè, kap in ê sò·-chè, í-kíp in ê koàn-tiān
í-goā.

¹²Chhit-gêh chap-gō· jít, lín tiòh ū sèng-
hoē, lóng m̄-thang choè lô-tōng ê kang;
tiòh chhit-jít kú siú-choeh hók-sāi Iâ-hô-hoa.
¹³Lín tiòh hiàn sio-chè choè phang-phang
ê hé-chè hō· Iâ-hô-hoa, chiū-sī soè-chiaⁿ ê
gū-káng-á chap-saⁿ chiaⁿ, mī-iūⁿ-káng nng-
chiaⁿ, bē-moá-nī ê iūⁿ-á chap-sī chiaⁿ, lóng
tiòh bô hâ-chhū-ê. ¹⁴In ê sò·-chè ēng tiau-
hô iū ê iū-mī-hún, ūi-tiòh chí chap-saⁿ chiaⁿ
gū-káng, ták chiaⁿ gū-káng hiàn chap-hūn-
saⁿ, ūi-tiòh nng chiaⁿ mī-iūⁿ-káng, ták chiaⁿ
mī-iūⁿ-káng hiàn chap-hūn-nng, ¹⁵ūi-tiòh hí
chap-sī chiaⁿ iūⁿ-á, ták chiaⁿ iūⁿ-á hiàn chap-
hūn-chít. ¹⁶Iâ hiàn chít chiaⁿ soaⁿ-iūⁿ-káng
choè siók-choē-chè; che sī tī siông-siông hiàn

ê sio-chè, kap i ê sò·chè, kap i ê koàn-tiān í-goā.

¹⁷Tē-jī jīt tióh hiàn soè-chiah gū-káng-á cháp-jī chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng tióh bô hā-chhū-ê; ¹⁸iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ¹⁹iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

²⁰Tē-saⁿ jīt tióh hiàn gū-káng-á cháp-it-chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng tióh bô hā-chhū-ê; ²¹iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ²²iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

²³Tē-sì jīt tióh hiàn gū-káng-á cháp-chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng tióh bô hā-chhū-ê; ²⁴iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ²⁵iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

²⁶Tē-gō· jīt tióh hiàn gū-káng-á káu-chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng tióh bô hā-chhū-ê; ²⁷iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ²⁸iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

²⁹Tē-lák jīt tióh hiàn gū-káng-á poeh-chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng tióh bô hā-chhū-ê; ³⁰iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ³¹iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

³²Tē-chhit jīt tióh hiàn gū-káng-á chhit-chiah, mī-iūⁿ-káng nng-chiah, bē-moá-nī ê iūⁿ-á cháp-sì-chiah, lóng bô hā-chhū-ê; ³³iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ³⁴iā hiàn chít chiah soaⁿ-iūⁿ-káng choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

³⁵Tē-poeh jīt lín tióh ū giām-siok-hoē, lóng m̄-thang choè lô-tōng ê kang. ³⁶Lín tióh hiàn sio-chè choè phang-phang ê hé-chè hō· Iâ-hô-hoa, chiū-sī gū-káng chít-chiah, mī-iūⁿ-káng chít-chiah, bē-moá-nī ê iūⁿ-á chhit-chiah, bô hā-chhū-ê; ³⁷iā ūi-tióh gū-káng, iūⁿ-káng, kap iūⁿ-á, soà hiàn i ê sò·chè, i ê koàn-tiān, lóng chiàu in ê siàu-giáh, chiàu hit ê lē; ³⁸iā hiàn chít chiah kang ê soaⁿ-iūⁿ choè siók-choē-chè; che sī tī siông-siông hiàn ê sio-chè, kap i ê sò·chè, kap i ê koàn-tiān í-goā.

³⁹Tī lín chiah ê choeh-kī, tióh ēng chiah-ê hiàn hō· Iâ-hô-hoa, lóng tī só· hē ê goān, kap kam-sim só· hiàn-ê í-goā, choè lín ê sio-chè, sò·chè, koàn-tiān, kap pêng-an-chè. ⁴⁰Iâ-hô-hoa só· bēng-lēng Mô·se ê, Mô·se chiū chiàu án-ni lóng kā Í-sek-liát lāng kóng.

30 Mô·se hoan-hù Í-sek-liát ták chi-phài ê thâu-lāng, kā in kóng, Iâ-hô-hoa só· bēng-lēng-ê sī án-ni. ²Lāng nā tùi Iâ-hô-hoa hē

goãn, á-sī chiù-choā, ēng chit ê iok ka-kī iok-sok, chiū m̄-thang thun-chiáh i ê oē, tiòh chiàu i ê chhùi só· kóng-chhut-ê, it-chīn kiāⁿ i. ³Cha-bó·-gín-á siàu-liân iáu tī lâu-pē ê ke ê sī, nā tùi Iâ-hô-hoa hē-goãn, ēng iok lâi ka-kī iok-sok, ⁴i ê lâu-pē thiaⁿ-kìⁿ i só· hē ê goãn, kap iok-sok ka-kī ê iok, i ê lâu-pē nā chēng-chēng bô chhap i, i só· hē chiaⁿ ê goãn tek-khak sēng-líp, i só· ka-kī iok-sok ê iok, iā tek-khak sēng-líp. ⁵Chóng-sī lâu-pē thiaⁿ-kìⁿ ê jít, bô ún-chún i, i só· hē chiaⁿ ê goãn kap ka-kī iok-sok hiah ê iok, lóng bô sēng-líp; Iâ-hô-hoa iā beh sià-bián i, in-ūi i ê lâu-pē bô ún-chún. ⁶I chhut-kè ê sī, nā í-keng ū hē-goãn, á-sī i ê chhùi sùi-piān kóng-chhut iok-sok ka-kī ê oē tī i ê sin-chiūⁿ; ⁷i ê tiōng-hu nā thiaⁿ-kìⁿ, iā tī thiaⁿ-kìⁿ ê jít chēng-chēng bô chhap i, chiū i só· hē chiaⁿ ê goãn, tek-khak sēng-líp; i ka-kī iok-sok ê iok, iā tek-khak sēng-líp. ⁸Chóng-sī i ê tiōng-hu thiaⁿ-kìⁿ ê jít, bô ún-chún i, chiū hoè-bô i só· hē ê goãn, kap i ê chhùi sùi-piān kóng-chhut iok-sok ka-kī ê oē, Iâ-hô-hoa iā beh sià-bián i. ⁹Chiú-koáⁿ hū-jîn-lâng, á-sī siū lī-chhut ê hū-jîn-lâng, só· hē ê goãn, kap i ka-kī iok-sok ê oē, lóng beh sēng-líp tī i ê sin-chiūⁿ. ¹⁰Hū-jîn-lâng nā tī tiōng-hu ê chhù hē-goãn, á-sī chiù-choā, ēng iok lâi iok-sok ka-kī, ¹¹tiōng-hu thiaⁿ-kìⁿ, chēng-chēng bô chhap i, iā bô m̄ ún-chún, i só· hē chiaⁿ ê goãn lóng beh sēng-líp, iā i iok-sok ka-kī ê iok iā beh sēng-líp. ¹²Chóng-sī tiōng-hu thiaⁿ-kìⁿ ê jít, nā ká i hoè-bô, kìⁿ-nā i ê chhùi só· chhut ê, hék-sī só· hē ê goãn, á-sī ka-kī iok-ê, chiū lóng boē sēng-líp; in-ūi i ê tiōng-hu í-keng hoè-bô i; Iâ-hô-hoa iā beh sià-bián i. ¹³Kìⁿ-nā só· hē ê goãn, kap iok-sok ê chiù-choā, lâi khek-khó· ka-kī, i ê tiōng-hu thang sēng-líp i, i ê tiōng-hu iā thang hoè-bô i. ¹⁴Chóng-sī i ê tiōng-hu

jít-jít chēng-chēng bô chhap i, chiū sēng-líp i só· hē hiah ê goãn, kap iok-sok i ê oē, in-ūi i ê tiōng-hu thiaⁿ-kìⁿ ê jít chēng-chēng bô chhap i, i chiū sēng-líp i. ¹⁵Chóng-sī tiōng-hu thiaⁿ-kìⁿ liáu-āu hoè-bô i, chiū i tiòh tam-tng hū-jîn-lâng ê choē. ¹⁶Chiah-ê sī Iâ-hô-hoa só· bēng-lēng Mô·se ê, lūn-khí tiōng-hu tùi tī hū-jîn-lâng, lâu-pē tùi tī siàu-liân ê cha-bó·-kiáⁿ toà tī ke-lāi ê kui-lē.

31 Iâ-hô-hoa hoan-hù Mô·se kóng, Lí tiòh kong-kek Bí-tiân lâng, thoē Í-sek-liát lâng pò-siū; āu-lāi lí beh tò-chó·. ³Mô·se hoan-hù peh-siⁿ kóng, Tiòh tùi lín tiong-kan pī-pān lâng toà ke-si chhut-khì kong-kek Bí-tiân, thang tī Bí-tiân lâng ê sin-chiūⁿ ūi Iâ-hô-hoa pò-siū. ⁴Tiòh tùi Í-sek-liát cheng chi-phài ê tiong-kan, ták chi-phài tiòh chhe chit-chheng lâng khi kau-chiàn. ⁵Chiū tùi Í-sek-liát chiaⁿ ê chók-tiong, ták chi-phài chhut chit-chheng lâng, kiōng chit-bān nng-chheng lâng, toà ke-si pī-pān kau-chiàn. ⁶Mô·se chiū chhe múi chi-phài chit-chheng lâng khi kau-chiàn; in kap chè-si Í-lī-a-sat ê kiáⁿ Hui-nī-hap khi kau-chiàn; Hui-nī-hap chhiú thêh sēng-só· ê khí-kū, kap pūn toā-siaⁿ ê hō-thâu. ⁷In chiàu Iâ-hô-hoa só· bēng-lēng Mô·se ê, kap Bí-tiân lâng kau-chiàn; it-chīn thài-sí in ê ta-po·-teng. ⁸Tī só· thài-sí ê lâng ê tiong-kan, iā thài-sí Bí-tiân chiaⁿ ê ông, chiū-sī Í-bí, Lī-kim, So·-jím, Hō·-jím, Lī-pa, Bí-tiân gō· ê ông; koh ēng to thài-sí Pí-jím ê kiáⁿ Pa-lân. ⁹Í-sek-liát lâng liáh Bí-tiân ê hū-jîn-lâng, kap in ê gín-á, iā chiong in it-chhè ê cheng-siⁿ, it-chhè iūⁿ-kūn, kap it-chhè ê chài-bút lóng chhiúⁿ lâi, choē chhiúⁿ-mih. ¹⁰Koh ēng hé sio in só· khiā-khí ê toē, hiah ê siāⁿ, kap in só· ū ê iāⁿ-poāⁿ; ¹¹chiong it-chhè só· chhiúⁿ ê, só· liáh ê, lâng kap cheng-siⁿ, lóng toà-lâi. ¹²Chiong só·

liáh ê lāng, í-kíp só· chhiúⁿ só· thêh ê mih, lóng toà kàu Mô·ap ê pīⁿ-iūⁿ, tī Iok-tàn hô-piⁿ, kap Iâ-lī-ko saⁿ-tùi ê iāⁿ-poāⁿ, kau hō· Mô·se, kap chè-si Í-lī-a-sat, kap Í-sek-liát ê hoē-chiòng.

¹³Mô·se kap chè-si Í-lī-a-sat kap hoē-chiòng lóng-chóng ê siú-léng, chhut-khì iāⁿ-goā ngiā-chih in. ¹⁴Mô·se siū-khì hiah ê tùi kau-chiàn tò--lâi ê kun-tiúⁿ, chhian-chóng, peh-chóng. ¹⁵Mô·se tùi in kóng, Lín lâu chiah ê hū-lú iáu oáh-teh mah? ¹⁶Khoàⁿ ah, in thàn Pa-lân ê kè-bô·, hō· Í-sek-liát lāng tī Pí-jíⁿ ê sū tek-choē Iâ-hô-hoa, tì-kàu Iâ-hô-hoa ê hoē-chiòng tú-tiòh un-ék. ¹⁷Taⁿ tiòh thâi-sí soē-kiáⁿ-tiong lóng-chóng ê ta-po·-gín-á, iā thâi-sí hiah ê í-keng kap ta-po·-lāng tâng-pāng ê hū-jîn-lāng. ¹⁸Chóng-sī hiah ê bē kap ta-po·-lāng tâng-pāng ê cha-bó·-gín-á, lín thang ũi ka-kī lâu in ê oáh-miā. ¹⁹Lín tiòh chat-iāⁿ tī iāⁿ-goā chhit-jít kú; kìⁿ-nā thâi lāng ê, kìⁿ-nā bong-tiòh siū-thâi-ê, tiòh tī tē-saⁿ jít, tē-chhit jít chheng-khì ka-kī, iā tiòh chheng-khì lín só· liáh--lâi ê lāng. ²⁰Lūn-kàu só· ũ ê i-hók, á-sī phê-choē-ê, á-sī soaⁿ-iūⁿ-mūg chit-ê, á-sī chhâ-choē ê mih, lóng tiòh chheng-khì i. ²¹Chè-si Í-lī-a-sat tùi kau-chiàn tò--lâi ê kun-tūi kóng, Iâ-hô-hoa só· bēng-lēng Mô·se lút-hoat ê tiâu-lē chiū-sī án-ni; ²²chóng-sī kim, gūn, tâng, thih, siah, iân, kìⁿ-nā oē tòng-tit hé ê mih, lín tiòh hō· i keng-kè hé, chiū chiāⁿ-choē chheng-khì; chóng-sī tiòh koh ēng tú-khì ù-oē ê chúi chheng-khì i; kìⁿ-nā boē tòng-tit hé ê mih, lín tiòh hō· i keng-kè chúi. ²⁴Tē-chhit jít tiòh soé lín ê saⁿ, lín chiū chheng-khì; chiah thang jip iāⁿ.

²⁵Iâ-hô-hoa hoan-hù Mô·se kóng, ²⁶Lí kap chè-si Í-lī-a-sat, kap hoē-chiòng chiah ê chók-tiúⁿ, tiòh sng só· chhiúⁿ-liáh-ê, bô-lūn lāng

kap cheng-siⁿ ê siâu-giáh. ²⁷Só· chhiúⁿ-lâi-ê tiòh pun choē nng-hūn, chit-hūn hō· chhut-khì kau-chiàn ê cheng-peng, chit-hūn hō· choân-hoē ê cheng-lāng. ²⁸Tiòh tùi chhut-chiàn ê peng-teng thiu-mih lâi chìn-kòng Iâ-hô-hoa; kìⁿ-nā lāng, gū, lū, iūⁿ-kūn, múi gō-pah thiu chit. ²⁹Tùi in hit-poàⁿ ê tiong-kan, tiòh thiu-chhut--i lâi hō· chè-si Í-lī-a-sat, choē kú-chè hō· Iâ-hô-hoa. ³⁰Tùi Í-sek-liát lāng hí chit-poàⁿ ê tiong-kan, chiū-sī tùi lāng, gū, lū, iūⁿ-kūn, lóng-chóng ê cheng-siⁿ, múi gō·cháp thiu chit, kau-hō· kò-siú Iâ-hô-hoa hoē-bô· ê chek-sēng ê Lī-bī lāng. ³¹Mô·se chiū kap chè-si Í-lī-a-sat, chiàu Iâ-hô-hoa só· bēng-lēng Mô·se ê lâi kiāⁿ. ³²Só· chhiúⁿ ê mih, chiū-sī peng-teng só· chhiúⁿ ēng-chhun-ê, iūⁿ, lāk-cháp-chhit bān gō·chheng chiah; ³³gū, chhit-bān nng-chheng chiah; ³⁴lū, lāk-bān chit-chheng chiah; ³⁵lāng, saⁿ-bān nng-chheng, chiū-sī m̄-bat kap ta-po·-lāng tâng-pāng ê cha-bó·-gín-á. ³⁶Chhut-khì kau-chiàn ê lāng ê hūn-giáh, chiū-sī in só· tit-tiòh ê hit-poàⁿ, kiōng ũ iūⁿ, saⁿ-cháp-saⁿ bān chhit-chheng gō·pah chiah. ³⁷Tùi in tiong-kan thiu lâi chìn-kòng Iâ-hô-hoa ê iūⁿ, lāk-pah chhit-cháp-gō· chiah. ³⁸Gū, saⁿ-bān lāk-chheng chiah; tùi in tiong-kan thiu lâi chìn-kòng Iâ-hô-hoa ê, chhit-cháp-jī chiah. ³⁹Lū, saⁿ-bān liân gō·pah chiah; tùi hit tiong-kan thiu lâi chìn-kòng Iâ-hô-hoa ê, sī lāk-cháp-it chiah. ⁴⁰Lāng chit-bān lāk-chheng; tùi hit tiong-kan thiu lâi chìn-kòng Iâ-hô-hoa ê, sī saⁿ-cháp-jī ê. ⁴¹Mô·se chiong chìn-kòng ê mih, chiū-sī kui hō· Iâ-hô-hoa ê kú-chè, kau hō· chè-si Í-lī-a-sat; sī chiàu Iâ-hô-hoa só· bēng-lēng Mô·se ê.

⁴²Í-sek-liát lāng só· tit-tiòh hit-chit-poàⁿ, chiū-sī Mô·se tùi kau-chiàn ê lāng pun lâi

hō· in ê, ⁴³hoē-chiòng hit-chít-poàⁿ ū iūⁿ, saⁿ-cháp-saⁿ bân chhit-chheng gō·pah chia; ⁴⁴gū, saⁿ-bân lāk-chheng chia; ⁴⁵lū, saⁿ-bân lian gō·pah chia; ⁴⁶lāng, chit-bân lāk-chheng ê,) ⁴⁷tùi Í-sek-liát lāng ê chit-poàⁿ, bō-lūn sī lāng, sī cheng-siⁿ, Mô·se múi gō·cháp thiu chit, kau-hō· kò·siú Iâ-hô-hoa hoē-bō· ê chek-sêng ê Lī-bī lāng; sī chiàu Iâ-hô-hoa só· bēng-lēng Mô·se ê. ⁴⁸Koán-lí kun-tūi chia; ê koaⁿ, chiū-sī chhian-chóng peh-chóng, lóng lāi chiū-kūn Mô·se, ⁴⁹tùi Mô·se kóng, Lô·pók só· koán ê peng, í-keng tiám-sng chóng-giáh, goán tiong-kan bō kiám-chió chit-lāng. ⁵⁰Taⁿ goán chiong ták-lāng só· tit-tiòh ê kim-khì, liān-á, chhiú-khoan, phah ìn-á ê chhiú-chí, hī-kau, koà âm-kún ê chu-liān-á, lóng toà-lāi choè lé-mih hiàn hō· Iâ-hô-hoa, thang tī Iâ-hô-hoa ê bīn-chēng, ūi-tiòh goán pún-sin siók-choē. ⁵¹Mô·se kap chè-si Í-lī-a-sat, chiū siu in ê kim, chiū-sī ták-iūⁿ phah hó ê chhiú-sek. ⁵²Chhian-chóng peh-chóng só· hiàn-hō· Iâ-hô-hoa ê kim, kiōng ū chit-bân lāk-chheng chhit-pah gō·cháp siá-khek-lék. ⁵³In-ūi ták ê peng-teng lóng ū ūi-tiòh ka-kī chhiúⁿ chài-bút. ⁵⁴Mô·se kap chè-si Í-lī-a-sat siu chhian-chóng peh-chóng ê kim, chiū toà-jíp hoē-bō·, tī Iâ-hô-hoa ê bīn-chēng choè Í-sek-liát lāng ê kì-liām.

32 Liū-piān ê kiáⁿ-sun, kap Ka-tek ê kiáⁿ-sun, in ê cheng-siⁿ kék-kī choē; in khoàⁿ-kìⁿ Ngá-siā ê toē, kap Kì-liát ê toē, sī thang chhi cheng-siⁿ ê só·chāi. ²Ka-tek ê kiáⁿ-sun, kap Liū-piān ê kiáⁿ-sun, chiū lāi kìⁿ Mô·se, kap chè-si Í-lī-a-sat, í-klp hoē-chiòng ê siú-léng, kā in kóng, ³A-tāi-liók, Tí-pún, Ngá-siā, Lēng-lāh, Hī-sit-pún, Í-lī-a-lī, Sī-pan, Nī-pho, Pí-ún, ⁴chiū-sī Iâ-hô-hoa tī Í-sek-liát hoē-chiòng ê bīn-chēng só· kong-chhú ê toē, sī thang chhi

cheng-siⁿ ê toē, lí ê lô·pók iā ū cheng-siⁿ. ⁵Koh kóng, Goán nā tit-tiòh un-tián tī lí ê bīn-chēng, kiū lí ēng chit ê toē hō· lí ê lô·pók choē-giáp, bōh-tit chhoā goán kè Iok-tàn hô. ⁶Mô·se tùi Ka-tek ê kiáⁿ-sun kap Liū-piān ê kiáⁿ-sun kóng, Chóng bō lín ê hiaⁿ-tī khi cheng-chiàn, iā lín chē tī chia mah? ⁷Lín siáⁿ-sū hō· Í-sek-liát lāng loé-chì, bō ài kè-khì jíp Iâ-hô-hoa só· siúⁿ-sù in hit ê toē ah? ⁸Goá chēng tùi Ka-te-su Pa-nī-a chhe lín ê lāu-pē khi thau-khoàⁿ hit ê toē, in iā sī án-ni kiāⁿ. ⁹In-ūi in chiūⁿ-khi Í-sit-kok ê soaⁿ-kok, khi khoàⁿ hit ê toē ê sī, ū hō· Í-sek-liát lāng loé-chì, m̄ ài jíp Iâ-hô-hoa só· siúⁿ-sù in ê toē. ¹⁰Tng-jit Iâ-hô-hoa ê siū-khi hoat-chhut, chiū chiū-choā kóng, ¹¹Kìⁿ-nā tùi Ai-kíp chiūⁿ-lāi jī-cháp hē í-siōng ê lāng, koat-toàn boē tit-tiòh khoàⁿ-kìⁿ Goá tùi A-pek-lāh-hán, Í-sat, Ngá-kok, chiū-choā èng-ún ê toē; in-ūi in bō choan-sim kun-tè Goá. ¹²Tók-tók Kì-nī-sé chók, Iâ-hu-nī ê kiáⁿ Ka-lék, kap Lūn ê kiáⁿ Iok-su-a, thang khoàⁿ-kìⁿ, in-ūi in choan-sim tè Iâ-hô-hoa. ¹³Iâ-hô-hoa tùi Í-sek-liát lāng hoat siū-khi, hō· in tī không-iá phiau-liū sī-cháp nī, thēng-hāu hit-tāi kiāⁿ-pháiⁿ tī Iâ-hô-hoa bīn-chēng ê lāng lóng siau-biát. ¹⁴Khoàⁿ ah, lín khí-lāi soà-chiap lín ê lāu-pē, ke-thiⁿ choē-jin ê siāu-giáh, hō· Iâ-hô-hoa it-hoat siū-khi Í-sek-liát. ¹⁵Lín nā oat-tò-túg bō tè I, I beh koh pàng-sak in tī không-iá, lín chiū-sī biát-bō chia; ê chēng peh-siⁿ.

¹⁶In óa-kūn Mô·se kóng, Goán beh tī chia ūi goán ê cheng-siⁿ chhòng tiāu, ūi goán ê gín-á khí siāⁿ; ¹⁷chóng-sī goán pún-sin beh toà kun-khi, kiāⁿ tī Í-sek-liát lāng ê thau-chēng, thēng-hāu goán chhoā in kàu in ê toē-hng; tók-tók goán ê gín-ná, in-ūi chit ê toē khiā-khi ê peh-siⁿ ê ian-kò·, beh tiām tī kian-kò· ê siāⁿ-

lăi. ¹⁸Goán m̄ tò--khì goán chhù, theng-hāu Í-sek-liát lāng ták-ê tit-tiōh i ê giáp. ¹⁹Goán bô beh kap in tī Iok-tàn hô hit-pêng koh khi ê toē tit-tiōh giáp; in-tūi goán ê giáp sī chāi tī Iok-tàn hô tang--sì chit-pêng.

²⁰Mô-se tūi in kóng, Lín nā beh án-ni kiāⁿ, tī Iâ-hô-hoa ê bīn-chêng toà kun-khì chhut-khì kau-chiàn; ²¹lín só̄ ū toà kun-khì ê lāng, nā tī Iâ-hô-hoa ê bīn-chêng kè Iok-tàn hô, theng-hāu I tūi I ê bīn-chêng koáⁿ-chhut I ê tui-ték; ²²hit ê toē í-keng hō̄ Iâ-hô-hoa khah-iāⁿ, jiân-āu lín thang tò--lâi; tī Iâ-hô-hoa kap Í-sek-liát ê bīn-chêng, lín chiū bô choē, chit ê toē beh tī Iâ-hô-hoa ê bīn-chêng hō̄ lín choē-giáp. ²³Siat-sú lín bô án-ni kiāⁿ, chiū-sī tek-choē Iâ-hô-hoa, tiōh chai lín ê choē beh tui-jip lín. ²⁴Taⁿ tiōh kâ lín ê gín-ná khí siāⁿ, kâ lín ê iūⁿ-kūn chhòng tiâu, chiàu lín ê chhui só̄ kóng ê, khi kiāⁿ.

²⁵Ka-tek ê kiáⁿ-sun kap Liū-piān ê kiáⁿ-sun tui Mô-se kóng, Lí ê lô-pók beh chiàu goá ê chú só̄ hoan-hù-ê khi kiāⁿ. ²⁶Goán ê gín-á, goán ê bó̄, goán ê iūⁿ-kūn, goán ê cheng-siⁿ, lóng beh lâu tī Ki-liát chiaⁿ ê siāⁿ. ²⁷Chóng-sī lí ê lô-pók, kìⁿ-nā toà kun-khì ê, lóng beh chiàu goá ê chú só̄ kóng ê oē, tī Iâ-hô-hoa ê bīn-chêng kè-khi kau-chiàn.

²⁸Mô-se chiū ūi-tiōh in hoan-hù chē-si Í-lī-a-sat, kap Lūn ê kiáⁿ Iok-su-a, kap Í-sek-liát cheng chi-phài ê chók-tiúⁿ. ²⁹Mô-se tui in kóng, Ka-tek ê kiáⁿ-sun kap Liū-piān ê kiáⁿ-sun, nā kap lín kè Iok-tàn hô, ták-lāng kiáh ke-si tī Iâ-hô-hoa ê bīn-chêng khi kau-chiàn, hit ê toē hō̄ lín khah-iāⁿ, lín chiū tiōh ēng Ki-liát toē hō̄ in choē giáp. ³⁰Siat-sú in m̄ toà kun-khì kap lín kè-khi, in chiū tī Ka-lâm toē tui lín tiong-kan tit-tiōh giáp. ³¹Ka-tek ê kiáⁿ-sun kap Liū-piān ê kiáⁿ-sun in kóng, Iâ-

hō-hoa tui goán só̄ kóng-ê, Lí ê lô-pók chiū án-ni kiāⁿ. ³²Goán beh toà kun-khì, tī Iâ-hô-hoa ê bīn-chêng kè-khi jip Ka-lâm toē; tók-tók Iok-tàn hô-goā, goán só̄ tit-tiōh choē giáp ê toē, iū-goân kui goán. ³³Mô-se chiū ēng A-mô-lī ông Se-hông ê kok, kap Pa-san ông Gók ê kok, hit ê toē kap i keng-lāi chiaⁿ ê siāⁿ, chiū-sī sì-chiu-tūi chiaⁿ ê siāⁿ, lóng hō̄ Ka-tek ê kiáⁿ-sun, kap Liū-piān ê kiáⁿ-sun, í-kíp Iok-sek ê kiáⁿ Má-ná-se ê poāⁿ-chi-phài. ³⁴Ka-tek ê kiáⁿ-sun khí Tí-pún, A-tha-liók, A-lô-jíⁿ, A-tha-liók-sok-hoán, Ngá-siā, Iok-pí-hap, Pek-lêng-láh, Pek-hap-lân; lóng sī kian-kò̄ ê siāⁿ; in koh khí iūⁿ-tiâu. ³⁷Liū-piān ê kiáⁿ-sun khí Hi-sít-pún, Í-lī-a-lī, Ki-liát-teng, Nī-phō, Pa-lék-bián, (í-keng oāⁿ in ê miā,) koh khí Se-pí-má; in só̄ khí chiaⁿ ê siāⁿ ēng sin ê miā hō̄ i. ³⁹Má-ná-se ê kiáⁿ Má-kiat, i ê kiáⁿ-sun khi Ki-liát, chiām hit ê toē, koáⁿ-chhut hit só̄-chāi ê A-mô-lī lāng. ⁴⁰Mô-se chiong Ki-liát hō̄ Má-ná-se ê kiáⁿ Má-kiat; i chiū khiā tī-hia. ⁴¹Má-ná-se ê kiáⁿ Gāi-jíⁿ khi chiām hiah ê huiⁿ-siā, chiū chheng i choē Hap-úi-ték-gāi-jíⁿ. ⁴²Lô-pa khi chiām Ki-láp, kap Ki-láp chiaⁿ ê huiⁿ-siā; chiū chiàu ka-kī ê miā chheng i choē Lô-pa.

33 Í-sek-liát lāng chiàu kun-tūi, tī Mô-se A-lūn ê chhiú-ē, chhut Ai-kíp toē só̄ kiāⁿ ê lô-chām, kì tī ē-bīn. ²Mô-se chiàu Iâ-hô-hoa ê bēng-leng kì-chài in khí-sin kiāⁿ ê lô-chām; in khí-sin kiāⁿ ê lô-chām chiū-sī án-ni. ³Chiaⁿ-gêh-kan, tī chiaⁿ-gêh chap-gō̄ jít, chiū-sī poāⁿ-kè-choeh ê tē-jī jít, Í-sek-liát lāng tui Lān-sek khí-sin, tī Ai-kíp cheng-lāng ê bák-chiu-chêng, khò toā koān-leng ê chhiú chhut-khi. ⁴Hit-sī Ai-kíp lāng teh bái-chòng in lóng-chóng ê toā-kiáⁿ, chiū-sī Iâ-hô-hoa tī in tiong-kan só̄ phah-sí-ê; Iâ-hô-hoa

iā khiàn-chek in hiah ê siōng-tè. ⁵Í-sek-liát lāng tùi Lān-sek khí-sin, chat-iāⁿ tī So·kat. ⁶Tùi So·kat khí-sin, chat-iāⁿ tī kün không-iá ê Í-thóng. ⁷Tùi Í-thóng khí-sin, oát-túg kàu Pí-hap-hi-liók, chiū-sī tī Pa-lék-sé-hun ê tui-bīn, chiū chat-iāⁿ tī Bít-toát ê thâu-chêng. ⁸Tùi Hap-hi-liók tui-bīn khí-sin, keng-kè hái-tiong kàu không-iá; koh tī Í-thóng ê không-iá kiāⁿ saⁿ-jít ê lō·chām, chiū chat-iāⁿ tī Má-láh. ⁹In tùi Má-láh khí-sin, lāi kàu Í-lim; Í-lim ũ chấp-jī tiâu chúi-choāⁿ, chhit-cháp châng chók-chhiū; chiū tī-hia chat-iāⁿ. ¹⁰Tùi Í-lim khí-sin, chat-iāⁿ tī Áng-hái kīⁿ. ¹¹Tùi Áng-hái kīⁿ khí-sin, chat-iāⁿ tī Sìn ê không-iá. ¹²Tùi Sìn ê không-iá khí-sin, chat-iāⁿ tī Thoat-ka. ¹³Tùi Thoat-ka khí-sin, chat-iāⁿ tī A-liók. ¹⁴Tùi A-liók khí-sin, chat-iāⁿ tī Lī-hui-tèng; tī-hia bô chúi thang hō·peh-sìⁿ lim. ¹⁵Tùi Lī-hui-tèng khí-sin, chat-iāⁿ tī Se-nái ê không-iá. ¹⁶Tùi Se-nái ê không-iá khí-sin, chat-iāⁿ tī Ki-phok-lô-hap-tha-oá. ¹⁷Tùi Ki-phok-lô-hap-tha-oá khí-sin, chat-iāⁿ tī Hap-sé-liók. ¹⁸Tùi Hap-sé-liók khí-sin, chat-iāⁿ tī Lī-thê-má. ¹⁹Tùi Lī-thê-má khí-sin, chat-iāⁿ tī Līm-būn-phāⁿ-liát. ²⁰Tùi Līm-būn-phāⁿ-liát khí-sin, chat-iāⁿ tī Líp-ná. ²¹Tùi Líp-ná khí-sin, chat-iāⁿ tī Lék-sat. ²²Tùi Lék-sat khí-sin, chat-iāⁿ tī Ki-hi-láh-tha. ²³Tùi Ki-hi-láh-tha khí-sin, chat-iāⁿ tī Sa-húi soaⁿ. ²⁴Tùi Sa-húi soaⁿ khí-sin, chat-iāⁿ tī Hap-láh-tāi. ²⁵Tùi Hap-láh-tāi khí-sin, chat-iāⁿ tī Má-kiat-hi-liók. ²⁶Tùi Má-kiat-hi-liók khí-sin, chat-iāⁿ tī Tha-hap. ²⁷Tùi Tha-hap khí-sin, chat-iāⁿ tī Tha-láh. ²⁸Tùi Tha-láh khí-sin, chat-iāⁿ tī Bít-ka. ²⁹Tùi Bít-ka khí-sin, chat-iāⁿ tī Hap-mô·ná. ³⁰Tùi Hap-mô·ná khí-sin, chat-iāⁿ tī Mô·se-liók. ³¹Tùi Mô·se-liók khí-sin, chat-iāⁿ tī Pí-ni-a-kan. ³²Tùi

Pí-ni-a-kan khí-sin, chat-iāⁿ tī Hat-hap-kíp-kah. ³³Tùi Hat-hap-kíp-kah khí-sin, chat-iāⁿ tī Iok-pa-tha. ³⁴Tùi Iok-pa-tha khí-sin, chat-iāⁿ tī A-phok-ná. ³⁵Tùi A-phok-ná khí-sin, chat-iāⁿ tī Í-sūn-ka-piát. ³⁶Tùi Í-sūn-ka-piát khí-sin, chat-iāⁿ tī Sīm ê không-iáⁿ, chiū-sī Ka-te-su. ³⁷Tùi Ka-te-su khí-sin, chat-iāⁿ tī Hô-jíⁿ soaⁿ, Í-tong toē ê pīⁿ-kài.

³⁸Í-se-liát lāng chhut Ai-kíp toē ê sì-cháp nī, gō·gêh chhoe-it jít, chè-si A-lūn chun-thàn Iā-hô-hoa ê bēng-lēng, chiūⁿ Hô-jíⁿ soaⁿ, chiū sí tī-hia. ³⁹A-lūn sí tī Hô-jíⁿ soaⁿ ê sí, chit-pah jī-cháp-saⁿ hē.

⁴⁰Khiā-khi tī Ka-lām toē lām-hng ê Ka-lām lāng A-láh-tek ông thiaⁿ-kīⁿ Í-sek-liát lāng lāi lah.

⁴¹Í-sek-liát lāng tùi Hô-jíⁿ soaⁿ khí-sin, chat-iāⁿ tī Sat-mô·ná. ⁴²Tùi Sat-mô·ná khí-sin, chat-iāⁿ tī Phók-lūn. ⁴³Tùi Phók-lūn khí-sin, chat-iāⁿ tī O-pek. ⁴⁴Tùi O-pek khí-sin, chat-iāⁿ tī Í-iā-a-pa-līm, Mô·ap ê pīⁿ-kài. ⁴⁵Tùi Í-in khí-sin, chat-iāⁿ tī Tí-pún-ka-tek. ⁴⁶Tùi Tí-pún-ka-tek khí-sin, chat-iāⁿ tī A-būn-te-pí-láh-thài-im. ⁴⁷Tùi A-būn-te-pí-láh-thài-im khí-sin, chat-iāⁿ tī Nī-pho tui-bīn ê A-pa-līm soaⁿ. ⁴⁸Tùi A-pa-līm soaⁿ khí-sin, chat-iāⁿ tī Mô·ap ê pīⁿ-iūⁿ, Iok-tàn hô-piⁿ, Iā-lī-ko tui-bīn. ⁴⁹In chat-iāⁿ tī Iok-tàn ê hô-piⁿ, tùi Pek-iā-se-boát kàu A-pek-síp-tēng, tī Mô·ap pīⁿ-iūⁿ.

⁵⁰Iā-hô-hoa tī Mô·ap pīⁿ-iūⁿ, Iok-tàn hô-piⁿ, Iā-lī-ko tui-bīn, hoan-hù Mô·se kóng, ⁵¹Lí tiòh hoan-hù Í-sek-liát lāng kā in kóng, Lín kè Iok-tàn hô-jíp Ka-lām toē ê sí, ⁵²chiū tiòh tùi lín bīn-chêng koáⁿ-chhut hia só· ũ khiā-khi ê peh-siⁿ, húi-biát in it-chhè phah-chiāⁿ ê chiòh-siōng, koh húi-biát in it-chhè iūⁿ-chū ê ngó·siōng, koh thiah-húi in it-chhè

ê soaⁿ-thâu-toaⁿ. ⁵³Lín tiòh chiàm hit só·chāi, iā tiòh khiā-khí tī-hia, in-ūi Goá chiong hit só·chāi siúⁿ-sù lín choè-giáp. ⁵⁴Lín tiòh chiàu ták-ke liam-khau sêng-chiap hit ê toē; lāng choē-ê, tiòh pun sán-giáp khah-choē hō·in, lāng chió-ê tiòh pun sán-giáp khah-chió hō·in; khoàⁿ lāng liam-tiòh sím-mih só·chāi, hit só·chāi chiū kui i; chiàu lín chó·kong ê chi-phài lín tiòh sêng-chiap i. ⁵⁵Siat-sú lín bô koáⁿ-chhut hit só·chāi khiā-khí ê peh-siⁿ, chiū lín só·iông-ún i tiàm-teh ê peh-siⁿ, beh choè lín bák-chiu-tiong ê chhi, hiáp-ē ê chháu-chhi; in iā beh tī lín só· khiā-khí ê toē khún-pek lín. ⁵⁶Koh Goá beh khoán-thāi lín, chhin-chhiūⁿ Goá bat siūⁿ beh khoán-thāi in ê.

34 Iā-hô-hoa hoan-hù Mô·se kóng, Lí tiòh bēng-lēng Í-sek-liát lāng ká in kóng, Lín kàu Ka-lâm toē ê sĩ, chiū-sī kui hō· lín choè-giáp ê Ka-lâm, chiàu i sì-kéng ê toē; ³lín ê lâm-hng tiòh tùi Sím ê không-iá iân Í-tong ê piⁿ-kài, lín ê lâm-kài tiòh tùi Iām-hái tang--sì ê kék-thâu. ⁴Lín ê kài tiòh kàu A-khek-láh-piⁿ ê soaⁿ-phiāⁿ ê lâm--sì, soà-kàu Sím, tit-tít thàng-kàu Ka-te-su-pa-ni-a ê lâm-pēng; koh thàng-kàu Hap-sat-a-tát, soà-kàu Ap-bún. ⁵Chit ê kéng-kài tiòh tùi Ap-bún oat-kàu Ai-kíp ê khoe, thàng-kàu hái ūi-chí. ⁶Sai-pēng tiòh ēng toā-hái choè kài; che chiū-sī lín sai--sì ê kài. ⁷Lín pak--sì ê kài tiòh tùi toā-hái, ūih-kàu Hô-jíⁿ soaⁿ. ⁸Tùi Hô-jíⁿ soaⁿ ūih-kàu Hap-má ê lō·kháu, thàng-kàu Se-tát-tát. ⁹Koh thàng-kàu Se-húi-lún, tit-kàu Hap-sat-í-lân ūi-chí, che beh choè lín pak--sì ê kài. ¹⁰Lín tiòh tùi Hap-sat-í-lân, ūih-kàu Sī-hoan choè lín tang--sì ê kài. ¹¹Chit ê kài tiòh tùi Sī-hoan lōh-khì kàu A-iân tang--sì ê Lī-pí-láh, koh lōh-khì kàu Ki-ni-liát ô· ê tang--sì. ¹²Chit ê kài tiòh lōh-khì kàu Iok-tàn hô, thàng-kàu

Iām-hái ūi-chí; chit sì-ūi ê kài-lāi beh choè lín ê toē.

¹³Mô·se bēng-lēng Í-sek-liát lāng kóng, Che sī chiàu lín só· liam-khau choè teh-beh soà-chiap giáp ê toē, Iā-hô-hoa só· bēng-lēng hō· káu ê chi-phài koh poàⁿ-chi-phài ê. ¹⁴In-ūi Liū-piān kiáⁿ-sun ê chi-phài chiàu in ê chong-chók, koh Ka-tek kiáⁿ-sun ê chi-phài chiàu in ê chong-chók, í-keng tit-tiòh sán-giáp; Má-ná-se poàⁿ-chi-phài iā tit-tiòh; ¹⁵chí nng chi-phài, koh poàⁿ-chi-phài, í-keng tī Iok-tàn goā, Iā-lī-ko ê tang--sì, ñg jít chhut ê só·chāi tit-tiòh giáp.

¹⁶Iā-hô-hoa koh hoan-hù Mô·se kóng, ¹⁷Beh ká lín pun toē choè-giáp ê lāng ê miā-jī kī tī ē-toē; sī chē-si Í-lī-a-sat, kap Lùn ê kiáⁿ Iok-su-a. ¹⁸Lín tiòh tùi ták chi-phài kéng chit ê siú-léng, pun hit ê toē choè-giáp. ¹⁹Chiah ê lāng ê miā kī tī ē-toē; Iū-tāi ê chi-phài, ū Iā-hu-ni ê kiáⁿ Ka-lék. ²⁰Se-biān kiáⁿ-sun ê chi-phài, ū A-bí-hut ê kiáⁿ Sī-bó·lī. ²¹Piān-ngá-bín ê chi-phài, ū Ki-su-lún ê kiáⁿ Í-lī-tát. ²²Tàn ê kiáⁿ-sun ê chi-phài, ū siú-léng, Iok-lī ê kiáⁿ Pò·ki. ²³Iok-sek ê kiáⁿ-sun, Má-ná-se kiáⁿ-sun ê chi-phài, ū siú-léng, Í-hut ê kiáⁿ Hàn-liap; ²⁴Í-hoat-liān kiáⁿ-sun ê chi-phài, ū siú-léng, Líp-hut-tàn ê kiáⁿ Ki-bó·lī. ²⁵Se-pò·lún kiáⁿ-sun ê chi-phài, ū siú-léng, Phàⁿ-láp ê kiáⁿ I-lī-sat-hoan. ²⁶Í-sat-ka kiáⁿ-sun ê chi-phài, ū siú-léng, A-sàn ê kiáⁿ Phàⁿ-thiah. ²⁷A-siat kiáⁿ-sun ê chi-phài, ū siú-léng, Sī-lô-bí ê kiáⁿ A-hi-hut. ²⁸Ná-hut-tha-lī kiáⁿ-sun ê chi-phài, ū siú-léng, A-bí-hut ê kiáⁿ Pí-tāi-hek. ²⁹Chiah ê lāng chiū-sī Iā-hô-hoa só· bēng-lēng tī Ka-lâm toē chiong sán-giáp pun hō· Í-sek-liát lāng ê.

35 Iā-hô-hoa tī Mô·ap ê piⁿ-iūⁿ, Iok-tàn hô-piⁿ, Iā-lī-ko tùi-bīn, hoan-hù Mô·se kóng,

²Lí bēng-lēng Í-sek-liát lāng, tiòh tui in só· tit-tiòh ê giáp, ēng siāⁿ hō· Lī-bī lāng khiā-khí; iā tiòh ēng siāⁿ sì-úi ê kau-iá hō· Lī-bī lāng. ³Siāⁿ beh hō· in khiā-khí; kau-iá beh choè in ê gū, iūⁿ, chhai-bút, kap ták-iūⁿ cheng-siⁿ ê lō-ēng. ⁴Lín só· hō· Lī-bī lāng siāⁿ-goā ê kau-iá, tui siāⁿ-kha sì-úi niū-chhut chít-chheng tiú. ⁵Lí tī siāⁿ-goā niū i, tang--sì nng-chheng tiú, lâm--sì nng-chheng tiú, sai-sì nng-chheng tiú, pak--sì nng-chheng tiú, siāⁿ tī tiòng-ng; che sī beh hō· in choè siāⁿ ê kau-iá. ⁶Lín só· hō· Lī-bī lāng hiah ê siāⁿ, kī-tiòng tiòh lāk ê tô-siám ê siāⁿ; lín tiòh siat-líp i, hō· thài-sí lāng-ê thang tô-cháu tī-hia; chia-ê í-goā, tiòh koh hō· in sì-cháp-jī ê siāⁿ. ⁷Lín tiòh hō· Lī-bī lāng ê siāⁿ, kiōng sì-cháp-poeh; siāⁿ kap kau-iá, lóng tiòh hō· in. ⁸Lūn-kàu lín tui Í-sek-liát lāng ê sán-giáp-tiòng, só· hō· Lī-bī lāng ê siāⁿ, tui giáp choē-ê, chhú khah-choē siāⁿ, tui giáp chió-ê, chhú chió; kok chiàu só· sēng-chiap ê giáp poah-chhut siāⁿ hō· Lī-bī lāng.

⁹Iā-hō-hoa hoan-hù Mô-se kóng, ¹⁰Lí tiòh hoan-hù Í-sek-liát lāng, kā in kóng, Lín kè Iok-tàn hô, jlp Ka-lâm toē, ¹¹chiū tiòh poah-chhut kúi ê siāⁿ, hō· lín choè tô-siám ê siāⁿ, hō· chhò-gō· thài-sí lāng ê hiong-sin thang tô-cháu tī-hia. ¹²Chiah ê siāⁿ thang hō· lín siám-pī hit ê pò-siū ê lāng, hō· hiong-sin bô tì-kàu sí; theng-hāu i khiā tī hoē-chiòng ê bīn-cheng siū sím-phoàⁿ. ¹³Lín só· poah--chhut-lāi ê siāⁿ, tiòh choè lín lāk ê tô-siám ê siāⁿ. ¹⁴Tī Iok-tàn hô-goā tiòh poah-chhut saⁿ ê siāⁿ, tī Ka-lâm toē iā tiòh poah-chhut saⁿ ê siāⁿ, choè tô-siám ê siāⁿ. ¹⁵Chí lāk ê siāⁿ tiòh hō· Í-sek-liát lāng, kap in tiòng-kan ê chhut-goā lāng, kap kià-kha-ê, choè tô-siám ê lō-ēng; hō· chhò-gō· thài-lāng-ê thang cháu-khì hia.

¹⁶Siat-sú lāng ēng thih-khì phah lāng, tì-kàu sí, i chiū-sī hiong-hoān, hiong-hoān tek-khak tiòh hō· i sí. ¹⁷I ê chhiú nā ēng oē hō· lāng sí ê chiòh tìm lāng, tì-kàu lāng sí, i chiū-sī hiong-hoān, hiong-hoān tek-khak tiòh sí. ¹⁸I ê chhiú nā ēng oē hō· lāng sí ê chhâ phah lāng, tì-kàu lāng sí, i chiū-sī hiong-hoān, hiong-hoān tek-khak tiòh sí. ¹⁹Pò jîn-bēng--ê, pún-sin tiòh thài-sí hit ê hiong-hoān; chít-ē tú-tiòh--i chiū tiòh thài i. ²⁰Lāng nā oàn-hūn hit-lāng lāi kā i chia-tó, á-sī bih-teh ēng-mih tìm i, tì-kàu sí; ²¹khiám-chhái in-úi hiáp-hūn ēng chhiú phah lāng tì-kàu sí, chiū hit ê phah-lāng-ê tek-khak tiòh sí, in-úi i chin-chiàⁿ sī hiong-hoān, pò jîn-bēng-ê tú-tiòh hiong-hoān, chiū thài-sí i.

²²Siat-sú lāng bô hiáp-hūn, hut-jiân chia i, á-sī bô bih-teh, ēng mih tìm i; ²³á-sī bô khoàⁿ-kìⁿ ê sí, ēng oē-phah-sí lāng ê chiòh-thâu tìm-tiòh i, lāi tì-kàu sí, kap i pún bô oan-siū, iā bô ì-sù beh hāi i, ²⁴hoē-chiòng chiū tiòh chiàu hiah ê hoat-tō·, tī phah-sí-lāng-ê kap pò jîn-bēng--ê ê tiòng-kan sím-phoàⁿ i. ²⁵Hoē-chiòng tiòh kiū hit ê chhò-gō· thài-lāng-ê thoat-lī pò jîn-bēng--ê ê chhiú; hoē-chiòng iā tiòh hō· i tò-túg i só· cháu-jlp tô-siám ê siāⁿ, i tiòh tiàm tī hí lāi-bīn, theng-hāu kàu boah sēng-iū ê chè-si-thâu sí. ²⁶Chóng-sī chhò-gō· thài-sí-lāng--ê, bô-lūn cháiⁿ-iūⁿ, nā chhut-khì i só· cháu-jlp tô-siám ê siāⁿ ê keng-goā, ²⁷pò-jîn-bēng--ê nā tī tô-siám ê siāⁿ ê keng-goā tú-tiòh i, lāi thài-sí hit ê hiong-hoān, pò-jîn-bēng--ê chiū bô thài-sí lāng ê choē. ²⁸In-úi i eng-kai tiòh tiàm i tô-siám ê siāⁿ, theng-hāu chè-si-thâu sí; chè-si-thâu sí liáu-āu, chhò-gō· thài-lāng-ê chia-ê thang tò-khì i sán-giáp ê toē.

²⁹Che tī lín it-chhè khiā-khí ê só·-chhai beh choè lín ták sè-tāi ê hoat-lút. ³⁰Kìⁿ-nā thài-

sí lāng, hit ê hiong-hoān tiōh chiàu kúí-nā ê kan-chèng ê lāng ê oē lāi hō· i sí; nā chí-ū chit-lāng choè kan-chèng, chiū m̄-thang hō· lāng sí. ³¹Thāi-sí-lāng hoān-tiōh sí-choē ê, lín m̄-thang siu siók-hoē sīⁿ-miā ê kè-chīⁿ; tek-khak tiōh hō· i sí. ³²Hit ê chāu kàu tô-siām ê siāⁿ ê lāng, lín m̄-thang kā i thēh siók-hoē ê kè, hō· i tī chē-si bē sí ê tāi-seng, koh lāi tiām pún-toē. ³³Án-ni, lín chiū bô phah lâ-sâm lín só· khiā-khí ê toē; in-ūi huìh sī phah lâ-sâm toē ê; nā ū huìh lâu tī toē--nih, siat-sú m̄-sī lâu hit ê thāi-lāng-ê ê huìh, hit ê toē chiū boē tit-tiōh chheng-khì. ³⁴Lín m̄-thang phah lâ-sâm lín só· tiām ê toē, chiū-sī Goá tiām tī hit tiong-kan ê toē; in-ūi Goá Iā-hô-hoa tiām tī Í-sek-liát lāng ê tiong-kan.

36 Siók Iok-sek ê kiáⁿ-sun chiah ê ke, Má-ná-se ê sun, Má-kiat ê kiáⁿ Ki-liát ê kiáⁿ-sun hiah ê chók-tiúⁿ lāi kàu Mô-se kap Í-sek-liát lāng chiah ê chók-tiúⁿ chiah ê siú-léng ê bīn-chēng, kóng, ²Iā-hô-hoa bat bēng-lēng goá ê chú liam-khau pun-toē hō· Í-sek-liát lāng choè-giáp, goá ê chú iā siū-tiōh Iā-hô-hoa ê bēng-lēng, chiong goán ê hiaⁿ-tī Se-lô-hui-hap ê sán-giáp pun hō· i hiah ê cha-bó·-kiáⁿ. ³In nā kè Í-sek-liát pát chi-phài ê lāng, in ê sán-giáp chiū tui goán chók-kong só· lâu ê sán-giáp poah-kè-khì, ke-thiⁿ tī in só· beh siók ê chi-phài ê sán-giáp; án-ni chiū tui goán liam-khau só· tit-tiōh ê giáp poah-kè-khì. ⁴Kàu Í-sek-liát lāng ê hi-liân, in ê sán-giáp chiū ke-thiⁿ tī in só· beh siók ê chi-phài ê sán-giáp; án-ni, in ê sán-giáp chiū-sī tui goán chók-kong chi-phài ê sán-giáp poah-kè-khì. ⁵Mô-se chiàu Iā-hô-hoa ê oē, bēng-lēng Í-sek-liát lāng kóng, Iok-sek kiáⁿ-sun ê chi-phài só·-kóng-ê sī tiōh. ⁶Lūn-kàu Se-lô-hui-hap chiah ê cha-bó·-kiáⁿ, Iā-hô-hoa án-ni

bēng-lēng, kóng, In thang kè in kah-i ê lāng, tók-tók tiōh kè hō· in lâu-pē tâng-chong chi-phài ê lāng. ⁷Án-ni, Í-sek-liát lāng ê sán-giáp chiū bô tui chit chi-phài kui kàu hit chi-phài; in-ūi Í-sek-liát lāng tiōh ták-ê chip-siú in chók-kong chi-phài ê sán-giáp. ⁸Kìⁿ-nā tī Í-sek-liát chi-phài tiong tit-tiōh sán-giáp ê cha-bó·-kiáⁿ, tiōh choè i ê lâu-pē tâng-chong chi-phài ê lāng ê bó·, thang hō· Í-sek-liát lāng ê chi-phài ták-ê chip-siú in ê chók-kong ê sán-giáp. ⁹Án-ni, in ê sán-giáp chiū bô tui chit chi-phài kui kàu hit chi-phài; in-ūi Í-sek-liát lāng ê chi-phài, beh ták-ê chip-siú in ê sán-giáp. ¹⁰Iā-hô-hoa án-ni hoan-hù Mô-se, Se-lô-hui-hap ê cha-bó·-kiáⁿ chiū án-ni kiáⁿ. ¹¹In-ūi Se-lô-hui-hap ê cha-bó·-kiáⁿ, Má-láh, Tek-sat, Hat-láh, Bit-ka, Ná-a, lóng kè in ê chek-peh ê kiáⁿ. ¹²In kè tī Iok-sek ê kiáⁿ, Má-ná-se kiáⁿ-sun hiah ê ke; chiū in ê sán-giáp iū-goán lâu tī in lâu-pē ê ke ê chi-phài.

¹³Chiah-ê sī Iā-hô-hoa tī Mô-ap pīⁿ-iūⁿ, Iok-tàn hô-piⁿ, Iā-lī-ko tui-bīn, thok Mô-se só· hoan-hù Í-sek-liát lāng ê bēng-lēng, hoat-tō·.